


I CITONDEZYO CA

KASIMPE ECO CITAMVWUGWI

 Bungana cifumo cino mu Zina Iya Mwami Jesu, akwalo kumana kukomba maningi. Elyo cifumo cino, Tii ndafuma kubuka. Nda baanga ndamuka, ku buka, elyo Ndi yeeyela kuti bantu boonse balizi kaambo ncocili boobo, ndyoonya eno.

² Nda kaboola ku ng'anda, cifumo cimwi, na busiku bumwi, nkabela simukoboma wakaliimvwi mu lubuwa, walo a mwana wakwe muniini musimbi. Mukaintu wakwe ngu narsi mu kaanda ka kutumbukila kuya ku cibbadela. Aboobo wa kajisi i—i mufunko mu janza lyakwe, uutandila kulampa *boobu*, antoomwe a—a bulembo buniini aali nguwo, kalembo kamwi ka lusakatizyo, a cintu ciniini ca kati, “Syanene Branham mbuli obu, Nda syoma, kutandila 3:43 na 4:43, Kavumbikaniini 11.” Mpawo, tweengo tupati ncobeni kungsi, kati, “Uli mupati kukomena kwiinda mboyeeya.” Aboobo Ndi jisi nguzu zya mulao eno zya kupumuna kulamfu kuniini cifumo. Mbo mbubo, Mukwesu Wright, ndilili no—no yooba syanene?

³ Elyo aboobo Ndi yeeyela kuti inga ndabee ndazumizigwa, mpawo, Mucizi Kidd, cifumo cino, nkambo kakutana buka cindi nokainda kuzwa Ohio. Ndi limvwa masimpe kutandila myaka iili kkumi yakukomena kwiinda, Nda yeeya, nekuba, kumane obo. Pele, mbuli nyoonse mbo muzi kuti Ndi jisi muzukulu wangu muniini ku busena kuya, uutandila mapaundi aali ciloba na lusele, cintu cimwi mbuli eco, mwana muniini uugalankene maningi oyo ngo Nda kasola kubona. Kati, “Uboneka buyo mbuli syanyinakulu.” Aboobo . . . Elyo Nda kali kubona buyo oko nkwakali kuya, oko Billy nkwa kainka.

⁴ Aboobo, masiku ainda, kandiselemuka kuzwa ku buyake bupati, nindaka mana kutumina luwaile lwangu, Nda kaswana nkamu ya beenzuma basyomeka kuzwa ku Georgia a koonse, elyo toonse twakali kubusena kuya katulangide ku balombwana abo baniini. Elyo mbabotu bayandwa. Lino, bali buyo . . . Nda kamvwa cintu cimwi lyoonse mbuli obo, “Billy, ula yoowa kuti uyooba pwaya, nywebo mulizi. Mba syoonto loko.” Elyo Nda syoma wakali Mucizi Beeler wakati . . . Nda kali kuyeeya . . . Waa kali kuyeeya boobo awalo, pele, kumane, waa kajana kuti tii bakali abupwaye mu buteteete loko. Aboobo, Nda yeeya kuti abo kuli luleme.

⁵ Ijilo sikati Nda kajisi coolwe ca kuba kunselelo kuli imwi ng'anda ya bacizi besu kuno ku mbungano, ng'anda ya mwana wakwe musimbi; alimwi Ndi yeeya kuti awalo uli kuno

ku mbungano, oko nkoba kajisi cisuusulo ciniini ca buzuba bwakuzyalwa ica Mukwesu Neville. Elyo waka jisi kucitika kumbi kupati oko nkwa kainda ijilo. Elyo aswebo twaamba ku Mukwesu Neville, “I buzuba bwakuzyalwa bubotu loko,” toonse swebo, nkaambo mukwesu mubotu maningi. Elyo, mubwini, wazwaa kwiinda buyo aa makumi obile ayosanwe, a niini, aboobo mpawo mbuli ndime. Elyo aboobo twazwaa kwiinda buyo, ciindi cabili. Nce cico. Lino oko nkokuba mwaalumi mudaala, ciindi yebo waindilila mbaakani eyi ciindi cabili, nywebo mulizi.

⁶ Nda yeeya cifumo eelyo Frankie Weber na kaboola kutala kuno. Elyo wakali simukobo wa ng’anda yakali kucilili kuli ndiswe kuno; mwana wakwe musimbi uukkala kuya eno. Uli mu Florida. Elyo Frankie a Mebo twakaunka ku cikolo antoomwe. Elyo Frankie wakabikka mulumbo wakwe mukati wa buzuba bwakuzyalwa. Elyo Nda kali kukambauka mpawo kutandila myaka yotatwe na yone. Nda sololela Frankie ku Mwami Jesu. Nkabela wakabikka kabeela mukati kuzwa muli tone. Ndi yeeya kuti Nda kali makumi obile ayobile. Nkabela wa kabikka kabeela mukati kuzwa muli tone. Nda kayeeya, “Oh, ma, sena upandulula ku ndaambila kuti Frankie Weber ulaa myaka makumi obile ayosanwe yakukomena? Fyuu! Ma, Nda langila mukukankama cindi Nda ba makumi obile ayosanwe.” Lino Ndi libambila kubikka mukati totatwe twazyo, aboobo mpawo, inoino loko. Aboobo tacitoli biyo ciindi cilamfu kwiindilila.

⁷ Cindi Nda langa awa a kubona Mukwesu a Mucizi Kidd mu makumi abo aali lusele elyo kaba cizumanana canguzu, Nda yeeya, “Mwami Jesu, kondijatila ku kutongauka, ku makumi aali osanwe ayobile.” Elyo mpawo. . . Uli makumi aali lusele, a Mukwesu Kidd uli makumi aali lusele aomwe. Sa obo mbombubo? Makumi ali lusele aomwe. Nkabela bacili mu mulimo. Nda mwaambila, eco citupa camba. Sena taciciti? Masimpe cilacita. I Mwami mubotu masimpe kuli ndiswe.

⁸ Lino, kuli cintu comwe biyo cibbi eco nce Ndi langila mukukankama, kuba a muswaangano kuno cifumo, elyo eco ngu. . . Ncintu cियोosya loko, cimvwika mbuli cintu cuusyansoni ku kwaamba. Pele Ndi jisi beenzuma banji loko abo baboola, ku ciindi cino kuzwa kulaale, ku—ku miswaangano.

Tii ndabona bana Evans awa, pele bali ano aa busena bumwi, mbo Ndi yeeyela. Taba kakilwi kujanika kuli umwi. Nkabela mulizi kuti mamaile ongaye nge beenzya Munsondo amunsondo kuzoomvwa nkambauko? Mamaile aali myaanda iili kkumi aotatwe. Taba konzyi ku bamba lweendo lutasiki ku madollar aali makumi ali cisambomwe na makumi ali ciloba amvwiki, kuya ku mbungano, mbo mbubo, cindi no baboola kuno a mukwasyi, wabo oonse, kuboola kuno, kubbadela.

⁹ Lino, kutali buyo abo, pele kuli mukwesu muniini kuzwa ku musanza mu Alabama, uleenzya kutandila musinzo nguonya mvwiki amvwiki. Mukwesu... Oh, ma! Mukwesu “Welt”? [I mukwesu waamba, “West.”—Mul.] West. Uboneka mbuli mulombe, kuli ndime. Ngu—ngu taata, jisi nkamu ya bana. Pele lyoonse undi yeezya buyo, uboneka bukubusyi loko, walo a mukaintu wakwe. Mukwesu West.

¹⁰ Mukwesu a Mucizi Palmer bakkede kusule kuya, kuzwa ku musanza loko wa Macon, Georgia.

Elyo—elyo Mucizi Ungren, kanji bali kookuno, kuzwa ku musanza, Memphis, Tennessee. Sena nkobali kuno cifumo eci? Nda—Nda... Ikanji inga balikuno. Mucizi Ungren a—a nkamu kuzwa ku musanza ku Memphis, Tennessee, kulaale, inzya, kuya kusule loko.

Elyo kuli bambi. Nda buyo... Mbanji buyo loko, ku baita. Bamwi babo, kulaale ku musanza wa Kentucky. Bamwi, kulaale kutala koonse ku Chicago. Elyo bamwi bazwa ku Chicago, aatala ku Chicago, koonse ku masena.

¹¹ Munsondo, Nda kamvwa kuti kwakali mwaalumi kuno wakeenda lweendo loonse kuzwa ku California, waka kkala biyo asyoonto; wakali kuyanda kundibona. Mubwini, Nda kali syanikide, nikwaka mana muswaangano. Elyo mwaalumi waka joka, mebo kakutakwe ku mubona.

Umwi uumbi wa kaboola kubako kuzwa kutala, Illinois, busena bumwi. Ikuti na mwaalumi nkwali cifumo cino: alo akali maapele mabotu loko aanona nge Nda kasola kulya. Elyo wa kandiletela zisuwo zya maapele.

Elyo umwi wa bakwesu kuzwa ku musanza mu Georgia, Nda syoma mbo yakabede, na busena bumwi, kaleta cibbudu cipati ncobeni cama pekkani, kutandila kukomena *obu*, zivumbyo zya mapepa. Elyo, oh, Inga ndaalya cancobeni!

¹² Ndyoonya eno, nkaambo, Ta ndili mukulya zyakulya zibotu mu mazuba aya, nsena cita kuzwa ku kwiinka kwa baama. Ndi yandaula Mwami nkambo ka cilengaano cipya. Ndilya buyo zintu ziteteete, a kwalo ziniini buyo mbuli mbo Ndi konzya kuponena ankuko; ndaswekelwa mapaundi aali makumi obile mu kulema. Cili ngu... Lino, Ta ndili mukuliimya. Ta... Peepe, peepe. Eco, kucita buyo eco, oko takuli kupa eco ku Mwami. Yebo uyanda kupa Mwami cibotu maningi nco cijisi. Kutali...

¹³ Nda konzya kubona Mukwesu Sumner a balo kusule kuya akwalo. Kuli buyo banji loko. Nda...

Mbuli, Munsondo yakainda, Nda kaamba bantu abo—abo bakakkala a baama, a zintu. Elyo mucizi wini uusyomeka wakaliko. Nda luba kwaamba zina lya mwanakazi oyo. Lino, ikuti na nkwali cifumo cino, Nda lilekelela. Umwi wabo wakali

Mucizi Beeler, alimwi umwi uumbi wakali Mucizi a Mukwesu Stephie. Nkabela mbanji loko! Nda . . .

¹⁴ Nywebo nyoonse muli ndizi kabotu ncobeni kuziba kuti tii Ndali kuyanda kucicita, cindi ni Nda kakilwa kwaamba zina na kukakilwa ku bona muntu. Obo mbo bakali basyomeka boonse! Elyo zimwi ziindi kukkala buyo awa, Njo amba muntu umwi oyo waboola buyo ku mizeezo yangu. Pele Ndi . . . Kuli eco, Nda amba nkamu yoonse, bantu boonse, mwabona, ncibotu buyo loko. Elyo mpawo, bantu boonse, mbaluyando, a baluse kuli ndiswe. Elyo ncobeni tula lumba eco.

¹⁵ Elyo eno, cifumo cino, tuyo sola kuboola ku Ijwi lya Leza alubo. Lino, Ndi yanda kubamba kaambo aka, kutegwa kamvwugwe ncobeni, kuti Ta—Ta ndibooli biyo ku muswaangano uuli oonse kuyanda kubonwa buyo. Ta ndibooli kuya a kwaamba biyo, “Ee, Ndi yanda antela kulomba Mwami kundipa i—i Mulumbe oyo uyobamba buyo bantu kulimvwa kabotu ncobeni a koongolola.” Twa kali jisi kunji oko, pele, alimwi tula lumba oko. Eco cili kabotu. Mwabona? Eco ncibotu loko. Mwabona? Pele eco nce Ndi yanda kuziba, ngu, “Mwami, Yebo kolailila mizeezo yangu mu cintu cimwi eco ciyooba lugwasyo ku bantu, eco ciyo babikka kuni loko kuli Leza, eco ciyo—eco ciyo—eco ciyo cita cintu cimwi kuli mbabo.” Kutu, kuti kutali kunji loko ku bayaka ca kumuuya, pele ku bayaka mu luzibo a lulayo lwa Leza, kutegwa inga bakazibe nzila ya kwiima cindi sinkondo aasika.

¹⁶ Nda kali kwaambaula ku mucizi oyo wakasikide kutala kuno mu kuswaya mvwiki iino, Mucizi Palmer. Waa kati, kali kuyanda kuziba nzila eyo Nje ndakasola kupona mu cisi eci. Ngu, yebo waboola kubako buyo kuno, alimwi, inzya, ciindi coonse Nda njila kkuti Nda ciswa buyo kufumbwa Nda njila. Takuli kwa nseba mbotu buyo mu kkuti kuno. Tulizi eco. Pele Leza uli jisi bana banji ku musanza kuno. Elyo aboobo bumwi bwa mazuba . . .

¹⁷ Ndi yandaula Mwami eno, ku jana Mulumbe wini uutonkomene kuzwa kuli Leza. Mwabona? Elyo Mebo, ku lugwasyo lwa Leza, Ndi kanza buyo kujatilila mane A boole, elyo mane A bambe kaambo kamwi kuli ndime. Nkambo Ndi limvwa kuti kuleelede kuba . . . Kuli cintu cimwi eco cilaafwi kucitika koonse kuno, elyo Ndi yanda kuziba mbo cibede. Ndi yanda kuziba cakugama kuzwa kuli Leza, kutegwa inga Nda amba kuti ngu MBUBOBU MBWAAMBA I MWAMI. Mwabona? Elyo mpawo—mpawo mula konzya, nywebo, no bantu, mpawo muyo ziba kuti tandili ndime. Aboobo, Ndi yanda kusola ku cibamba obo, kuti, na, kumvwa kuli Nguwe lutaanzi.

¹⁸ Nkaambo, ikuti na Wa bikka Majwi Akwe mu—mu muntu, ee, mpawo tacili muntu limbi; ngo Nguwe. Mpawo ikuti muntu ulimu kucaamba, ngu lwakwe, mpawo tacikooba cintu cili

coonse munzila iili yoonse. Pele ikuti na ngo Nguwe, Ijwi lya Mwami, lili mu muntu, Liyo boola kuba, elyo mpawo li yooba—li yooba liluleme buyo ncobeni. Eco ncecico nco twa katuminwa, mu Bbaibbele, kuya kujatikizya capita 20 ya Deuteromono, Nda syoma, Lya kaamba. Iiyi. Amulangilile. “Elyo ikuti umwi waamba mu Zina lya Mwami, nkabela ta cicitiki, mpawo muta bikkili maanu ku muntu oyo.” Mwabona? “Pele ikuti ba caamba nkabela ca citika, mpawo ncibotu mu ciswiilile, mwabona, nkaambo cizwa kuli Leza.”

¹⁹ Eyo nje nzila Leza bwajisi. Uli jisi mabambe Aakwe aa lyoonse aabambidwe awa mu Bbaibbele. Tu lizi nzila ya kutondezya eco. Pele kuli zintu zimwi, ezyo—ezyo ku Mbungano aku cindi a zintu, ezyo Nzya taka lemba awa mu Bbaibbele, aboobo Ula bikka Jwi Lyakwe mu bantu elyo bala Lyaamba mu busena Bwakwe, mwabona, ku li yubununa. Aboobo, mpawo, nzila yaku beteka muntu oyo nkuziba naa cacitika mu nzila nja caamba. Mpawo, ikuti cacita, mpawo ca zumanana kucitika mu nzila eyo, ee, mpawo tu lizi eco cizwa ku Mwami. Mpawo tuli—mpawo tuli jisi kaanzambwene, mpawo, ku libambila ku cintu cicilila kuboola.

²⁰ Ndi yanda kubala masena obile na otatwe mu Magwalo cifumo cino. Elyo Ndi yanda kubala, lutaanzi, kuzwa ku Bbuku lya Kulonga, alimwi Nda syoma kujatikizya capita 4 ya—ya Kulonga, ku kotalisya.

²¹ Elyo eno inga Nda ambilizya kuciindi nomuli bambila kubala Magwalo aya, inga Nda ambilizya eco nce Ndi yanda kukanana kuli ndinywe, eco Mwami ncaa bikka ku moyo wangu kwaambaula, cifumo cino. Ta ndizi Nca yoocita a ncico, ku bantu; ndiza calaililwa ku muntu omwe kuno, ndiza muntu umwi ku busena mu cisi ca mateepu, busena bumwi bumbi. Pele Ndi yanda kwa ambilizya, cifumo cino . . .

²² Ndi yeeya kuti, Munsondo yainda cifumo, Nda ka kambauka aa *I Kamboni Wabwini*. Elyo Munsondo omu cifumo, Mwami na wayanda, Ndi yanda kukambauka aa: *I Citondezyo Ca Kasimpe Eco Citamvwugwi*.

²³ Mukwesu Palmer wakali ku ndaambila, masiku ainda, kuti cifumo Munsondo yainda Nda kaambaula aa ciyo . . . na kati Nda kali kweelede ku kanana, Munsondo eyi, aa “I manyoneno one aa Mbungano.” Elyo cindi ni Nda kanjila masiku ainda . . . Nda lembalemba kuniini kunji aa mapepa. Eco . . . Ta ndizi naa nywebo mweelede kucita eco na pe. Pele Ndi jisi zintu zinji loko, kusola ku yeeya. Nda jana cintu cimwi, Nde elede ku cilemba aa kabeela kapepa. Mwabona? Elyo Nda kainka kuyo cilanga, alimwi aceeco nce Nda kali kupandulula kuli ceeco tii cakali ncobeni manyoneno one. Nda kaamba mu nzila eyo, cancobeni. Pele eco nce Nda kali kupandulula, cakali, “I ziimo zyone zya bweendelezi bwa Mbungano.” Elyo kucita eco, Nde elede kuba a

kunji kwa makani aakale antoomwe. Elyo ndiza ciindi cicilila Ndi yooba a ceeco. Pele citola ciindi cilamfu aniini kwiinda mbo Nda kajisi ciindi ca kubala ku cibamba, nkaambo weelede kujoka a kujana myeelwe ya mazuba, a zimwi zimbi.

Nkaambo, nywebo nyoonse, nyoonse mula mvwisya kuti cili ku masena oonse. Baa, tu yanda kuba masimpe ncobeni ku zintu eezi katutana ku zyaamba. Zyeedelede ku lulama. Nkaambo, tu liimvwi awa, katu jisi mulimo wiinda oyo ujatwa mu nyika: i mukambausi. I mukambausi, alimwi sikutondezya bwini loko a kululama, kulondoka, tweelede kuba nzila eyo. Tweelede kuyaamina kuli Leza ku cicita.

Lino, mu Bbuku lya Kulonga, capita 4.

Elyo Musa waka vwiila a kwaamba, . . . bona, taba kandisyomi, nekuba kuswiilila ku jwi lyangu: nkambo bayo amba, I MWAMI ta libonya kuli nduwe.

Elyo MWAMI waka mwaambila, Ino ncinzi eci cili mu janza lyako? Elyo wakati, I musako.

Elyo wakati, Kouwaala aansi. Elyo wa kauwaala aansi, nkabela yakaba nzoka; elyo Musa wakatiya kumbele lyayo.

Elyo MWAMI wakati kuli Musa, Ko tandabika janza lyako, a kwijata ku mucila. Elyo waka tandabika janza lyakwe, a kwijata, nkabela yakaba musako mu janza lyakwe:

Kuti inga basyome kuti MWAMI Leza wa mawisi, Leza wa Abrahamu, Leza wa Izaka, a Leza wa Jakobo, wa libonya kuli nduwe.

Elyo MWAMI wakati alimwi kuli nguwe, Ko bikka janza lyako ku camba cako. Elyo wakabikka janza ku camba cakwe: elyo ciindi na kali gwisya, bona, janza lyakwe lyakaba aa cinsenda mbuli caanda.

Elyo wa kati, Ko bikka janza lyako i mu camba alimwi. Elyo wa kabikka janza lyakwe ku camba cakwe alimwi; elyo wakali gwisya kuzwa ku camba cakwe, elyo, bona, lya kasanduka alimwi mbuli nyama yakwe iimbi.

Elyo ciyo citika, ikuti na bata kakusyomi, nekuba kuta swiilila ku jwi lya citondezyo citaanzi, cakuti bayo syoma jwi lya citondezyo camamanino.

Nywebo mwabona zitondezyo zyobile, alimwi citondezyo acimwi cakajisi jwi. Andi bale kampango 8 alimwi.

Elyo ciyo citika, ikuti na bata kakusyomi, nekuba kuta swiilila ku jwi lya citondezyo citaanzi, cakuti bayo syoma jwi lya citondezyo camamanino.

Elyo ciyo citika, ikuti na bata takasyomi akwalo zitondezyo ezi zyobile, nekuba kuta swiilila ku jwi

lyako, cakuti yebo uyo bweza meenda a mulonga, a kwaatila aatala . . . nyika njumu: elyo meenda ayo ngo teka kuzwa mu lwizi ayooba bulowa aatala aa nyika njumu.

²⁴ Elyo eno mu Musalali Johane, capita 1 a kampango ka 6, tubala tumpango otu, na kampango aka. Musalali Johane, capita 1 a kampango ka 6. Alimwi . . .

Kwakali muntu wakatumwa kwa Leza, oyo wa zina lyakali Johane.

. . . muntu wakatumwa kwa Leza, oyo wa zina lyakali Johane.

²⁵ Elyo muli Ezekieli 24:24, Ndi yanda kunjizya Lugwalo olu, kulu swaanganya kuzwa ku Cizuminano Cakale, ku basinsimi, ku Cizuminano Cipyra; kutegwa mu cimvwisye kuti cili moonse kumaninina, kuzwa ku Kulonga, matalikilo kuya ku mamanino.

Aboobo Ezekieli ngu citondezyo kuli ndinywe: kweendelana kuli koonse nkwacita muyo cita: elyo cindi eci ca kucitika, muyo ziba kuti Ndime Mwami LEZA.

Lino atu kotamike mitwe yesu ku kaindi kaniini mbuli mbo tuboola munzila ya bulemu kuli Nguwe mu nzila ya mupailo.

²⁶ Taata, Leza, twa boola mu Zina lya Leza wa Abrahamu, Izaka, a Jakobo: Jesu Kristo mululami. Twa boola, mukuziba kuti Uyo tuvwiila, nkambo tee twaboola mbuli muntu umwi oyo wazwaa kunjila buyo mu buyake, pele twaboola munzila ya camba a lusyomo, kusyoma kuti eco Nca kasyomezya, eco Uyo cicitika. Aboobo twa lomba, sunu, Mwami, kuti Uyo bweza umwi aumwi wesu oyo uuliko, lweendo loonse kuzwa ku cikambaukilo kusika kusule lya buyake, moonse mu masena cakumaninina, a kujula myoyo yoonse a kupalula kumvwa kwesu, kuti Ijwi lya Leza muumi inga lyaboola kuzwa ku Julu, cifumo cino, a kutila mu myoyo yesu, kuti inga twa syoma, mbuli mbo tumvwa Ijwi lya Mwami alimwi mbuli mbo lyabalwa kuli ndiswe mu matwi esu cifumo cino. Elyo twa Ku lumba nkambo ka Ijwi Lyako. Ijwi Lyako Mbwini.

²⁷ Elyo eno, mbuli mbo tubona maora mabi kaaswena, bukali boonse bwa Leza bwa bambwa mu milengalenga. Elyo cilaafwi ku ciindi cili coonse cakuti inga kwaba a cintu cimwi cicitika ku cisi eci eco caka Ku siya, cakuti kuyooba kumwi kubbotoka kupati oko kuyo gwisya cisi eci kumaninina kuzwa ku maapu ya nyika, a twaambo twakulwa kunze lya ncico, kwa cisi citali cabukombi eco ciyandisya kucita boobo. Elyo mukuziba eco, mu busena bwa kuswena mumsi kuli Leza, ba boneka kuzwa kuya kulaale. Mukuziba kuti Bbuku lya Ciyubunuzyo alimwi muciiindi coonse mu Magwalo akaamba kuboola kwa buzuba obu, mpawo atu bweze kucenjezewa, Mwami, kutali kuba

batolo a kukkede ca kufukula, mbuli mbo cakabede. Akube kuti tubuke a kuli zunganya lwesu.

²⁸ Akube kuti tube a kumwisya, sunu, mbuli oko nkotwa takali kuba ako. Akube kuti myoyo yesu ipye maningi, kwamana buzuba obu, kuti kuyooba mulilo uyaka mu buntu bwesu oyo uuyofumpa kwiinda mu cisi eci, Mwami, a bumboni bupona kufumbwa ku busena nko tubede.

²⁹ Koleleka baciswa a bapengede, abaabo ba bulide, bali aakati kesu a batali aakati kesu, bantu Bako, masena oonse.

³⁰ Koleleka Ijwi Lyako, Mwami. Kosalazya mulanda Wako, alimwi a balanda Bako abo baswiilila, kuti, antoomwe, inga tu konzye kuletwa ku kumwisya kwini maningi ku kulibonya Kwakwe, kwiinda mbo kutana sola kuba mu buumi. Kutali buyo kuti Ndi kombela aba baliko, pele a baabo bayo mvwa teepu ku nyika yoonse, kuti inga baletwe mu Mbungano ya Leza muumi. Nkambo tu lizi kuti kuli biyo nzila yomwe eyo mbo tukonzya kuba membala wa Mbungano eyi, oko nkwiinda ku kuzyalwa kwa Muuya, mpawo tula bapatizigwa ku Muuya omwe mu Mubili omwe. Nda lomba, Leza, nkambo ka umwi aumwi koonse ku nyika, kuti Yebo uyo jana bulemu ku Lwako. Alimwi akube kuti tubambe buntu bwesu maningi, kuti a koompolola komwe ku nyika yoonse, inga twa ompolola, “Akwalo obo, koboola, Mwami Jesu.” Twa lomba eci mu Zina lya Jesu Kristo. Amenii.

³¹ *I Citondezyo Ca Kasimpe Eco Citamvwugwi*. Bantu baka yandaula zitondezyo, lweendo loonse kuzwa kuli Farao kusikila sunu.

Elyo Jesu waka twaambila i—i ciindi kuti kuyooba basikuyandaula ba zitondezyo, alimwi wakati, “I nzyalani, imbyaabi yabumambe iyo yandaula zitondezyo. Pele, nekuba, inga bayo tambula citondezyo.” Alimwi eyo nzyalani ya kalelede kutambula citondezyo ca bubuke; eyo inooli nzyalani iikompeme, imbyaabi, a yabumambe kuti inga iyo pegwa citondezyo ca bubuke.

³² Pele mbuli Lugwalo olu lubikkidwe kumbele lyesu, muli Ezekieli capita 24 a kampango ka 24, oyu musinsimi wakabambwa kuba citondezyo. Alimwi eco nce citondezyo nce Ndi yanda kubandika.

³³ Oyu muntu wakabambwa kuba citondezyo kuli Israyeli. Elyo muciiindi coonse kwiinda mu Magwalo, Leza wakabelesya basinsimi Bakwe kuba zitondezyo. Nkabela lyoonse tee bakamvwugwa. Tee bakakonzya kubaanga kujata citondezyo eci. Bala yandaula lyoonse citondezyo caku nyanyamukwa.

Abalo ba Farisi ba mazuba aa Jesu, bakati, “Ko tutondezya citondezyo kuzwa ku Julu.”

³⁴ Pele Jesu wa kabaambila kuti inga bayo jana citondezyo. “Nywebo mujisi kale citondezyo.” Kati, “Nywebo mula konzya

kuziba mulengalenga. Inga mwa langa ku citondezyo eco. Nywebo mulati, 'Ikuti na kulasalala, kusia, juunza buyooca ubi.'"

³⁵ Ikuti no bakalanga ku citondezyo, nikunga no bakalanga kuli Nguwe, a kuziba kuti Wa kali citondezyo ca Leza kuli mbabo; nkaambo zisinsimi zyabo kujatikizya Nguwe zyakali kuzulizigwa kumbele lya meso aabo. Pele bakacili kulangila citondezyo.

³⁶ Obo mbo cili ceenzu kuti bantu bayo cita eco, kuti bayo yandaula citondezyo kakuli citondezyo cili ambabo ncobeni, aakati kabo ncobeni. Lino, Israyeli yaka njide mu ciimo eci.

³⁷ Elyo ziindi zimwi kupenga kupati oko eci citondezyo mo ceelede kwiinda mo kula gambia. I kupenga kupati oko Jesu nkwa kaina mo, ku tondezya citondezyo ca Leza, kuti Wa kali Mesiya.

³⁸ Tula jana awa, oyu musinsimi muniini wa zina lya Ezekieli wakaba citondezyo cakuzumanana, ciindi coonse. Obo mbwa kalipenzya kapati mwini! Busena bumwi awa tu jana awo mpa kalala ku lubazu lwakwe lwaku lumwesi kwa myaanda yotatwe a mazuba aali makumi ali fuka. Leza waka mwaambila kuti abweze bunyangu a musinza umwi, ku ubikka oonse antoomwe, ku cijika kubizwa, aku cilazika aansu ku lubazu lwakwe. A kuunka kuyo lala aa bbimbili, a ku lala ku lubazu lwa lumwensi, alikke; kuta sanduka, kwa myaanda yotatwe a mazuba aali makumi ali fuka. Amu ciyeeye. Elyo mpawo kati, "Kosandukila ku lubazu lwa kululyo aku lala kuya kwa mazuba aali makumi one, alimwi."

³⁹ Elyo Wa kati awa, "Eco nco bona, Ezekieli," kati, "nkaambo uyumwide mulandu wa bantu, buzuba bomwe Ndi yoobubala kuba mwaka kuli mbabo." Mukuba, kuti, buzuba bomwe mbwa kalala kuya, obo bwa kaamba mwaka ciindi noba nooli mu bwaange, a kuti milandu yabo iyo ibalukwa kuli Leza, nkabela Leza kwiina nayo vwiila limbi mipailo yabo.

⁴⁰ Pele kupenga kupati oko oyo muntu nkwa kaina mo, nkaambonzi eco nco cakeelede kuba? Banji baka kagambwa, nkaambonzi cintu cili boobu nco ceelede ku muntu ku cita. Ngu kaambo ka kuti bantu taba bali Ijwi, a kuta komba. Aboobo, Leza ula lyeendelezya, elyo Ula tuma musinsimi Wakwe kuba citondezyo. I bantu ta babali. Taba bikkili maanu kubala. Nkabela tabakombi, nkambo bali loko. . . bajisi zintu zimbi zyakucita. Taba konzyi kubweza ciindi kuti bakombe. Elyo Bbaibbele talici baboteli. Tali jisi mulimo ukubwene ku mazuba aaya aasunu, na mazuba aali oonse.

⁴¹ Nywebo mulizi, Nda syoma wakali Paulo wa kati, "Nywebo muli magwalo aa Leza, aa balwa aa bantu boonse." Leza ula belesya bantu kuba zitondezyo, kuti a tondezye zitondezyo Zyakwe. Alimwi ziindi zinji kuti citondezyo, alimwi ziindi

zyoonse, kanjikanji, citakuti cili aa bantu basale, eco citondezyo tacimvwugwi nkabela kusampaulwa, kufubaazigwa, ku tandwa.

⁴² Elyo kuyeeyelwa, akwalo mu Cizuminano Cakale, mu mazuba aa basinsimi, baka yeeyelwa kuba bantu banyongene kuyeeya. Ba kayeeya kuti basinsimi abo bakali banyongene nsinga, kuti kwakali cintu cimwi cacalubide ku mizeezo yabo. Elyo bala babona kabanjila kuzwa ku nkanda a—a kucita zitondezyo, elyo mpawo kujoka ku nkanda alimwi. Elyo bakali kunga ba bafubaazya, nkaambo tee bakazi Lugwalo.

⁴³ Jesu wa kaambila ba Farisi, ciindi cimwi, kujatikizya bubuke. Ba kati, “Twa kajisi. . .I mulao waamba kuti ikuti munyoko wafwa a kusiya mukaintu ka kutakwe—kutakwe bana kuli nguwe, kuti munyina uleelede kubweza mukaintu oyo a kuzyala bana kuli nguwe, i mufu.” Elyo kati, “Twa kali jisi omwe oyo waka jisi babunyina bali ciloba. Elyo umwi mutaanzi wakabweza mukaintu, nkabela wakafwa, kakutakwe kusiya lunyungu. Elyo mpawo munyina waka mubweza, nkabela mpawo wakafwa; alimwi kuzumanana kusika kuli umwi waciloba. Elyo kumalekelo mwanakazi wakafwa.” Kati, “Lino, mu bubuke,” kati, “eno, uyooba mukaintu wani, kuli boonse bali ciloba?”

⁴⁴ Oh, Nda botelwa Ijwi eelyo! Jesu wakati, “Mula lyeena lyoonse, mukutaziba Magwalo neziba nguzu zya Leza.” Oh, obo Mbwanga uyo cizibya canguzu eco sunu ikuti Nali kwiimvwi awa! “Mula lyeena lyoonse, mukutaziba Magwalo neziba nguzu zya Leza.” I nguzu zya Leza zibeleva aamwi a Lugwalo. “Mula lyeena munzila mpati.”

Mpawo Wa ka zumanana kwaamba, “Mu bubuke taba kwati nekuba kupegwa mu cikwati, pele bali mbuli Baangelo.” Kwiina nakati bayooba Baangelo, eno, pele bayooba mbuli Baangelo, magirandi yankwela ayoozwa muli mbabo. Ta bakwati nekuba ku kukwatizigwa.

⁴⁵ Tu pona mu buzuba bwa kulilemeka. . .na mazuba aakufwika aa bwami bufwika. Pele kuboola buzuba cindi no kuyooba Bwami butafwiki buboola, alimwi obo Bwami butafwiki nkonkuko bakanununwa nkobaya kupona. Abo balo bakanununwa, alimwi bajisi. . .I buumi obo buzwa mu mubili oyu, a kubweeda kuli Leza wakabupa, buyo joka alimwi kuzwa ku Musamu wa Buumi, buzuba bumwi, akulela kwa lyonse.

⁴⁶ Obo oyu mwaalumi mukubusyi, musinsimi mukubusyi, katuula a kupa buumi bwakwe boonse kuba citondezyo ku bantu bakwe, ku cisubulo eco nco bakeelede kuyo tambula, nkaambo bakali eco nco tunga twaita kuti “basikancimwa.” Tee bakali kuyanda cintu cakucita a Leza. Tee bakasyoma balo basinsimi, nkabela baka bafuubazya buyo. Elyo, pele, kunze,

alimwi takukwe makani obo kunji nko bata kayanda ku cisyoma, Leza wakabamba kuti ba cibone, nekuba.

⁴⁷ Jezebele takayanda kuzumina kuti Ahabu wakali mweembeli wakwe, pele mbwa kabede. Leza wakabamba kuti abone citondezyo, nekuba.

Mbo cibede cisi eci sunu. I Leza uululeme a usyomeka, kwiinda ku Ijwi Lyakwe, ta kakonzyi kulekela cintu cili coonse, eco nco tubona kuba aafwi kucitika, kakutakwe citondezyo ku busena kumwi. Wa kali jisi lyoonse. Lino, tu leelede ku ciyandaula. Elyo Ndili masimpe kuti bantu abo bajisi kumvwiya kubotu kwa Lugwalo balizi nzila ya kulanga.

⁴⁸ Nowa wakali citondezyo ku buzuba bwakwe, ku bantu, ku kuboola kwa lubeta. Nowa mu buzuba bwakwe waka yeeyelwa kuba sikwiindilizya. Wa kali musinsimi. Wa kayeeyelwa kuba umwi oyo uutajisi kuyeeya kubotu. Nkabela mwaalumi wakabeleka canguzu akuzumanana, kwa mwaka a mwaka, kayaka bwaato, kakuli kwakanyina maanzi akwalo mu nyika pele ayo aakali mu tusensa. Elyo wa kaamba kuboola kwa cintu cimwi eco cakali aabuseke, ku muzeezo wanyama. Wa kati, “Kuboola maanzi kuzwa kujulu mu mulengalenga.”

⁴⁹ Kakutakwe kuzumbauzya, kuti banji bakali kunga baamba kuli nguwe, “Nditondezye aawo mpaabede.” I sayansi yakali kunga yati, “Nda konzya kutondezya kuti kwiina maanzi kutala kuya.”

Pele, nekuba, ikuti na Leza waka mwaambila kuti ayo boola kuzwa ku milengalenga, Leza uyo cibamba kuti Ijwi Lyakwe lizulile.

⁵⁰ Elyo kuciindi nokwaatali maanzi mu kuboneka, kuciindi nokwaatali makumbi mu milengalenga, kwiina dosi no lyakalokede, taakwe lyakali ko, kwakanyina cintu boobu mbuli mvula, nekuba, ciindi coonse, Nowa wakali kubamba bwaato bwa mvula. Cakali citondezyo cipona cakuti oyu musinsimi wakasyoma eco ncaakali kwaambaula, nkambo wakali kulibambila kuli ncico.

⁵¹ Elyo kufumbwa bantu abo basyoma ncobeni eco nco baambaula, bayo libambila kuli ncico.

⁵² Akube kuti Ndiime mponya awa, kwa kaindi kaniini. “Aa buzuba bwa Nowa,” mbuli Jesu mbwa kaamba, “obo mbo ciya kuba mu Kuboola kwa Mwana wa muntu.” Ikuti mabungano, sunu, alasyoma eco nca ambaula, inga noba cita eco nco baamba.

⁵³ Mbobuti mbo tukonzya kuno kuyaka zibumbwa zipati zya mayake, a mamilioni aa madollar mu mayake, a kuyandilila kupati kwa tubungwe a zintu mbuli eco, a kukambauka kuti Kristo ula boola kufumbwa ciindi? Mbobuti mbu tukonzya kuzumanana, kulanga aa mbungano zyesu a kuzibona ka zyaandaana kuzwa ku nguzu zya Leza a kuunka mu ciimo ca

zyanyika, a kucileta mu mbungano a kucisanganya antomwe, nkabela tula cizumizya? Nkaambo ka mpuwo, alimwi nkaambo ka mizeezo ya mpuwo a kwiimpana kwa tubungwe, kusola kukomena kwiinda kabunga kacilila, mbo buti mbo tukonzya kucita eco nco tu kambauka? Elyo nyika ila bona eco. Ba lizi eco. Aboobo, bukombi bwaba cintu mbuli buyo kuzulilwa ku ciyanza cimwi mubuyo, na kuzulilwa ku nsangano ya cintu cimwi, bukombi.

⁵⁴ I lufutuko lwa Kristo taluli nsangano. Takuli ku njila mu cintu cimwi. Nduzibo lupona.

⁵⁵ Lino, Nowa wakali kutondezya eco ncakali kwaambaula. Wa kati, “Ku boola zambangulwe lya lubeta ku nzyalani eyi iitaluleme. Elyo Leza uyo tila kuzwa ku majulu, imvula, alimwi Uyo zuzya a maanzi nyika yoonse.” Alimwi kutali kuti wakali kucita eco, pele wakali kubamba nzila ya matijilo a kutamba bantu kuboola kuli ncico. Pele tii bakamu swiilila.

⁵⁶ Pele, Nowa, mbuli musinsimi, wakali citondezyo ku nzyalani eyo, citondezyo eco caka sampaulwa, muntu oyo waka yeeyelwa kuba muntu uusondokede; kabamba cintu cimwi, kuti kwa—kwa kanyina cizibyoy kubusena buli boonse, na catakalina bwenwe, eco catakali nooba a mulimo uuli oonse wa ncico.

Pele eyo nje nzila bantu mbo baboneka kuyeeya sunu. Bala konzya kuyeeya busena bwa mayubilo. Ncibotu nzi ciyusilo cabuyo nco ciyo kucitila kakuli kwiina akwalo takukabi cisamu na mwaala uyo syaala aa nyika?

⁵⁷ Tuli jisi busena bwa mayubilo, Munakristo ulijisi. Mbuli mbo Nda kaamba, mazuba aa Munsondo masyoonto akainda, na ku yeeyelwa kubusena bumwi mu mugwagwa, “Ta buli busena bwa mayubilo. Mbusena bwa kuwida mukati, oko mo tuwida muli Ncico, cakubinda kubyaabi, a moyo wesu oonse, a buntu bwesu boonse, a muzeezo wesu oonse, muli Kristo, bwaato bwa Leza bwabukwabilizi.”

⁵⁸ Pele, Nowa, sikunyongana kuyeeya, waka yeeyelwa mu buzuba obo, kwiinda mu bufubafuba bwa kukambauka, a kucita citondezyo kumbele lya bantu, ku bapa lucenjezyo, kapa nyika mulandu. “Kapa nyika mulandu, kwiinda mu kuyaka bwaato,” kakuli kwakanyina maanzi akuti bwiimpaukile wo. “Wa kapa nyika mulandu,” Bbaibbele lya kaamba, ba Hebrayo, capita 11. “Wa kapa nyika mulandu a kuvuna ng’anda yakwe iini, kwiinda mu kubamba,” a kuba citondezyo ca Leza, ca mbeta zyakali kuboola ku buzuba obo. Ino ncintu cabulemu!

⁵⁹ Myaka yakacilila, kwa kasika citondezyo cimbi. Oyo wakali Musa, musinsimi. Eco cakali citondezyo ca Leza kuli Israyeli. Ba kali mu bwaange kwa myaka iili myaanda yone. Elyo Leza waka bamba citondezyo cabo, kakutana buyo lwaanguluko. Elyo wa kali citondezyo ca lwaanguluko kuli Israyeli, a citondezyo ca lubeta ku Egepita.

⁶⁰ Nowa wakali citondezyo ku bantu bakwe, a citondezyo ca lubeta ku nyika yaka sweeka, i sikutasyoma. I ngaonya maanzi ayo akasika nyika a kunyikizya nyika yakali nje nzila ilikke ya kafutula Nowa. I cintu luzutu eco cakali kukonzya ku mufutula lwakali lubeta.

I cintu buyo eco ciyo futula Mbungano sunu ndubeta, Leza uli mukubikka lubeta mu kuwa kwa kubinda kulamfu.

Pele Nowa waka kambauka nciconya. Wa kaba citondezyo.

⁶¹ Elyo eno Israyeli, kumane myaka iili myaanda yone, baka talika kulilila lwaanguluko. Elyo Leza kwiina naka liyubununa Mwini a kuli tondezya Mwini kusikila bantu Bakwe noba kalibambila kutambula eco Nca tondezya.

⁶² Lino, oh, ino inga caambwa mpoonya awa! Ikuti ci... Obo kuti Leza wakasiya cisi eci kacili aa cinswe. Ba kalizi kabotu. Mitende ya kacimwaya ku buleya, koonse a koonse a koonse. Zitondezyo zya Kuboola Kwakwe zya tondezegwa. Elyo ba kazumanana kuyabuya mbuli mbo bata cibikkila maanu. Ba nyina ntamizyo. Tuli mu mamanino.

⁶³ Leza utuma buyo basinsimi Bakwe ciindi bantu noba yanda musinsimi. Leza ulatuma citondezyo Cakwe ciindi bantu noba libambilide kutambula citondezyo. Pele, cintu ncakuti, bantu kanji. . . Bala sika ku busena nko bayanda kunyanyamukwa, na ba yanda cimwi, “Tu tondezye citondezyo kuzwa ku Julu.” Pele cindi Leza natuma citondezyo, mpawo taba yandi ku cibona. “Aboobo cila siswa kuzwa ku meso aa basongo a basimaanu, kuti ciyubununwe ku bana abo bayooiya.” Bala kakilwa kucibona, i citondezyo.

⁶⁴ Obo Israyeli mbo ya keelede kuziba, cindi mwana mubotu naka zyalwa, cindi noba kalanga langa a kubona kwiinda ku—ku ciindi ca myaka eyo njo bakali kupona mo, “Bantu bako bayooba beenzu kwa myaka iili myaanda yone, mu nyika nyenzu, pele mpawo Njo bagwisya.” Ba keelede kuziba kuti ciindi cakali afwaafwi, elyo cindi niba kabona kuti mwana mubotu wazyalwa. Cakuti, abalo banyina a bawisi, Amramu a Jochebedi, tii baka yoowa milao ya mwaami, elyo baka musimpa moonya mu mulonga oko kwakali intale; taakwe a imwi yakakonzya ku muluma. Ba kabona kuti kwakali citondezyo, pele tee baka cibikkila maanu. Tee baka libambilide kuli ncico.

Leza waka muleta ncobeni mukati a ku mubikka moonya mu ng’anda ya bwami ya Farao, a kulekela Farao kumukomezya a kumupa lwiiyo loonse olo ndwakali kukonzya kujana, ku tondezya (Leza) obo Mbwa cita zintu, alimwi mpawo wakamutola kumbo lya nkanda, kumulekela ku luba koonse kwako.

⁶⁵ Farao wakali ku muyiisya kaindi. Leza wakali ku muyiisya. Farao waka jisi myaka iili makumi one ya kumuyiisya, mpawo Leza wakatola myaka iili makumi one ya kumuyiisya, ku

mulekela ku luba koonse kwako. Ku yiisia kwa muntu; a ku yiisia kwa Leza.

Farao wakali ku yiisia mwana kuba musololi, mwiiminizi, kuba silumamba, sikulwana, kuba Farao uumbi wakali kuboola oyo uyoonga wajata Egepita mu masena ayo aa bulemu, kweendelezuya masi oonse aambi a kwaabamba kupa mitelo kuli Farao. Pele Leza wakamutola kumbo lya nkanda, kagwisya loonse kuzwa kuli nguwe. Elyo waka mutondezuya, mu ciindi ca maminiti aali osanwe, kwiinda ku citeo ciyaka, kuteeti Wa kali Leza muumi. Elyo wakagwisya kuyoowa koonse kuzwa kuli nguwe; kamucita kuti alibambile. Wa kali citondezyo.

⁶⁶ Leza uyanda bantu Bakwe kukomba. Elyo cindi Israyeli niya katelesegewa maningi, mu ciimo cili boobo, cakuti tee bakacili kukonzya kuya aambebe, ciindi cabo cakazulizigwa, alimwi mikuli yabo yaka yungizigwa loko kwiinda mboba kayeeya, mpawo baka talika kukomba. Nkabela cindi bantu batalika kukomba, mpawo Leza ula talika kuswiilila. Cakali ciindi ca Ijwi lya Leza kuti lizulizigwe.

⁶⁷ Elyo aboobo, cindi Amramu a Jochebedi noba kabona kuti cakali ciindi ca Ijwi kuti lizulizigwe, baka njila mu kukomba, kuli Leza. Elyo kanji ngu baabo bakomba abo bamwi bajisi mukuli, bamwi abo mbaajana cintu cimwi. Ngu baabo bakomba, abo bakasalwa kwa Leza kucita boobo.

⁶⁸ Twali kwaambaula cifumo cino ku tafule lyakalimbabula kuciindi notwali kubindila kwiinda mu kutondezuya kumwi kwa mabbodela aazyakunywa mukulemeka a zintu zimwi, kusika ku mbungano. Kwakali cintu cimwi cakaamba kujatikizya muntu umwi oyo waka, kuzwa kookuno, oyo wakajokela ku kufweba misanga ya tombwe nakamana kuponesegwa kkulenge. Nda kati, “Ino cuusisya nsoni.”

⁶⁹ Aboobo umwi wakaambisya a kuti, “Eco ncintu ciyoosya loko ku tantamuka, ciliko, kufweba misanga ya tombwe.”

⁷⁰ Nda kati, “Ndi cizi. Nkaambo, ngu dyabulosi.” Elyo Nda kati, “Ngu—ngu dyabulosi.” Elyo Nda kati, “Elyo yebo tokonzyi ku cileka citakuti nguzu zya Leza zili aali nduwe.”

Ndi lizyi balombwana bobile mu buumi bwangu bwaku matalikilo, boonse balo bakali kuyanda kuba bantu ba Leza.

Umwi wabo, mbo Nda kamu sololela buyo kuya kuli Kristo, wa katalika kudoneka musanga wa tombwe. Wa kali kufweba mapakete osanwe na cisambomwe a buzuba, kkala buyo a kudoneka buyo omwe akutalika umbi, buzuba boonse. Elyo wakasoleka kudoneka uumbi musanga wa tombwe, nkabela Cintu cimwi tee caka muzumizya kucicita. Wa keenda kuya ku stoovu, mukutaziba kuti Magwalo alakasya zintu zyalo, nkabela wakajula stoovu a kusyonka cipakete mu stoovu. Elyo eco cakamana.

71 Oko, mulombwana umwi oyo wakali kuyanda kuba Munakristo, nkabela wakasoleka mpagolela. Wa kalilila Mwami. Wa kaileka, kwa mvwiki zyobile na zyotatwe. Elyo na kapempenukwa, mu ciimo eco, wa kaziluka. Elyo wa kapempenukwa, nkabela wakali jana aanze kunze lya lubuwa, kauma kagabba, ka nyongene. Kazuza kunjila mu ng'anda, cakubinda ncobeni, nkabela waka kwempa misanga yakwe ya tombwe, nkabela wa kafweba cipakete katanazwa mu ng'anda mangolezya ayo, omwe buyo kutobelana a umwi umbi. Mwabona?

72 Umwi wakaitwa. “Taakwe muntu ukonzya kuboola kuli Ndime citakuti Taata Wangu wamu kwela, alimwi boonse abo Taata mba Ndi pa bayo boola kuli Ndime.” Ino lucenjezyo lwa kaamba nzi? Bwakali Buumi, kuli umwi. Wa ka Bu bona. To konzyi kucibona citakuti Leza wa Ci yubununa. “Cili sisidwe kuzwa ku meso, basongo a basimaanu, nkabela waka ciyubununa ku bana mbuli baabo bayoiya.” Mbo mbubo.

73 Amramu a Jochebedi bakalizi kuti cakali ciindi. I oora lyakali afwaafwi loko.

74 Elyo Ndi yanda kwaamba eci kuciindi ne Ndi kanana ncico. “Tali oyo uuyanda, na oyo wilana; ngu Leza oyo uutondezya luse.” Mbo mbubo. Ngu Leza.

75 Aboobo, sunu! Oh, amuleke eci cimvwugwe loko! Ikuti, sunu, Leza waka mwiita, nkabela mwa kalyandaanya kuzwa ku zintu zya nyika, nkabela nguzu zya bulemu izya Leza zyamusalazya kuzwa ku zintu, mweelede kuba bantu ba kkomene maningi abo baliko mu nyika. Kwakali mamilioni abo bakali kunga bacicita ikuti noba kakonzya, pele taba konzyi. Ta cili cabo kuti bacitambule. Obu mbo buzuba cindi Mbungano no yiitwa kuzwa, kwandaanisigwa. Ila andeene, obo mbo yakabede. Iyi.

76 Cindi bantu noba katalika kukomba, cindi Israyeli niya katalika kukombela musinsimi, Leza waka jisi musinsimi. Leza waka jisi musinsimi, ciindi coonse, nkambo Leza lyoonse uuli aa ntaamo yomwe aambeleyabo. Wa kajisi muntu waka bambidwe, pele Wa kali kulindila bantu kuti banjile mu kukomba, bantu kuti ba muyande.

77 Obo munzila ya cikonzanyo mbo Ndi konzya kwaamba sunu! Nco tuyanda sunu tali silubukululyo, kutali muntu uumbi ku kabungwe kamwi kapati, oyo uubamba nkamu zyoonse kuba kabunga antoomwe. Nco tuyanda sunu walo musinsimi kuzwa kwa Leza, uujisi Mulumbe oyo uyotapatila nyika. Leza akonzye kuba a muntu, ikuti na bantu bali bambila buyo nkambo kanguwe. Nywebo mulizi eco nce Nda ambula. [Mbunga yaamba, “Ameni.”—Mul.] Uli jisi, antela, uli mubambide ku busena bumwi mu nyika, pele bantu beelede ku muyanda. Leza tamu sungilizyi kucita zintu nzomu tayandi. Mweelede ku ciyanda.

“Bali acoolwe abo bafwa nzala a nyota ya bululami, nkambo bazo kkutisigwa.” Mbo mbubo.

⁷⁸ Musa naka naka mana kuziba. . . Bantu niba kamana, mubwini, ba kaziba kuti baka bulide musololi, ba katalika kukomba. Ba katalika ku kombela Leza kuti aba tumine musololi, na muntu umwi kuteeti abagwisye. Elyo Wa ka batumina muntu, musinsimi. Eco cakali citondezyo Cakwe. Lino, ikuti na oyu muntu taakali musinsimi, ikuti nakabuka, kati, “Ndili sikwaanza wabupampu mu mpi,” Israyeli yakali jisi nguzu kutasyoma muntu oyo. Nkaambo, Leza, mu ziindi zyoonse, kakutakwe kukakilwa, ula tuma musinsimi. Mundaambile ciindi comwe mu Bbaibbele eco cakasola kuba. Walo musinsimi lyoonse oyo Ngwa tuma kajisi MBUBOBU MBWAAMBA I MWAMI.

⁷⁹ Awalo Davida, mwini, sikwaanza wabupampu mupati loko mu mpi oyo Israyeli ngo yakasola kuba, alimwi, nekuba, Davida wakali musinsimi. Cilimasimpe, mbwa kabede. Wa kali musinsimi, Davida.

⁸⁰ Wa kali kulindila bantu kuti babe a kuyandisya mu moyo wabo kumvwa musinsimi oyu Ngwa kali kuyo tuma.

Mubwini, kwakali nkamu eyo yakaamba kuti baka cita, bata kacita. Ca katondezya kumane kuti tee baka luleme. Ba kanyanyamukwa buyo boonse, a kulimvwa. Elyo Bbaibbele lya kati, “I bantu bamisyobo misyobo bakainka ambabo.” Ino ba kacita nzi? Ba kaleta penzi ku busena mu nkanda. Alimwi ziindi zyoonse, cigambyocinda cacitwa! Oh, Ni Nda konzya kubamba eci kumvugwa loko, kabotu. Ziindi zyoonse ezyo Leza natuma cintu cimwi, kuli kulikozyanisya kumwi, kwa kunyama kupalangene kuli ncico, kwiinka ancico. Ziindi zyoonse, lyoonse cintu cimwi, “kulicengeezya” kwa ncico, oko kukkala mukati kubotu buyo a bantu.

Pele musinsimi wakasimpe wa Leza ulakkala a MBUBOBU MBWAAMBA I MWAMI. Kwiina nazwa ku Lugwalo olo ikuti na wakatumwa kwa Leza.

⁸¹ Musa waka kkala ncobeni aa Lugwalo. Leza wakati, “Njo bagwisya.” Wa kati kuli Musa, “Nda kutuma kuti ukacite mulimo.” Elyo Musa waka jisi luzibo. Wa kaswaana Leza. Wa kajisi Ijwi lya Mwami.

⁸² I kaambo ako Leza nca tuma basinsimi nkaambo kakuti bajisi Ijwi lya Mwami. I Ijwi lya Mwami liboola ku basinsimi. Nkabela ikuti tajisi Ijwi lya Mwami, nkokuti tali musinsimi.

⁸³ Kuli kulikozyanisya kunji kwa kunyama kusola kwamba kuti mbasinsimi, mucuindi coonse kwiinda mu makkalo, pele lyoonse bala tantamuka kuzwa ku Ijwi lya Mwami. Pele musinsimi wakasimpe ukkala ncobeni aa Ijwi. Lino, muta lubi kabalululo ako. I musinsimi wakasimpe uukkala aa MBUBOBU MBWAAMBA I MWAMI.

⁸⁴ Jesu waka tucenjezya mu mazuba aa mamano eco ciyo citika. Pele i—i mulanda wakasimpe, musinsimi wakasimpe, takakilwi kukkala ncobeni a MBUBOBU MBWAAMBA I MWAMI.

⁸⁵ Musa waka kkala a Mwami. Wa kali citondezyo. Wa kali citondezyo kuli Israyeli kuti buzuba bwabo bwa lwaanguluko bwakali afwaafwi, nkabela wa kali citondezyo ku Egepita, kuteeti buzuba bwa mamano abo bwakali afwaafwi. Nkaambo, bakanyikila kuya mu Lwizi Lufwide, kumane, impi yoonse ya Farao. Bakali ku mamano aa nguzu zya impi zyabo, alimwi musinsimi wakali citondezyo ca magolelo aa cisi.

⁸⁶ Amu ciyeeye, obo Leza mbwali mupati, alimwi a buteteete Mbwa belekela mo. Masimpe, ikuti uutayiide inga wa cimvwiya, bayiide ba leelede. Ameni. Ikuti na bazike mu zilindi zya daka lya Egepita baka konzya kumvwiya kuti oyo wakali musinsimi kuzwa kwa Leza, nkabela oora lyakali afwaafwi, nkunji buti ng'anda ya Farao mbo ya keelede kuciziba. Pele oyo ngo musyobo oyo uutaciziyi. Oyo ngo musyobo wa baabo batacimvwiya, lyoonse. Cindi eco . . .

⁸⁷ Musa wakaima, kalanga kwiinda mu mpulungwido ezyo, ku bana abo ba Israyeli kabainda wo. Kuli Israyeli . . . Kuli Farao, bakali bazike a babwa. Kuli Musa, bakali basale ba Leza. I Bbaibbele lyakati, kuteeti, “Musa wakasala,” wakabamba kusala kwakwe mwini, “kupenga kusampaulilwa Kristo, kweezeya kuti mbuvubi bupati loko kwiinda misaalo ya cibi, nkambo wakavola cilumbo.” Musa wakalizi kuti balo tee bakali basimatipa; balo bakali bantu baka jisi cisyomezyo.

⁸⁸ Mwini, wakalizi kuti wakali ni. Ta kakonzya ku baambila. Ba kaleelede ku ciziba, lwabo. Wa kalizi, mwini, mulimo wakwe mbo wakabede, keelede ku—ku citwa. Wa kalizi kuti Leza waka busizya makanze ayo, pele ta kakonzya ku baambila. Elyo kufumbwa kuti bakali boofu kuli ncico, kwiina naka liyubununa mwini cantangalala, kusikila baka ciziba. Mpawo, baka bona citondezyo eco, elyo baka ciziba.

⁸⁹ Wa kati, “Njo pa Israyeli citondezyo. Kobweza kasamu aka; ka kasandula kuba nzoka. Taba ka swiilila kuli eco. Mpawo kobikka janza lyako ku camba cako, koli gwisya, koliponya lwako ku cinsenda, mpawo bayo cisyoma. Elyo mpawo, ikuti na taba kacimvwi, kabweze meenda kuzwa ku Nile kunselelo kuya, kaatile aatala lya nyika njumu, nkabela meenda ayooba bulowa.” Eco cakali citondezyo ca cisi. I bantu bayo cisyoma. Cindi, balo abo balibambilide ku citambula bayo cisyoma cindi baakubona citondezyo ca Leza ka cibelega, pele cisi cijisi cintu cimwi candeene. Aboobo, Wa kacipa coonse citondezyo.

⁹⁰ Leza wakabelesya muntu, muntu mubombe, musinsimi, kuba citondezyo ca mamano aa ciimo ica cisi ku musanza kuya. Leza, kotutumina umwi uumbi. Ko busya umwi uumbi. Ikuti

na bantu ba Leza baka njile kukombela cili boobo, inga Wa mubusya. Mbocibede, bantu ba leelede kuba a mukuli oyo. Ba leelede kusinsimuka. Ba leelede kumvwisya. Ba leelede kuziba obo buzuba mbo tupona mo, alimwi obo bube butu zyungulikide, kaba tana kusola kusinsimuka.

Mula zumanana ncobeni kupona mbuli buyo mbomwa kacita lyoonse. “Nde elede kuyaka ng’anda mpya uno mwaka. Nde elede kujana mootokala mubotu kwiinda bana Jones. Nde elede kucita *eci*.” Oh, kunji loko aali *eci*! Cindi mwamvwisya, takukwe makani. . . Eco cili kabotu. Pele weelede kumvwisya, mukwesu, kuti zintu ezi zyoonse ziyo loba.

Jesu wakati, “Muta yoowi oyo uukonzya kujaya mubili,” atomiki bboomu ya Russia. Muta yoowi oyo uukonzya kusandula mubili oyu kuba lusuko lwa volukkaniki, mu maminiti masyoonto, “Pele amu yoowe Oyo uukonzya kusandula mubili munzila eyo a kusowa buntu mu gehena.” Mbo cibede.

⁹¹ Mbuli mboNda kali kubandika kuli dokotela, ku busena mu cibbadela cindi baama nobakali muya. Wa kali kwaambaula nzila sayansi mbo yakali mpati, kubeleka aa makani andeene azya mubili, akubikka musamu muli nguwo, a kubona kaambo ncounga wajaya kazunda kamwi, a kuvuna mbuto ya buumi. Nda kati, “Eco ncibotu maningi. Eco cila botelezya.” Nda kamu swiilila kwa kaindi kaniini. Pele Nda kati, “Dokotela, eco ncibotu. Nda lumba eco. Eco cili kabotu loko. Nda—Nda lumba masimpe kuli Leza nkambo ka eco. Pele, langa, uli mukubelesya buumi bwako boonse aa kusola kujana cintu cimwi aa bulenge. Pele nkambo nzi ciindi cimwi kuyeeya zya Oyo waka cilenga, Oyo wakacipanga, Oyo sikwaanza wa ncico? Leza ngu sikwaanza wa ncico.”

Mbupati kunji buti mbwabede Cilenga kwiinda bulenge obo Mbwa kapanga! Nkaambo nzi nco tubikka kwaambilisya kunji loko aa bulenge, kakuli ta tuyeeyi zya Cilenga Oyo wa kapanga majulu a nyika, a kupanga mubili a buumi? Ula konzya kunyonyoona kufumbwa ciindi Nca yanda, nkaambo nzi Zyakwe.

⁹² Eci ciba cintu cibotu loko, ku beleka aa mubili wabuntu. Tula lumba eco. Bala konzya kulonzya liso, kuzwa ku muntu omwe kuya kuli uumbi; kubweza oto tutambo tuniini, a ku gwisya liso kuzwa ku mankolyo aa muntu a kuli bikka mu mankolyo aa muntu uumbi, nkabela oyo muntu inga wabona kuzwa ku liso eelyo. Eco ncintu cibotu loko.

⁹³ Kwakali kunga, ikuti na mutumbu, cindi ncakali kunga uya ku kutumbuka muvwanda, alimwi i—i muvwanda takali kukonzya kutumbukwa, waa kali—wa kali kubambwa boobu, kuti muvwanda taakali kukonzya ku tumbukwa: mutumbu a muvwanda, bobile, bakafwa. Eco mbo cakabede. Pele nywebo tamusoli kucimvwa kanji, cakali aandene, ndiza kutaba. Pele

sunu bala konzya kubweza mutumbu aamana kale kuba mu ciimo cakuba aa muvwanda, mwabona ikuti, cindi mutumbu akwalo nacistandila ku—ku ziindi zya kutumbuka, mwabona, bala konzya kubweza mutumbu oyo kuya ku kaanda a kumupa kulebuka kuniini, a kugwisya mwana oyo, kuba a kuzyalwa kuzizilwe, ku bweza muvwanda. Tula lumba eco.

⁹⁴ Amu ndaambile cilengwa cimwi. Na mwa sinka kavalusi a busena awa amwi, ku nzila eyi ya maanzi mu dolopo, a kulangilila eco cicitika ku kavalusi kapati. Kayo bbotoka.

Pele, nekuba, inga twa kosola kuulu, kujuba kuboko, a, kwiinda ku maleele aa Leza, Uyo iyengulusya bulowa obo nzila imwi, mu ciindi cabili, a ku kuteelekezya kuzunguluka nzila imbi. Mula vuna buumi bwa muntu. Nguni uukonzya kucita eco? Mu ndaambile.

⁹⁵ Kukosola insinga mpati, kukosola nsinga mpati aa busena awa bumwi mu maanzi, cindi naa pompa kuzwa ku kamvalusi. Ino inga cacitanzi? Mu kacisole lomwe a kubona eco cicitika. Kwiina nzila iimbi ya kweenguluka. Ileelede kubbotola kavalusi kusule.

Ikuti Leza nata kabamba nzila ya bulowa obu yakweenguluka lwayo, candyoonya, komwe kukagwisya ku moyo nkabela inga unofwide. Ziindi zyoonse wa diminina kamwe kako, lwakali lufu, candyoonya. Ziindi zyoonse mwa kosola aa busena bumwi, obo bwa kajula nsinga mpati na cintu imwi, ni lwakali lufu, candyoonya. Kukosola kanwe kako, inga uuno fwide. Kwa mana. Inga cabbotola ndyoonya kujoka ku moyo wako alimwi. Inga cakujaya. Pele Leza . . .

⁹⁶ Lino, tula yeeya kuti ncibotu. Tula yeeya kuti ncibotu. Elyo tula lumba nzila sayansi mboijisi, bala konzya kwaanga nsinga ezyo zyabulowa zipati a kuzilesya kuzwa bulowa. Oko kuli kabotu koonse. Pele Nguni oyo Umwi Uwa kabamba eco? Mwabona? Tula langa koonse ku bulenge a kuluba Cilenga wa ncico. Mwabona? Tu langa ku zintu zyanyama, a ku luba koonse i—i cintu ca kumuuya. Obo mbo tucita.

⁹⁷ Lino, basinsimi ba Leza, ba la . . . ba jisi Ijwi Lyakwe. Ako nke kaambo bantu ncoba basyoma.

Ako nke kaambo Leza nca kaamba kuli Musa, Wa kaamba kaindi kuya mu Matalikilo, manji, mu Kulonga, muciiindi coonse kwiinda mo, “Ikuti kwaboola umwi aakati kanu, oyo wakali simuuya na musinsimi . . .” “Eno mbobuti mbo tuyo ziba zintu ezi?” Wa kaamba, “Cindi aamba cintu cimwi nkabela ca citika, kwaamba cintu cimwi cimbi, ca boola kucitika, mpawo amu cisyome.” Mwabona? Eco ncitondezyo.

⁹⁸ Aboobo Ula pa Ijwi Lyakwe, kutali ku basololi, kutali beendelezi banguzu zyoonse, pele ku basinsimi. Khrushchev tali citondezyo ku nyika. Peepe, munene. Hitler takali citondezyo ku nyika. Pele kumwi, busena bumwi, Leza uli jisi musinsimi

mubombe uulindila oora. Calo ncitondezyo. Calo ncitondezyo eco ciyoopa nyika mulandu a ku vuna Mbungano. I musinsimi!

⁹⁹ Eliya wakali citondezyo mu buzuba bwakwe, musinsimi Eliya. Kuba. . .

Wa kali i—wa kali citondezyo ca Ijwi lya Leza, lubeta ku Egepita a lwaanguluko ku Israyeli, ikuti na bakali kuyanda ku musyoma.

¹⁰⁰ Obo buzuba bubyaaabi bwa Eliya, cindi ba Israyeli boonse noba katantamukide kuli Leza, baka jokelede mu cibi. Ba kalubide mulao. Ba kali lubide makani aa kweenzegwa kuzwa kwiinda kuli Leza, elyo Jehova mupati waka julide Lwizi Lusallala, nkabela wakaba gwisya kuzwa mu Egepita, nkabela musinsimi mupati mbuli Musa aakati kabo. Ba kali cilubide.

Tula ciluba. Nywebo noba Methodisti mwakaluba John Wesley. Nywebo noba Luthar mwakaluba Martin Luther. Nywebo noba Baptisti mwakaluba John Smith. Tobanji swebo twakaluba Charles Finney, mupati maningi wa boonse babo.

¹⁰¹ Ca kaambwa kuti peseenti iili makumi ali fuka a ciloba ca basanduki ba Finney baka zumanana kuba kabotu. Peseenti iili makumi ali ciloba aosanwe ba Moody balawa mu mwaka. Elyo ba Wesley, nkamu ya busalali, yakali kuzumana kuwa. Pele Finney waka jisi peseenti iili makumi ali fuka aciloba. Mulombwana, muniini, uukotede bubi, walubala aa mutwe wakayutuka kuya ku cikambaukilo a kulanga koonse ku bantu, mbuli *obo*, elyo bantu bakali kunga bawizuka, nkaambo wa kakkala mu sokwe buzuba bomwe kusikila Muuya Uusalala wakamujata. Wa kacita. Wa kali citondezyo ku mamanino, kutandila myaka iili myaanda yobile yakainda, ku lubukulusyolo lupati Wesley a bamwi ndo bakajisi, elyo lubeta kalutalika kucitika.

¹⁰² Wa kali citondezyo, eyo nzyalani mbyaabi. Elyo nzila Eliya mbwakali kukonzya kwiima kuya, acamba a kusinziza, alikke buyo, taakwe muntu wakali anguwe, pele wa kali citondezyo ca Leza.

I bamwi bapaizi boonse bakaunkide a Ahabu, mu nzila yabube bupya. Ba kanjide mu bupya bwa nzyalani eyo. Pele obo Ahabu mudaala, Ahabu mudaala, alimwi loonse lubono lwakwe lunji, nkabela cakaleta boonse mu Katoli-. . . na, kutali Bunakatolika, pele kubaanga ncintu cikozyanya: mu kukomba mituni. Kabaleta mu busena awo mpo bakaba bakompeme. Bamwi bakali kukonzya kukomba nzila *eyi*, a lwaanguluko buyo, “Nywebo inga mwacita kufumbwa nco muyanda.” Elyo bakaba mu musyobo oyo wa ciimo.

¹⁰³ Elyo nzila Eliya oyo mbwa kaima kuya, acamba, a MBUBOBU MBWAAMBA I MWAMI. O Leza, kotupa bantu mbuli oyo. Ta kayoowede kwaambila Jezebele kujatikizya ciimo cakwe. Ta kamuyoowa Ahabu. Ta kayoowede kuti wa kalubizya.

Wa kaima acamba, a kweenda kumbele lya Ahabu, a kwaamba, “Kutali akwalo mume kuwa mane Nka wiitile.” Amenii.

¹⁰⁴ Ino wakali nzi? I citondezyo ku nzyalani mbyaabi. Sena Israyeli yaka cibona? Peepe. Ba kamuseka, baka mufubaazy.

Wa kaamba kumbele kuti kuyooba cilanga, kuti inga ku yooba—ku yooba penzi, nzala, ipamba. Nkabela wa kasinsima munzila ya camba, kaimvwi alike, a MBUBOUBU MBWAAMBA I MWAMI. Kaamba, “Mwami, ba bajaya boonse do bakasimpe. Ba bajaya boonse do. Ndime buyo luzutu wasyaala, oyo wiimvwi a Ijwi Lyako.” Ino lyakali penzi lya nzi? I Ijwi lya Leza. Eliya wakali kuyanda kukkala a Ijwi. Wa kali musinsimi wakasimpe.

¹⁰⁵ I basinsimi bamwi baka laambide, “Oh, ee, tacibambi lwaandano lupati. Jehova takwe makani, nywebo mulizi.”

Jehova ulaa makani. Li leelede kuba Ijwi Lyakwe. Elyo Eliya wakaima acamba ku Ijwi eelyo, a MBUBOUBU MBWAAMBA I MWAMI. Leza wakamupa kaziye kasyoonto, buzuba bumwi. Wa kati, “Ndi jisi bali zyuulu zili ciloba, Eliya, kuti uli kamboni, aa busena awa. Taba jisi camba cini cakuzwa a ku citaminina. Bali mukuyuba mu ziteo. Pele, nekuba, mu myoyo wabo, mbazike Bangu. Taba na kotamina Balimu. Bala yoowa kucicita. Pele, Ndi kupa citondezyo, nkabela uli citondezyo. Koima abusena awo, a kwiima aa Ijwi Lyangu. Njo ku mamela. Ko bapa citondezyo.” Aleluya!

Leza, ko tutumina cintu cimwi mbuli eco, ciyooba citondezyo ca Ijwi lya Leza. Elyo zisyomezyo zyoonse Leza nzya kasyomezya ziyo tondezegwa mu muntu oyo, nkaambo nцитondezyo, citondezyo cilubwa.

¹⁰⁶ Oh, ba kayeeya, nkaambo Ahabu wakali mwaami mupati alimwi masi oonse a kamuyoowa, ayo aakali mabotu kweelede. Pele Eliya wakali citondezyo ca Ijwi. Oyo ngo musinsimi wakasimpe, citondezyo ca Ijwi. Aboobo kuciindi nakali citondezyo ca Ijwi, teeba kamusyoma pe. Ba kanyina mpindu a nguwe.

¹⁰⁷ Wa kali citondezyo kuli mukamufu, cindi Leza naka mulailila kuseluka ku Cilundu ca Karameli, kuzwa ku . . . kutala ku kalonga ka Keriti. Kamutuma kunselelo kuya, nakamana kusaninwa kuli bacikwaangala, nkabela kalonga kayuminina. Wa keenda kunselelo ku ng’anda ya mukamufu. Ino mbusena ku mukambausi bwa kuunka! Pele wa kaselemukila kuya nkaambo Leza waka mwaambila kuunka. Pele Wa kaselemukila kuya. Kati, “Nda mulailila kuti akusanine.”

¹⁰⁸ Waa keelede kubona citondezyo. Wa keelede kuba citondezyo. Kakuli, waa kali kubusena kuya, kajisi busu bunji bwa kujika cibunge comwe, a lwakwe a mwana wakwe mulombe kucilya. Insazi iikubwene ku . . . Elyo mafuta aakuubwene mu insazi, a kujisya kankwa kaniini, a kuponena ankako. Waa kati, “Ndili kubusena awa kubwezelela tusamu tobile.”

109 Aa cifumo eco, ca ciimo ciyoosya, cisuka akupya maningi ciindi mulombwana mudaala uuboneka busyu bwa boya bunji, masusu kalengelela kusule lyakwe, wa kayutukila awo, nkabela mutwe wakwe wa lubala kaubalama, kayeeme ku mulyango, kati, “Ko ndiletela cakunywa cisyoono ca maanzi,” alimwi wakati, “kumbi, ko leta munsuma omwe mu janza, i cibunge.”

110 Waa kati, “Ta ndijisi busu bunji. Ndili kubusena awa eno, kubwezelela tusamu tobile, kuti ndijike cibunge ciniini ca mwana wangu. Ndi jisi buyo kukkwana kujika comwe cakwe a Ndime. Tuyo cilya nkabela tufwe.”

111 Wa kati, “Uta yoowi, nkambo, MBUBOUBU MBWAAMBA I MWAMI.” Oyo ngo muntu ngu tuyanda. Tiikwaali kuti peepe, “Lino, inga *antela* cacitika, mucizi. Inga *ndiza* ca citika. Ta ndizi.” Peepe, peepe. Eliya wakali masimpe. “MUBOUBU MBWAAMBA I MWAMI. Eco cisuwo tacika yuminini, ayalo insazi eyo tai kayuminini, kusikila ku buzuba obo Leza mwayo tuma mvula aa nyika.” Ameni. Nceeco we. Eco cakeelede kuba citondezyo cakwe cikubwene.

112 Wii minina mbungano sunu. Nakamana Eliya kukkala a nguwe kwa kaindi kaniini. . . Waa kajisi mulombe muniini. Wa kaciswa. Ku ciswa kwakwe kwakali kubi loko mane kwakanyina kuyoya kwa kasyaala muli nguwe. Wa kafwa. Mpawo wakacita nzi? I mbungano ibwene kale zitondezyo ezyo. Pele, cintu, mbu kwaka boolela buyo ntenda niini ya cibukilambuta, cakufwambana uyanda kupa kaambo ku mbungano nkambo ka ncico. Waa kali kuyanda kupa Eliya kaambo. Waa kati, “Yebo o muntu wa Leza, lino waboola kuno ku ndi yeezya zibi zyangu a kutola buumi bwa mwana wangu.”

113 Eliya wakabweza mwana, katanta mujulu ku ciluli oko nkwakali kulala, ka mulazika a bulo bwakwe mwini, wakalyoolola aatala aali nguwe, kati, “Mwami Leza,” Aleluya, “kojosya buntu bwa mulombe oyu.” Elyo muvwanda waka sinsimuka.

114 Wa kamujosya aansii. Oyo mwanakazi wakalanga ku mwana, elyo mpawo wakamulanga, mpawo waka lizyi kuti kwakali cintu cimwi kuya. Waa kati “Kwiinda kuli eci Ndi lizyi Ijwi lya Leza lili mu mulomo wako.” Ameni. Wa kali citondezyo kuli mukamufu oyo. Cindi na kabona nguzu zya Leza, Oyo upononosya na kukonzya kujaya, kubusya mwana ku buumi, waa kati, “Kwiinda kuli eci Ndi lizyi kuti uli muntu wa Leza.” Waa ka ciziba.

I masi sunu inga aciseka, mbuli mbo bakacita kaindi. Tee baka cisyoma. Pele oyo mwanakazi wakazi bwaandene. Ca kali citondezyo kaindi, mbuli mbwa kali citondezyo, ku busya mwana wakwe mufu kujoka ku buumi. Balo basinsimi nzitondezyo lyoonse zya Leza.

115 Cindi Eliya mpawo nakaitila kazekelo, kati, “Ikuti na Leza ngu Leza, amu Mu belekele. Ikuti na Baala ngu kaleza, amu mubelekele.”

Sa obu tii bwaba buzuba bugambya kuli Eliya sunu? Ikuti na tunzenyu ngu kaleza, amu tubelekele. Ino tujisi nzi mu tunzenyu? Ino twa cita nzi? Ta tujisi cintu pele nkamu ya bubi. Ta tujisi cintu.

Pele twa sweekelwa boonse, kutandila beenzuma boonse, kwiinda mu masi. Awa, mvwiki yainda, kasweekelwa masi aambi obile na otatwe kuya ku kommunistimu. Tuli muku telesya bantu a kutola mali abo, a kwaatuma kuya ku kusanina bantu abo basanduka kuba bana komunizimu kufumbwa buyo aavula. Mbube bwa kuupa. Mbo mbubo.

116 Tula litaminina kuba Banakristo. Atube mbuli Banakristo, kabi, kutali kwiinda mu kubasanina zintu mbuli eezyo. Eco cijisi kunini loko oko—oko . . . I muntu uuzizilwe wamoyo mubotu uyo cita eco. Obo mbukombi. Olo taluli lufutuko.

Banji maningi bala jana bukombi a lufutuko kunyongana. Bukombi nku sanina bamukabafu a bacete, a zimwi zimbi. Obo mbukombi. Pele lufutuko Nkuzyalwa kupya, kuba kuzyalwa kwabili. Eco cili andeene. Bukombi, Mohammadani mbukombi. Kuli bukombi bunji.

117 Lino, kutala ku Cilundu ca Karameli, buzuba obo mbwa kaitila kazekelo, elyo wa kaita Ahabu a zyuulu zya bapaizi abo bakali kuzulilwa ku tempele lya tubungwe twabo. Wa kabaitila kutala aatala lya Cilundu ca Karameli, kati, “Amu boole kutala awa. Amundi swaanganye awa. Njo zunda nkamu yoonse.” Ino wakacita nzi? Wa kajisi MBUBOBU MBWAAMBA I MWAMI. Ta kayoowa. Wa kati, “Amu tuule musune. Amwiite kuli Balimu. Amulekele Leza oyo uuvwiila kwiinda ku mulilo abe Leza.”

118 Aboobo, buzuba boonse . . . kuzwa kuseeni mane nikwa kainda cibusulo, ba kasotauka aa cipaililo. Ba kalitendaula beni. Ba kakwiila. Ba koongolola. Eliya wakeendenda koonse, kati, “Kamoongololesya aniini. Ndiza wainka mu lweendo lwa kuzela nswi, na cintu cimwi. Uli kubusena katandaanya, na cintu cimwi.”

Nkambo, wa kajisi MBUBOBU MBWAAMBA I MWAMI. Wa kakkutula. Wa kajisi Ijwi lya Leza.

Mukwesu, mucizi, ino nkunji buti ku muntu uuli oonse nkwayanda kwiinda cisyomezyo ca Leza? Leza wakati Uyo cicita. Ngu Abrahamu. Wa keelelezya Leza kuti ula konzya kucita eco Nca kaamba ancico. Wa kalizi kuti Leza ula konzya kucicita, nkaambo Leza wakaamba boobo.

119 Aboobo wa—aboobo wa kabaita kuti baboole kutala kuya. Elyo aboobo baka litendaula beni, akoongolola a ku kwiila buzuba boonse, kusikila ku cituuzyo caku mangolezya. Mpawo,

Eliya, amulangilile eco nca kacita. I cintu citaanzi nca kacita waka kunkulisya mabwe aali kkumi abili kuba antoomwe.

Leza taabawidwe pe. Tubungwe twabaula mabungano, pele kutali Leza.

Umwi wati, “Sa uli Munakristo?”

¹²⁰ “Ndi muna Baptisti.” Aboobo eco cili buyo mbuli kwaamba kuti ni ngulube.

¹²¹ Aamba, “Ndi muna Methodististi.” Ee, eco cili buyo mbuli ngulube, alimwi, kuli Leza.

¹²² Nda mba, “Sa uli Munakristo?” Kuba Munakristo, yebo welede kuba mbuli Kristo, Buleza bwabamba cilawo muli nduwe, a Muuya Uusalala, mbuli mbo wakawa aa Buzuba bwa Pentekoste. Kutali kunyanyamukwa kumwi, pele Nda amba pentekoste iini. Mwabona? Ncibotu.

¹²³ “Ndi muna Pentekoste. Ndi muna Oneness. Ndi—Ndi muna triniti. Ndi. . .” Oh, ma! Cili buyo mbuli kwaamba kuti wakali cintu cimwi cimbi. Tacaambi cintu kuli Leza. Eco cilandaanya.

¹²⁴ Eco nceecico cakacitika ku musanza kuya aakati ka bapaizi. Pele Eliya waka kunkulisya mabwe aayo aakali kkumi aabili antoomwe, ku tondezya kuti Leza ngu Leza omwe weendelezya boonse babo. Wa ka bunganya antoomwe.

¹²⁵ Aboobo, cindi niba kabikka antoomwe mbuli obo, wa kajaya musune a ku mulazika aatala lya cipaililo, aa nkuni. Wa kati, “Lino, kuba masimpe kuti kwiina kubeja muli eci, kamuya muka ndiletela zinkuli zya maanzi zili kkumi azibili.” Elyo wa katetya nkuni ezyo ncobeni. Oh, Aleluya! Wa kali kuyanda kutondezya kuti Leza wakali Leza. Nkaambo, kutinzi? Wa kajisi MBUBOBU MBWAAMBA I MWAMI. Wa kali musinsimi. Wa kajisi Ijwi lya Leza.

¹²⁶ Aboobo, buzuba obo, ikuti na baamba kuti bayo mutanda mu mbungano, bayo cita *eci*, *cimbi*, ikuti mwa bapatizigwa mu Zina lya Jesu, a zintu ezi zyoonse zyandeene mbuli ezyo: bufubafuba. Ngu MBUBOBU MBWAAMBA I MWAMI.

¹²⁷ Muntu mubotu, busiku bumwi, wakambaula kuli ndime, kaboola ku ndigwambatila maboko aakwe, a kwaamba, “Mukwesu Branham,” kati, “Ndi yanda ku kubuzya cintu cimwi.” Kati, “Ikuti yebo walimvwanja buyo aniini, zintu eezi ezyo nzoambaula.”

Nda kati, “Cinzi?”

Kati, “Loonse olu lubapatizyo.” Kati, “I mabungano amu Chicago a oonse ku masena ala kuyanda maningi, pele bala yoowa kuti uyoamba eco.”

¹²⁸ Nda kati, “Masimpe, Njo caamba. Ncamasimpe, Njo caamba.”

Kati, “Ee, eco nce cintu cilikke nco bakulwana.”

129 Nda kati, “Nkokuti taba ndilwani. Ta ndili Oyo waka Ca amba. Leza waka Ca amba. Nda zundikizya muntu uuli oonse kucitondezya kuti cili lubide.” Mwabona?

130 Kati, “Ee, yebo wabona, yebo—yebo weelede kuzumina a kubamba luswaanano.”

Eco nce cintu nciconya nco bakali kuyanda kuti acite. Leza tali mvwany. Peepe, munene. Tali mvwany.

Wa kati—wa kati, “Lino, Mukwesu Branham, Ndi yanda ku kubuzya cintu cimwi. Sena Angelo wa Mwami. . .” Kati, “Tula syoma toonse Angelo wa Mwami. Sena Angelo wa Mwami waka kwaambila Eci?”

131 Nda kati, “Ta ndikwe makani eco Angelo wa Mwami ncanga waamba. Ikuti na Walo, Angelo wa Mwami, Uyo amba *Eco*. Pele ikuti na Wa amba cintu cimwi ciimpene, Ta kali Angelo wa Mwami.” Nda kati, “Tacikwe makani eco Angelo, na kufumbwa zintu cimbi ncanga waamba, Paulo wakati, ‘Nekuba Angelo uuzwa ku Julu wakambauka kufumbwa Makani mabotu aambi kuli ndinywe, abe mutuke.’”

132 Baangelo a bantu boonse, cintu cimwi ca kulisumpula kunyama, kwaamba Baangelo. Joseph Smith, Brigham Young, nkamu zyoonse zyandeene zya buzumini bwanguzuuzu, zya ba Adventisti a zintu zyoonse zimwi zimbi, bala bona misyobo yoonse ya zintu mbuli eco, pele lyoonse ciliimpene ku Ijwi.

133 Pele, Leza ula simpikizya Ijwi Lyakwe. Ndi Ijwi Lyakwe. Nda kati, “Ndi Ijwi Iya Mwami. Masimpe. Koonse Nko ndakasola kuziba oko kwaka yiisigwa kuli ndime kwiinda kuli Nguwe. Taakwe ne Nda kainka ku seminari na cikolo. Ci zwa kuli Nguwe.” Nda kati, “Naa cakali liimpene. . . Ikuti na caka liimpene kuli Eco, Inga tii nda Mu syoma. Nkaambo, eelyo ndi Ijwi Iya Leza, ndeli taanguna. Zintu zyoonse zimbi zibe bubeji.” Ijwi Iya Leza, kokkala a Ndilyo.

134 Aboobo, Eliya, cindi nakamana, wa katetya zitanda ezyo koonse, zinkuli zya maanzi zili kkumi aa zibili. Kazitilila aatala kuya. Wa keenda kubusena kuya, cabutontozi buyo mbuli mbwa kakonzya kuba. Nkaambonzi? Leza takonzyi kubeja. Leza waka mwaambila. Wa kati, “Mwami Leza wa Abrahamu, Izaka, a wa Israyeli, acizibwe buzuba buno kuti Nduwe Leza, alimwi Ndili mulanda Wako. Elyo Nda cita ku kulailila Kwako, nkaambo ngu MBUBOBU MBWAAMBA I MWAMI. Nda cita eci nkaambo Wa kandaambila kucicita, nkaambo cili mbuli Ijwi Lyako. Aci zibwe eno kuti Nduwe Leza.”

Elyo Mulilo wa Mwami wakawa, akuumpa cituuzyo, zitanda zyaka tetede, kamyankuta kumanizya mabwe, a zintu zyoonse zimbi, elyo kusyukuta zintu zyoonse. Mpawo Israyeli ya koompolola, zyuulu zili ciloba, “Alekelwe Leza kuba Leza.”

¹³⁵ Eliya, obo mbo ceebelezya kubona mubili oyo wakaindi muniini, wakali kuboneka kupwaika buyo, akukotela kubi uukakanyene koonse, ako kasamu kaniini mu janza lyakwe, cinkuli ciniini ca mafuta kacilengelela ku lubazu lwakwe, kabeela ka cikutu cambelele ka kamuvumbide. Baa, inga noba mubikka mu ntolonga sunu ikuti na waenda mu kagwagwa; pele bala lekela banakazi kusama tubbudula; pele masimpe inga noba takacita eco, mwabona, mbuli obo, bakazwa. Aboobo, mpawo, pele mbaaba baboola. Mbaaba baboola kunselelo, ku lubazu kwiinda muya, ku cilundu, aa kasamu aka.

¹³⁶ Lino, Cilundu ca Karameli tacili busena buniini—buniini butakwe cintu aakati ka lukula. Mulundu mupati. Uleenda, kubaanga mbuli kkona lili *obu*, alimwi uleenda kuya kutala, a kuba nkwaalale kubesena koonse ku lwizi. Elyo Eliya a Gehazi baka zuba lweendo loonse kutala, aatala. Elyo Eliya wakavundama ku busyu bwakwe kuya, a kutalika koompolola kuli Leza, a sule lyakwe kalilangide Kumbo, kulanga ku zuba. Myaka yotatwe a myeezi iili cisambomwe, kutali awalo mume wawa. Wa kati kuli Gehazi, “Koya ukalange a kubona ikuti na inga wabona cintu cili coonse, ikkumbi kubusena kuya ku lwizi.”

Koima aa mulundu oyo, kopakamene ku nzila *eyo*, kati, “Tii ndabona cintu.”

¹³⁷ Wa kakkala mponya awo. “Leza, ikuti na bantu abo beempwa, ikuti na bantu aba bajoka kuli Nduwe, ikuti na balibambila kuzwa kuli koonse oku kwa bufubafuba a kujoka ku Ijwi Lyako, mpawo Nduwe Leza, ko vwiila Ijwi Lyako.”

¹³⁸ Andaambe cintu nciconya sunu. Amubweze tubungwe oto a kutumwaya, kuluba kwiimpana oko kwatubungwe, a kulekela bantu kujoka ku Ijwi Iya Leza, ku nzila ya kubezela. Njo tondezya kuli ndinywe kuti kuli Leza oyo uukonzya kuvwiila kwiinda ku Mulilo.

¹³⁹ Atu lekele bantu baite kuli Leza. Atu . . . ? . . . kwiita muntu. Atu lekele bantu baite musinsimi. Leza uyo bikkwa aa cilawo kakucitikila. Nda zundikizya masi kucita eco. Amuwide ku busyu bwanu aa kwiita kuli Leza, kuti atume sikunununa, a kulangilila eco cinga cacitika. Amu cicite buyo ciindi comwe, Leza uyo vwiila. Leza ula cita lyoonse.

¹⁴⁰ Kawida aanso a kwaamba, “Leza, acibe sunu. Bantu aba cimwi ciindi bakali Ku kulwana. Bantu aba baka mwaika kuba mu misyobo yoonse ya tubungwe kubusena kulaale. Pele, sunu, Yebo walitondezya Omwini. Nduwe Leza. Alimwi bantu ba kati, ‘Amusowe Balimu.’ Elyo Nda bajaya bapaizi bali zyuulu. Bali sweekede mu nzila eno, Mwami. Zyoonse zintu zilebya zyamana, zisinkila ziniini ezyo zyaka twaandanya.”

I Methodisti inga wayanda kuba antoomwe a wa Baptisti; muna Baptisti inga wayanda kuboola a bana Pentekoste;

babwini mu moyo kunselelo kuya, abo basyomeka bali zyuulu zili ciloba. Pele taba konzyi kucicita. Ikuti na bacicita, bala tandwa ku mabungano abo. Bamwi babo tabakwe makani. Bala boola, nekuba. Mbo mbubo.

¹⁴¹ Pele balekele bamwaye koonse oko kuyeeyela kutakwe maimino a kuba antoomwe, a kwaamba, “Tuyo luba toonse otu tunsiyansiya awa a katikizimu, a zintu zyoonse ezyo nzo tubala. Tu lekele tujoke ku Ijwi lya Mwami.” Amulangilile eco ciyo citika mpawo. Leza uyo babusizya musinsimi, Uyo cita ncobeni, kuti Ciyo cileta aansii ncobeni kuli mbabo, ikuti na kabalibambilide ku Ci tambula. Lutaanzi, beelede ku komba. Leza ulalindila.

¹⁴² Sena tacili ceenzu kuti Leza uyanda bantu kuba aa cibeela muli ncico? Cindi Jesu na kalanga koonse ku butebuzi, Wa kati, “I butebuzi bwabizwa. I babelesi mba syoonto. Amu lombe ku Mwami wa butebuzi,” oyo wakali Nguwe. “Amu lombe kuli Ndime, kuti Nka tume babelesi mu butebuzi Bwangu.” Kuli cibeela cimwi nco mweelede kucita. Leza ula lindila Mbungano Yakwe kuti i Mwiite. Wa kacicita lyoonse. Leza ula lindila sunu bantu kuti baite mulanda Wakwe mukunjila mu mulimo. Elyo mulanda takonzyi kunjila mu mulimo kusikila bantu bakomba.

¹⁴³ Israyeli tee yakakonzya kunjila mu mulimo ku musanza kuya, a zitondezyo a zigambyo, kusikila noba kawida ku busyu bwabo a kukombela sikunununa. Leza wakali jisi sikunununa Wakwe. Leza wakali jisi musinsimi kalindila kutala kuya mu nkanda, kamubamba kuya kwa myaka iili makumi ali one, kabalindila kuti balulame, ku komba. Pele cindi noba kalulama a kutalika kukomba, mpawo Leza wakatuma sikunununa.

Leza uyo cita cintu nciconya sunu, ikuti na bantu bayooba antoomwe buyo, kunjila mu kukomba. Ncibotu.

¹⁴⁴ Wa kali citondezyo kuli baabo basinsimi babeji a kuli Ahabu, kuti wa kali mulanda wa Leza. Wa kali musinsimi wa Leza. Mpawo, wa kali citondezyo akwalo kuli Israyeli, kuti wakali kukonzya kujala majulu na kujula majulu, cindi na kayanda kucita. Wa kali masimpe.

Mundaambile umwi uukonzya kujala majulu, amu nditondezye omwe uukonzya kujula majulu, kunze lya Leza. Elyo Ijwi lya, Leza . . . Ijwi lya Leza lili ku basinsimi.

¹⁴⁵ Mikaya, citondezyo kuli Josefati. Mikaya wakali citondezyo kuli Josefati, kuti Leza ula bamba musinsimi kuba uuliko weelede.

¹⁴⁶ Lino amubone. Wa kajisi basinsimi bali myaanda yone, Ahabu wakacita, nkabela wakaita basinsimi abo bakali myaanda yone. Elyo a kuzuminana komwe baka mwaambila. Elyo nekuba, kungsi kwa moyo wa Josefati, muntu wa Leza, wa kalizi kuti kwali cintu cimwi cilubide. Wa kalizi kuti kwakali cintu cimwi cilubide. Wa kati, “Sena tojisi umwi uumbi?”

147 “Kumane myaanda yone kabaimvwi awo na?” Wa kati, “Boonse aba mbe basinsimi, basinsimi ba Jehova.” Kuli i—i ba Methodist, Baptist, Presbyteria, Unitariani, oh, ma, ma, ba trinitaria, a misyobo yoonse yaandene. “Tuli bajisi boonse kuno, a kuzuminana komwe balaamba kuti eci ncisi cipati maningi ciliko. Taakwe cintu nco tweelede kuyoowa.” Mbuli mulombe muniini kasiba mu lubuwa lwa namaumbwe, nywebo mulizi, kakuli uli yoowede. Muta libiliki a ceeco.

Kati, “Pele tojisi omwe uumbi na?”

Kati, “Oh, iiyi, kuli umwi uumbi kuno, pele,” kati, “Nda musula.” Mwabona? Kati, “Lyoonse waamba bubi kujatikizya cisi eci. Lyoonse waamba cintu cimwi cibbi ciyo citika kuli ndiswe.”

148 Josefati wakati, “Inga—Inga nda yanda ku mumvwa.” Oh, iiyi!

Ino wakali ni? I citondezyo. Takukwe makani obo tubunga na tubungwe na ntunji buti, Leza ucijisi musinsimi oyo uyo kkala a Ijwi.

149 Josefati wakalizi kuti Ahabu waka nyonyooka, nkaambo oyo musinsimi wakasimpe, Eliya, wakali citondezyo ku masi, kati, “I babwa bayo ntwakizya bulowa bwako, kuboola kuno.” Eco cili luleme. Wa kalizi kuti Jezebele a nguwe cakali kuba boolela. Wa kalizi kuti cakacita. Mwabona?

150 Elyo Mikaya, Mikaya kati. Ba kaboola kuli nguwe a kuti, “Lino, Njo kwaambila, ikuti na uyanda kunjila mu nkamu iicilila, Njo kwaambila eco ncoya kucita. Yebo ko zuminana buyo kuti bakambausi aba boonse bali luzi. Mwabona? Yebo uka mwaambile, ‘Koya kutala.’” Elyo kati, “Yebo ko zuminana buyo.” Kati, “Njo kwaambila eco nco tuyocita. Tuyo bamba... Tuyo bona kuti wanjila mu kabunga kesu, ikuti na wacita buyo eco, wabona, ikuti na walimvwanya buyo aa zintu ezi zisyoono kuno ezyo nzyoambaula. Yebo utondezye buyo, koya, kazuminane a mbabo, kozumanana ambabo.” Huh-huh! Sa inga mwayeeya musinsimi wakasimpe wa Leza kuleya kuzwa ku Ijwi lya Leza? Sa inga mwacita?

“Ee,” balombwana aba bakati, “pele, twa kabona cilengaano,” aba basinsimi bali myaanda yone. “Tu lizi. Tu li basinsimi. Tu lizi, nkambo toonse tu li basinsimi.”

151 Mikaya wakati, “Ta ndizumbauzyi kwalo kuti mwakabona cilengaano. Ta ndi cizumbauzyi nokuceya, kuti mwakabona, cilengaano, pele ta ceendelene ku Ijwi eelyo.” Ameni. Kati, “Nda kabona cilengaano, ambebo.” Ameni. Oh, luse! Wa kali citondezyo. Wa kali citondezyo. Wa kati, “Nda kabona cilengaano, alimwi Nda kabona Israyeli, mbuli mbelele, zimwaikide aa cilundu, kazitakwe mweembeli.”

Elyo mulinguzi oyu mupati, bishopo, wakeenda kumbele a ku mubakula lubayi ku mulomo. Kati, “Nkokuli Muuya wa Leza nkowaunka cindi Ni wazwa kuli ndime?”

¹⁵² Wa kati, “Uyo bona cindi wanooli mu ntolongo. Uyo bona.”

Walo, Ahabu wakati, “Amu bikke mulombwano oyo mu ntolongo. Mu musanizye cinkwa eci ca kubuya, a kumupa maanzi a kubuya, kuti anywe.” Kati, “Cindi Nda joka mu luumuno,” kati, “mpawo Njo mubeleka.”

¹⁵³ Mudaala Mikaya wakaima kuya a MBUBOBU MBWAAMBA I MWAMI. Wa kati, “Ikuti ukajoke nokuceya, Leza kwiina na kanana kuli ndime.” Kung’ung’una! Nce cico. Ino wakali nzi? Wa kali citondezyo, kuti basinsimi ba Jehova, basinsimi ba Leza, bakkala aa Ijwi lya Leza.

¹⁵⁴ Na mujisi musinsimi oyo waamba kuti mweelede ku bapatizigwa mu mabande aa “Taata, Mwana, Muuya Uusalala,” ngo musinsimi mubeji. Ikuti na mwaamba kuti kuli musinsimi aakati kanu, oyo uamba, “Kuli Baleza botatwe,” ngo musinsimi mubeji. Kwiina Magwalo aa ncico. Mbu mbubo. Pele musinsimi wakasimpe iwa Leza uyo kkala a Ijwi eelyo. Elyo ikuti na cilengaano cakwe ciliimpene ku Ijwi eelyo, tali musinsimi wakasimpe uuzwa kwa Leza.

¹⁵⁵ Taakwe busena, mu Bbaibbele, kwiina muntu uuli oonse wakasola ku bapatizigwa mu bubande bwa “Taata, Mwana, Muuya Uusalala.”

¹⁵⁶ Amulange kuli Paulo, kutala kuya mu ntolongo, Mujuda, muniini, wa mpemo iigogomene, wa mutwe ula lubala, kakkede kutala kuya, kamana myaka iili makumi obile, ntolongo yabana Roma. Wa kalemba magwalo aya. Lino, ino muyeeya kuti nzi mukambausi mwanakazi mbwa kayeeya kujatikizya Paulo, cindi na kati, “Amu leke banakazi kabaumwine mu mabungano. Ta ndi bazumizyi kwaamba”? Nda yezeezya kuti noba kamubeleka ncobeni.

Ino muyeeya kuti nzi balo mabishopo mbo bakayeeya, balo mabishopo, kakuli ba kaamba kuti zintu ezi zyoonse zyakali andeene? “Amuleke zintu ezi awa, a eci awa, koonse oku, oko? Paulo? Mu ndaambile, nguni oyu mulombwana, kwalo, oyu mulombwana uukkede kutala kuya mu ntolongo?” Pele wa kaswaana Jesu. Wa kalizi eco ncakali kwaambaula.

Elyo kuzwa mu nkamu eyo njiyonya, kwiinde lufu lwa Paulo, ku malekelo baka panga, kuzwa ku nkamu eyo ya mabishopo a bantu ba zyuuno zipati, ku Nicene Council, elyo baka panga mbungano ya Katolika, kuleya kuzwa ku Ijwi lya Leza. Mpaawo kwaboola zyanu zya “Taata, Mwana, Muuya Uusalala.” Nda zundikizya muntu uuli oonse, busena buli boonse, cisi cili coonse, kucitondezya kuti cili bubide.

157 MBUBOUBU MBWAAMBA I MWAMI. I lubapatizyo kubelesya bubande bwa “Taata, Mwana, Muuya Uusalala” buli lubide. MBUBOUBU MBWAAMBA I MWAMI. Nda lailila umwi aumwi wanu, aawa na aa teepu, abo batana kubapatizigwa mu Zina lya “Jesu Kristo,” ba bapatizigwe alimwi mu Zina lya Jesu Kristo.

158 Paulo, mu Ncito, 5:9, na, 19:5, kati, “Sena mwaka tambula Muuya Uusalala kuzwa nomwa kasyoma?”

Ba kati, “Ta tuzi naa Muuya Uusalala mpuuli.”

Kati, “Mpawo ino ndu bapatizyo nzi lwanu?”

159 Ba kati, “Twaka bapatizigwa,” pele kutali mu lubapatizyo lwa Bunakristo.

“Taata, Mwana, a Muuya Uusalala” taluli lubapatizyo lwa Bunakristo pe. Taakwe Munakriso wakasola ku bapatizigwa mbuli obo, mu Bbaibbele na kwa myaanda ya myaka kalilembedwe kale Bbaibbele. Nkansiyansiya ka Katolika, kutali Njiisyo ya Bunakristo. Amu nditondezye mu Bbaibbele. Nca bu—nca bubeji. Nkubeleka kwa badyabolosi.

Ta ndipandululi kwaamba bantu abo baka bapatizigwa mbuli obo kuti bali munzila eyo. Leza ulijisi bantu banji ku masena kuya sunu abo batazi kabotu.

160 Pele, oora lyasika, tweelede kujoka ku Ijwi ikuti na tulangila Leza kubeleka mu buzuba buno mbuli Mbwa kacita kaindi.

161 Nda kaamba kuli baama bangu cindi niba kali kufwa, kabatana kufwa. Nda kati, “Baama, cindi ni Nda kaba Munakristo, nkeli mulombe, Nda katalika kuyandaula a kuvuntauzya. Nda kalizi kuti kwakali Leza, kuzwa ku zilengaano nywebo mulizi, a zintu ezyo zyakacitika mucuindi coonse mu buumi.” Nda kati, “Mpawo Nda kajana kuti mbungano ya Katolika yakati, ‘Tuli mbungano. Tacibambi lwaandano eco Bbaibbele nco lyaamba. Tula syoma Eelyo kuba kabotu, pele, tuli mbungano. Eco nco twaamba, Leza ula caanga ku Julu.’ Elyo aboobo, mpawo, bala cicita nzila *eyi*. Oyo mubili omwe. I bana Luthar balaamba, ‘Bali lubide. Tu cisyoma mu nzila *eyi*.’ I ba Baptisti balaamba, ‘Boonse bali lubide. Tu cisyoma mu nzila *eyi*.’ Elyo kuli myaanda ya nkamu eezyo.”

Nkaambonzi, mbobuti mbo mukonzya kuba a lusyomo? Njiili imwi yabo iiluleme? Kuli Cintu comwe ciluleme. Tii ndaka Cizyi kaindi.

162 Nda kati, “Baama, Nda kajoka ku Bbaibbele a kuvwentauzya nzila ya baapostolo abo bataanzi, na musyobo nzi wa mbungano ngo bakajisi, obo mbo bakayiisya, a zintu nzo bakacita. Nda kacita mbubonya buyo nzila njo baka cicita, nzila Bbaibbele mbolya kaamba, alimwi Nda kajana micelo njiyonya.” Ameni. Mundijatile ku bwaambe, pele i—i cizibyo ca

cakulya cilweela nku kulya kwaco. Obo mbwini. Kajana micelo njiyona eyo njo bakajana. Iiyi.

¹⁶³ Aboobo, tamu konzayi kuyaka kaanzambwene mu cintu cimwi eco kakuli kuli nzila zyaandene zili myaanda iili fuka, kwiinka nzila *eyi* a nzila *eyo*.

Mpawo Nda kajana, kuya mu Bbaibbele, kuti Jesu wakati, Mwini, “Ikuti na muntu uli oonse uyo gwisya Ijwi lyomwe, na ku Li cinca, mu Bbuku eeli; kufumbwa muntu oyo uyoyungizya cintu cili coonse kuli Ndilyo, na kugwisya kufumbwa cintu kuzwa kuli Ndilyo; nguonya uyo gwisigwa, cibeela cakwe kuzwa ku Bbuku Iya Buumi.” Katondezwa wa kali jisi zina lyakwe kuya, ncibotu, pele liyo gwisigwa. Oh!

¹⁶⁴ Tweelede kujoka ku Ijwi eeli. “Majulu a nyika ziyo loba, pele Ijwi Lyangu tali kakakilwi.” Iiyi, munene. “Amuleke ijwi Iya bantu lyoonse libe bubeji. Lyangu kuba bwini,” kaamba Jesu. Atu kkale a Ijwi. Inzya. Oh, ma! Inzya.

¹⁶⁵ Josefati wakalizi kuti Leza ula bamba musinsimi, wakasimpe ncobeni oyo uukkala a Ijwi Lyakwe alimwi taka Li mvwanyi. Peepe, munene.

¹⁶⁶ Wa kakkala ncobeni a Ndilyo. Myaanda iili yone kuzundana a nguwe, a zisinsime zyabo, abalo. Pele cakwe cakali Ijwi Iya Leza, a citondezwo nciconya a zintu.

Elyo Nda amba, sunu, eco nco tuyanda sunu muntu, i musinsimi, kubuka aakati kesu, oyo uyookkala a Ijwi Iya Leza kakutakwe makani eco muntu uuli oonse uumbi ncaamba, na kufumbwa kabungwe nco kaamba.

¹⁶⁷ Mikaya taakajisi baku mugwasya. Musa taakajisi baku mugwasya. Nowa taakajisi baku mugwasya. Kwiina wabo, buyo, kasola kuba aba mugwasya. Boonse kali ku mulwana. Pele nzitondezwo mu mazuba mabi Leza katana tuma lubeta. Elyo Leza ula bamba Ijwi Lyakwe alimwi ula yanda Ijwi Lyakwe kubambwa kwiinda ku bantu Bakwe. Alumbwe Mwami.

Lino, twatalika ku kujala, kwa maminiti buyo masyonto eno. Lino amuswiilile kabotu.

¹⁶⁸ “Kwakali muntu wakatumwa kwa Leza wakali aa zina Iya Johane,” citondezwo ca musinsimi. Jesu katana kusola kuboola ku nyika, ku zolitondezwa Mwini, Wa katuma musinsimi kumbele Lyakwe. Sena Wa kacicita? [Mbunga yaamba, “Ameni.”—Mul.] Wa katuma musinsimi, Eliya wa Cizuminano Cakale, waka sinsimwa kuti uyo boola mu nguzu zya Eliya wa Cizuminano Cakale. Wa kaleelede kuba citondezwo ca musinsimi kuteeti Jesu wakali kuboola, kuteeti kwa keelede kuba Mesiya uboola.

¹⁶⁹ Elyo Johane wakazwa mu nkanda, wa kali citondezwo cakuti Mesiya wakali mu lweendo Lwakwe. Cindi Johane naka libonya, Israyeli yakeelede kuziba, kwiinda ku basinsimi babo.

Awo mpe mpawo bantu mpobakakilwa kucibona. Taba syomi basinsimi babo. Taba syomi. “Ta tusyomi eco Petro nca kaamba kuti cakali luleme, aa Buzuba bwa Pentekoste.” Taba syomi kuti eco cili luleme. Taba syomi eco Paulo nca kaamba, cintu nciconya Petro nca kacita. Kati, “Ikuti na Angelo kuzwa ku Julu wakambauka ijwi lili lyoonse limbi, abe mu tuke.” Taba syomi eco. Mwabona? Taba cisyomi.

Elyo tee bakasyoma basinsimi babo. Ikuti noba kaziba, niba kaziba eco Isaya nca kaamba, “Kuyooba jwi lya umwi lyoompolola mu nkanda, oyu uyo bamba nzila ya Mwami.” Ba keelede kuti kabacizi. Wa kali musinsimi, mwaami wa basinsimi. Wa kabaambila, pele tee baka cisyoma. Peepe, peepe. Wa kati, “Kuli Mesiya uboola.”

¹⁷⁰ Oyu muntu wakali muntu wa katumwa kwa Leza. Oh, bakwesu! Ta kajisi basiku mutobela. Leza waka mupa basiku mutobela, katanga kaniini, mbuli buyo Mbwa kacita Eliya. Leza wakamupa basiku mutobela. Ta kabajana kuzwa ku kabunga kamwi ka tunzenyu. Wa kambauka Ijwi, kakkala aa Ijwi lya Leza, alimwi Leza wakamupa katanga kaniini. Eliya waka kkala aa Ijwi lya Leza. Leza wakamupa katanga kaniini.

¹⁷¹ Oyu muntu taakajisi baku mugwasya. Ta kajisi basiku mutobela, taakwe baku mugwasya, taka zulilwa ku kabungwe, taka lomba cintu alimwi kuyoowa cintu. Oyo wakali Johane. Nkaambonzi? Wa kali muntu wakatumwa kwa Leza. Ako nke kaambo nca kaima. Wa kali Eliya kaimvwi awo, ku tondezya ku bantu kuti Mesiya wakali kuboola. Wa kati, “Ndili jwi lya nguwe oyo woompolola mu nkanda, mbuli mbwaamba Isay musinsimi. Amuli bambile kuswaana Mwami.”

¹⁷² Balo ba Farisi a ba Saduki bakaima abusena awo a kukazyia kujatikizya ma bbaki a zintu zyabo. Mpawo buyo kuciindi noba kali kukazyia a kukwankana kujatikizya ncico, mpawo buyo aakati kabo kwa kaboola Mesiya, keenda.

¹⁷³ Johane wakati, “Amubone, ngooyo Mbwa bede.” Aleluya! Amu mulangilile. Wa ka Mu zibya. “Ngooyo Mbwa bede. Uli imvwi mpoonya aakati kanu eno.”

Kutandila ciindi eco, majulu akazuma. Jesu wa keenda kunjila mu maanzi. Elyo Johane wakapa bumboni, kubona Muuya wa Leza, mbuli nziba, kuuseleka aansii. I Jwi kalyoompolola, “Oyu ngo Mwana Wangu uuyandwa muli Nguwe mwe Nko ndelwa kukkala mo.” Oh, ma, ma!

¹⁷⁴ Johane wakati, “Lino Nde elede kucesegwa. Ule elede kukomezegwa.” Oh, ino musinsimi, citondezyo ku Israyeli! Iiyi, munene.

¹⁷⁵ Wa kali muntu wakatumwa kwa Leza, nekuba kuti bawisi bakali bapaizi. Oh, iiyi. Bawisi bakwe, Zakaria, wakali mupaizi. Pele sena mwakabona? Leza taakalekela musinsimi oyo kunyonganisigwa aa tubunga twabo. Bawisi niba kamutola ku

cikolo cabo ca lwiiyo lwabukombi, ku kabungwe kapati *Boobu-a-boobu*, ku mubamba kuba mukambausi mubotu, nyebo mulizi, a ku muyiisya koonse, a kumupa zintu zinji loko ezyo nzya takali kweelede kuba azyo. Pele Leza taka konzya kulekela buntu bwakwe kuti busofwasigwe. Sena mula mvwisya? [Mbunga yaamba, “Ameni.”—Mul.] Ta kakonzya kulekela muntu oyo kunyonganisigwa ku tubunga. Taakwe naka zulilwa kuli kali koonse kabo, kwiina kabunga kabukombi bwabuzangi, ba Farisi, ba Saduki, bana Herodia, na kufumbwa mbo cakabede. Leza ta kakonzya ku cizumizya.

¹⁷⁶ Wa kajisi kuzyalwa kugambya. Wa kali mwana uugambya. Wa kali musinsimi. Bawisi bakali bapaizi, pele Ta ka konzya ku mulekela kunyonganisigwa a basikuupaupa babo boonse, bukombi bwa Bufarisi a zintu. Ino wa kacita nzi? Wa ka mugwisya mu nkanda a kumu yiisya mu lukula.

¹⁷⁷ Ino nkwiya! Ameni. Wa kamuyiisya kwiinda ku luzibo. Eco nce cibotu kwiinda, kuziba Leza. Cindi na kazwa, wa kalizi ncobeni oko kwakali kutumwa kwakwe mbo kwakabede. Leza wa kasimpikizya kutumwa oko.

Nkokuli Nkwa kacisimpikizya? Ku mulonga. Lino, ikuti mula konzya kusanganya tobile a tobile. Mwabona? Ku mulonga!

Kati, “Ndili jwi lya umwi oyo woopolola mu nkanda, ‘Amu bambe nzila ya Mwami, amubambe kazila Kakwe.’”

¹⁷⁸ Johane, muntu wakatumwa kwa Leza. Leza kwiina na kamulekela kusofwasigwa a ncico. Wa kamuiisya mu nkanda, kwiinda kuli Leza. Wa ka muyiisya kutali mu zikolo zyabo pe, kutali mu lwiiyo lwabo lwabukombi. Ikuti Na kacita, ne kunga na kazulwa a makani oonse aa zintu mbuli yebo wazwa ku zikolo sunu, misyobo yoonse ya zikolo. Kutali buyo Presbyteria, Baptisti a Methodisti, pele zikolo zya Pentekoste, zibyaabi buyo, kufumbwa zyabo zikolo zya lwiiyo lwabukombi, ku bagwisya kuzwa kuya. Oh!

¹⁷⁹ Kuboola kwakwe, kaamba Muuya, wa Isaya. Kuboola kwakwe, kuboola kwa Johane, wakaamba kusika mu Lugwalo. Isaya 40:3 kati. “Njo tuma mutumwa Wangu kumbele Lyangu, kubamba nzila,” na, oyo wakali Malaki 3. Kati... Malaki 3, kati, Uyo tuma mutumwa Wakwe kumbele Lyakwe. I musinsimi, musinsimi wa mamano, wakaamba kwakwe. I cintu ca mamano cakaamba nguwe. Amuyeeye, Bbuku lya mamano lya Cizuminano Cakale lyakaamba kuti Eliya uyo boola ku bana ba Israyeli kakutanaba kulitondezya kwa Mesiya.

¹⁸⁰ Sena muli libambilide? [Mbunga yaamba, “Ameni.”—Mul.] I Bbuku lya mamano mu Bbaibbele, Ciyubunuzyo, li tu tondezya kuti kuyooba kujoka kwa nguwe mu buzuba bwa mamano, ku mbungano ya Bamasi, citondezyo. Obo mbo bakakilwa ku cibona! Wa kasinsimwa kuboola alimwi, kakutanaba buyo

Kuboola kupati a kwabili ikwa Mwami. Muli Mal-. . . Muli Malaki capita 4, mu Ciyubunuzyo akwalo, capita ya 3, latwaambila kuti uyooba kuno mu mazuba aa mamanino. Oyo umwi nguonya, uyoima mu mwaakwe wa bantu, a katanga kaniini ako Leza nka yoomupa, uyo boola mu mazuba aa mamanino. Leza wakaamba obo. Uyo oba citondezyo ku cisi eci ca Bamasi, kuteeti ciindi cakwe ta ciciko pe.

¹⁸¹ Elyo, amuyeeye, cindi aalibonya aa cilawo, ciindi cili afwaafwi. Atu kombe kuli Leza kuti amutume. Ciindi cili afwaafwi.

¹⁸² Kufumbwa buyo mulimo wakwe waakumana, Mesiya uyolitondezya Mwini. Kufumbwa buyo oyu umwi mupati akuboola mu mazuba aa ku mamanino, uyomana mulimo wakwe, Mesiya uyo litondezya Mwini. Ciyoooba boobo. I ciindi cili afwaafwi, aboobo ncibotu twa komba. Nywebo ncibotu mwatalika kukomba.

¹⁸³ Cipego cakwe cipedwe aa Leza ku bukkalo obu ciyo tondezya, obo mbwa bedede. Bantu boonse bayo ciziba. Leza uyo cisimpikizya. Uyo tondezya zitondezyo a zigambyo mbuli zitana citidwe aa nyika, kuli ncico. Ta ndi pandululi kujajuka, kuzungaana, a kwaamba mu myaambo. Uyo simpikizigwa ku Ijwi Iya Leza, mbuli muntu oyu mbwa kabede. Nkaambonzi? Wa kasinsimwa mu kuboola, muli Malaki 4 a Ciyubunuzyo 3, aboobo uyo boola. Kwiina cintu ciyo mulesya; ula boola. Ameni. Uyo oba kuno. Ameni. Amuleke bantu bawide ku busyu bwabo sunu a kutalika kulilila Leza, a kulangilila eco cicitika. Muyo mubona kayubununwa mu nguzu. Iiyi, munene.

¹⁸⁴ Kweendelana ku Lugwalo, Mulumbe wakwe wa citondezyo uyooba “kunyona.” Ino eci ciyo. . . Ino tuyo muziba buti kuba nguwe? Mbobuti mbo tuyo ziba kuti oyu ngo luleme?

¹⁸⁵ Nywebo mulizi, Israyeli ya kabuzya ciindi cimwi, kuya mu Deuteronomo, capita 20. . . kampango ka 20, Nda syoma mbo cibede. Wa kati, “Mbobuti mbo tuyo ziba kuti oyu ngo uululeme?”

Mbobuti mbo tuziba? Leza ula twaambila kuti tuyo muziba. Ino uyo cita nzi? “Uyo sandula myoyo ya bana kujoka ku Mulumbe mutaanzi wa pentekoste ku matalikilo.” Oh, ma!

¹⁸⁶ I citondezyo eco citamvwugwi, citondezyo cini, nkabela bala kakilwa kucimvwisya. Bala cita lyaonse.

¹⁸⁷ Kujoka ku Mbungano ya bwini, Mulumbe wa bwini! Yo ima alikke kulwa kabungwe, camba a kutayoowa, kajisi MBUBOBU MBWAAMBA I MWAMI. Ta kali mvwanyi a kabungwe. Ta kabi a cintu cakucita acili coonse; takabi a bweendelezi bwaku janina cintu cimwi. Uyooba uululeme ku Ijwi, MBUBOBU MBWAAMBA I MWAMI. Leza uyo simpikizya mulimo wakwe a zitondezyo a zigambyo, kuyubununa kupati kwa Ijwi, a kuli leta ku bantu. Ino mbuzuba buli afwaafwi!

Mbuli. . . Uyo ima mbuli Petro a Johane mbo bakacita, kumane, aa Buzuba bwa Pentekoste.

Kumane Pentekoste, kuti bakazulwa a Muuya Uusalala, ka bapatizigwa kuya, bakaima mu nkuta ya Sanhedrini. Ba kaima kuya a camba coonse eco cakali kukonzya kwiimwa. Cindi, ba kati, “Twa mukasya ku yiisya mu Zina Iya Jesu, kutabi limbi.”

¹⁸⁸ Wa kati, “Sena cili luleme kuli ndiswe ku muswiilila, na Leza? Amu libetekele aakati nobeni, bantu buyo, batakayiide.” Ameni. Ba kali basinsimi. Ba kali basinsimi baka nanikwa aa Leza. Ba kali zitondezyo zya Muuya Uusalala. Ba kali basinsimi. Ba kalizi.

¹⁸⁹ Ba kali buyo mbuli Johane. Ba kaliko kutala kuya ku Pentekoste alimwi ba kajana cintu cimwi.

Tee bakali mbuli bunji bwa bakambausi besu sunu, ba buliite bwakulipa, kuli kankaizya kuli eco kabunga kapati nko tujisi, mbangaye mbe tujisi mu busena bwa makamu mapati. “Tula ima mbuli kabunga kapati. Tula cita mulimo mupati wa bumissionari.” Oh, luse. “Oh, tu jisi makamu mapati aa bantu kwiinda boonse bamwi babo.” Ino ncinzi? Nkukwela kwa tunzenyu. Ndi yanda kuti muswiilile kabotu, maminiti aacilila ali obile na otatwe. I kukwela kwa tunzenyu.

¹⁹⁰ Masimpe Nda amba cintu cimwi, maminiti masyoonto ainda, nywebo mulizi eco nce Nda ambaula. [Mbunga yaamba, “Ameni.”—Mul.] I citondezyo eco cakasinsimwa. Nda cileka acilikke, cabikkwa mu maanza aanu. Mwabona? Ee, kutali ndinywe buyo kuno, pele abaabo bayo mwwa. Cili mu maanza aanu. Amucite a ncico kufumbwa nco muyanda. Amu kombe, a kulangilila Leza kaboola aa cilawo. Amu Mu langilile kazulizya Ijwi Lyakwe. Ula lindila.

¹⁹¹ Cindi ma atomiki bboomu, elyo bantu bala yoowa. Nkabela Pentagon, tabazi eco cakucita. Nkabela zitondezyo zya kumuuya zitamvugwi mu milengalenga, zya ndeke zyeenzegwa aaba muzwakule, a zintu zyoonse ezyo Leza nzya kaamba kuboola. Nciindi ca Eliya, (uli kubusena bumwi), kubuka aa cilawo.

¹⁹² Amuleke bantu, amuleke katanga ako kaniini, abo basyaalizi baniini abo Leza mbayo mupa, amuleke basyaalizi baniini baakutalika kwiita kuli Leza, a kulangilila eco cicitika. Kuyooba kazekele ka cisi. Kuyooba nguzu ezyo zyaka talina bwenwe. Penzi Iya ncico nkuti, ciindi eci, ciyo bamanina ciindi mpawo. I milyango iyo jalwa. Aboobo, amuyeeeye, tuli ku ciindi caku mamanino. Amukombe.

¹⁹³ Amulange sunu eco nco twiita kuti mulimo. Ino tu jisi nzi? Lino, mu kujala, Ndi yanda kwaamba eci. Ino tu jisi nzi? Taakwe cintu nco tu jisi. Bamwi ba basololi besu bapati maningi, bavangeli besu bapati maningi; umwi wa bavangeli bapati wakati, “Ikuti na Nda konzya kujana peseenti iili kkumi ya basanduki bangu kaba zumanana kuba kabotu, mu mwaka, Njo

lumba maningi.” Cindi, akwalo kuta sakana kujoka kuli Finney oyo, kajisi peseenti ili makumi ali fuka aciloba aa mbabo.

Paulo wakali jisi mwaanda, kusanganya myaanda, myaanda kusanganya myaanda. Umwi wa kafutulwa, alimwi, wa kazulwa maningi, mukwesu, wa kainka a kwaambila muntu umwi uumbi; wa kaambila muntu umwi umbi; elyo wa kaambila muntu umwi uumbi; yaka sakana mu mamiloni. Nkaambonzi? Ba kajisi cintu cimwi. Ba kali aa Ijwi.

¹⁹⁴ Sunu, tu yeeya buyo kujatikizya makamu aa bantu mapati. Ino ncinzi? Ngu kabunga ka tunzenyu. Ikuti na twa boola, muvangeli umwi mupati wasika ku dolopo, ino ncinzi cisaanguna? I nkamu ya bantu, ikuti boonse ba Methodist, Baptisti, ba Presbyteria, boonse babo. Bala bamba mbakaani niini kuli eyo, balo, “Ula konzya buyo kukambauka *eci*, nkabela takonzyi ku kambauka *eco*. Nkabela takonzyi ku kambauka *eci*, pele ula konzya kukambauka *eco*.” Ino ujisi nzi?

¹⁹⁵ Elyo bala konzya kweenda kumbele kuya, banakazi. Nda mbaula kujatikizya ba Pentekoste. Banakazi bala njila muya, kutala ku cipaililo, bala zumanana kukombezezya.

¹⁹⁶ Nda ali lwana lwiito lwaku cipaililo lyoonse. Antela akwalo inga nda caamba. Ta ndisyomi muli nzinzyo. Taakwe cintu cili boobo mu Bbaibbele. Mbobuti muntu uuli onse mbwa konzya kuboola cita Leza wa mwiita? To konzyi ku musinkila. Yebo toelede kwiita kufumbwa cintu. Leza ngelede ku mwiita. Lwiito lwaku cipaililo muzeezo wa Methodist. Mbo mbubo. Lwiito lwaku cipaililo, bala bajata, kwaamba, “John, yebo ulizi, banyoko bakafwa cindi cilamfu cakainda.”

¹⁹⁷ “Ooh-ooh-ooh, iiyi, mukwesu, ooh-ooh!” Oko takuli kusanduka.

¹⁹⁸ Awa, masiku masyoonto ainda, twa kajisi kutondezegwa mu Louisville, kwa mwanakazi wakaletwa mu bbokesi lya bafu, kalazikwa aa cibumbili a lusakatizyo lwa ziiminizyo. “Myaanda ya bantu,” kati, “kazuzila ku cipaililo.” I Makani mabotu taali a kukongya. Taali aakulimvwa kwa luse. Nku sanduka kwa kulamwa.

¹⁹⁹ Amulangilile miswaangano eyi, aba bavangeli bapati, alimwi akwalo mu mulimo wangu muniini wa bubombe, kutali kuli gwisya lwangu. Ziindi zimwi Ndili mvwa kufwabweeme, kwiinka ku busena. Mbo mbubo. Ino tweelede kucita nzi? Kwiima a kubamba lwiito lwaku cipaililo a kuba sungilizya. Basimbi baniini bala boola awa, nkabela boonse kaba nyeela bbabogamu, kwaamba, “Mwabona? Mwabona? Nda inka. Uh-huh.” Aba banakazi bala boola awa, a masusu aageledwe a masyu aapentedwe, ba Pentekoste, a kunjila, a kuzwa, akuti baambaula mu myaambo. Nkabela taba lekeli masusu abo kulampa pe, a kucicita cintu nciconya nco bakacita. Yebo wandaambila kuti oko nkusanduka na? Oko nkusabula Leza.

Bbaibbele iyakati, “Ncibi a mause kuli mbabo kugela masusu abo.” Mbobuti mwanakazi mbwa konzya a masusu aageledwe asampaule mwanakazi oyo uupentede busyu bwakwe? Antela akwalo inga mwacimvwa. I oora lilasika, mane kaleba kabikwe ku muyanda wa musamu. Elyo masamu oonse ayo aatazyali mibotu ala gonkwa.

²⁰⁰ Ino ndi penzi nzi? Ca kali lubide. Nkaambo, abo *bategwa* bakambasusi besu, basunu kuno, nkamu ya bantu mpati a ziimo zya kulisumpula. Tubunga tatuzi buyo kujatikizya Leza kwiinda mbuli muna Hottentot mbwazi kujatikizya busiku bwa muna Egepita, cindi caboola. Bala inka kuutala kuya . . .

²⁰¹ Ino kuti bantu abo ku Pentekoste noba kaunka kutala kuya a kwaamba, “Lino, Jesu waka tulailila kuti tweelede kuya kutala awa a kukkala mane tu tambule nguzu zizwa Kujulu. Lino, bakwesu, twakali kuno kwa mazuba aali fuka, kale. Atu citambule, ku lusyomo. Lino, tuli jisi Muuya Uusalala. Tu lazwa, nkaambo twakali kuno. Twa kacita eco Jesu nca ka twaambila kucita”? Taakwe nokwakali luzibo.

²⁰² Andi mwaambile cintu cimwi. Ndi lizyi eci cili aa teepu, pele nceeci caboola, nekuba. Amuswiilile. Njo mwaambila cintu cimwi. Alo mause. Bantu basola ku. . .Ta ndina syoma kuti Muuya Uusalala wakali “kuzungaana.” Ta ndina syoma kuti Muuya Uusalala wakali “citondezyo ca kwaambaula mu myaambo, na kulila, na koongolola.” Kwalo oko nkunyanyamukwa kwa kulimvwa. Nda syoma kuti Muuya Uusalala inga wacita eco. Pele Muuya Uusalala Mbuleza bwaba mu cilawo. Nda syoma nkamu mpati ya bantu abo bataminina kuti bajisi Muuya Uusalala kuti tabazi cintu comwe kujatikizya Nguwo. Uala swaana Leza. Buti? I Buzuba bwa Pentekoste!

²⁰³ Ba laamba eno, mbuli ba Baptisti sunu, ba Presbyteria a ba Methodisti.

Nda kabuzya, “Sena ula syoma kuti uujisi . . .”

²⁰⁴ “Oh, iiyi, tula Uu zumina, ku lusyomo.” Ku lusyomo, taakwe cintu! Oyo tauli Nguwo. Oko nkunyanyamukwa.

²⁰⁵ Mula botelwa kubona mabbililo aazuba. Mula ima a kulangilila zuba kalibbila, elyo mwalila, a misozi kiimbulumuka. Oyo tali Leza. Oko nkulimvwa, kuzwa ku cintu cimwi eco cili muli nduwe. Mula mvwa muntu umwi kuti ulaciswa, na muntu umbi kafwa, nywebo mula ongolola a kulila. Oyo tali Leza. Oko nkunyanyamukwa kwa buntu. Mbobuti Leza . . .

²⁰⁶ Nda kabona bantu mu cisobano ca bbola, bala kkomana loko cakuti inga ba mamauna milomo yabo, zintu zyoonse zimbi. Muta ndaambili.

Tu yandika lubukuluso, lufutuko. Elyo ba Pentekoste bala boola koonse, kubamba bantu kunyanyamukwa, a ku baambila,

“Cindi baamba mu myaambo, ba jisi Muuya Uusalala.” Elyo bamwi babo bala pona misyobo yoonse ya buumi, kwamana.

Koswiilila, mukwesu. Ku Buzuba bwa Pentekoste, tii cakali boobo. Taakwe noba kayaamina ku myaambo iili yoonse na kufumbwa cintu. Kuciindi nobakali kuya, kabaimvwi mu busena bomwe, mu kuzuminana komwe, Leza wakaseluka, mubwini, aakati kabo. Ba kabona, aali umwi aumwi wabo, tubeela twa Mulilo, kutandila mbuli *obu*, katulengelela aatala lya mutwe wabo. Leza wakaliko. Tii cakali, “Kuutambula ku lusyomo, na kunyanyamukwa kumwi.” Ba kazuzigwa a Muuya Uusalala, elyo mpawo bakazwa a katalika kwaamba a myaambo. Pele, kusaanguna, baka swaana Leza.

Elyo nde penzi sunu. Bantu banyanyamukwa buyo a kubotelwa, kulimvwa, nkabela tauli Muuya Uusalala. I Muuya Uusalala Mbuleza bwaba mu cilawo. Majwi aako aba Majwi Aakwe. Andi mwaambile, eco nco tubulide sunu, nkwiitwa.

²⁰⁷ Bantu bala njila, banakazi mbuli obo, bala njila, kwaamba a myaambo, kujoka kuzwa. Nkabela ulainka ku masena abo oko nkoba jisi mabungano abo . . .

²⁰⁸ Nda lombonzya Billy naali kkede awa. Nda kwazwaa kutambula lugwalo kuzwa ku musanza kuya ku busena bumwi, buzuba bumwi, oko mwanakazi nkwakati, “Ndi zulilwa kumwi, kupati,” kabunga kapati maningi kaba Pentekoste, kabunga kapati ka trinitaria. Ba kati, “Boonse banakazi besu, Mukwesu Branham, boonse bala gela masusu abo. Nda kajisi masusu malamfu aasiya.” Waa kati, “Nda kaci yanda lyoonse, nkambo Nda kali ku cisyoma kuti cakali ca Mwami.” Kati, “Kwiina ninda kalipenta. Mbungano yesu ilayiisya eco kuti nciyanza cakaindi.” Kati, “Bala ndaambila, cindi ni Nda kajisi masusu aangu kaavungidwe mu ciimo ca mucila, ku sule, kati, ‘Kolanga koonse, ujisi tayela liponcede kusule lya mutwe wako,’ a koonse mbuli oko. Kati, ‘Ubwezede tayela liponcede, liponcede kusule lya mutwe wako.’” Elyo wakati, “Kumalekelo, mulumi wangu wakati, ‘Nkaambonzi togeli masusu ako a kuba mbuli bamwi babo.’”

Lino Ndi jisi lugwalo lujoka kuli nguwe.

Waa kati, “Sa cili boobo? Nda kamvwa imwi ya mateepu aako, kuti lubapatizyo lwa Bunakristo muu Zina lya Jesu Kristo.” Lino, nywebo mulizi eco ncakali kuyo jana. Mula cita na? [Mbunga yaamba, “Ameni.”—Mul.] Waa kati, “Ko ndaambila, Mukwesu Branham. Ndi fwide nzala. Ndi yanda kuziyiba eco nce Nda kacita.”

²⁰⁹ Ndi yoamba, “Mause ku mwaalumi wako oyo wakawa. Elyo nkamu eyo mbyaabi eyo njokomba ayo, kozwa aakati kabo.” Ncibotu. Leza takonzyi kucinca. Cindi Leza aamba kufumbwa cintu, Uu pandulula ncico. Ta ndikwe makani obo bakambusi bakawa mbobali banji bayanda kulimvwanya, kuti

bajane kabunga kapati na nkamu. Tu yandika basilufutuko. Baalumi abo bayoima a kulekela banakazi babo kucita eci, Ndi jisi kaanzambwe kaniini mu luzibo lwanu lwakuba Banakristo. Ncibotu. Amusanduke, kwataba obo mwanyoonyooka! Ma, bubotu!

²¹⁰ Bala njila mbuli obo, kunjila mambungano, mambunga aa Pentekoste, kujoka kubusena a ku tacinca nokuceya; kabali cintu nciconya, kuteenda nokuceya. Oh, luse. Ino ncinzi? Ba Jezebele basunu. Kuli buyo mwanakazi omwe mu Bbaibbele oyo wakasola kupenta busyu bwakwe, nkabela Leza waka musanizya ku babwa. Ba Jezebele basunu kaba kwenkelesya ba Ahabu babo koonse cakwaangila, kufumbwa mwaalumi uukopeme aniini uyo lekela mukaintu wakwe kucita mbuli obo, kusama tubbudula a zintu, akuya ku busena awa mu kagwagwa a kusama madressi aaboneka mbuli zisani zijata mbuli tulukwe tujata loko mbuli eco. Elyo kwiinka... Ta ndaambi eco kuba ca kusekaseka. Obu tabuli busena bwazy kusekaseka. Eli ndi Ijwi lya Leza. Cili masimpe. Ncibotu. Uleenda kunselelo mu kagwagwa, kasamide dressi lijisi, loko, kusikila takonzyi kweenda. Mpawo, mwaalumi umwi wakanana kujatikizya nguwe, nkabela uyanda ku mulwana. Yebo uyandika mwebo wako kuumwa lubayi, mbo mbubo, ku mulekela kucicita. Ci tondezya eco nco pangidwe aaco. Obo mbombubo ncobeni.

²¹¹ Eco nco tuyandika ngu Makani mabotu. Leza, kobusya muntu umwi aa cilawo oyo ujokede ncobeni ku Ijwi. Leza wakati tacili cabulemu akwalo ku mwanakazi akwalo kuboora ku cikombelo a kukomba kageledwe masusu aakwe. Elyo mwanakazi oyo uugela masusu aakwe, ngu... mwaalumi ulijisi nguzu zilondokede kujana cilekanino kuzwa kuli nguwe. Ngu mwanakazi ubaukide. I Bbaibbele lyakaamba obo. Uli ubaukide ku mulumi wakwe. Antela ta cizyi. Kufumbwa mwanakazi oyo uyoosama tubbudula uli ubaukide. Antela inga tacizyi. Mulindu, Ta ndi soli ku kucisa. Ndi sola ku kuvuna kuzwa ku ziba lya mulilo, a gehena. Koempwa!

²¹² “Oh,” yebo wati, “Ndi jisi Muuya Uusalala.” Nkokuti koli lemeka mbuli obo, a Leza waba mu cilawo muli nduwe, nguonya Leza oyo wakakwaambila kutacicita?

²¹³ “Oh,” yebo wati, “Nda kaamba mu myaambo.” Nda kabona badyabolosi kabaamba mu myaambo. Nda kabona, mu Africa, kabanywa bulowa kuzwa ku kapoompo ka mutwe wabuntu, a kwaamba mu myaambo a kwiitila kuli dyabulosi. Nda kali muzilabba zya balozi a basimabibo, oko nko ba kaambaula mu myaambo a kuupandulula. Nda kabona mapenso kaabikkidwe aa tafule a kulemba mu myaambo iitazizilwe, nkabela muntu waboola alimwi, kuu pandulula. Cakali bwini. Muta ndaambili zya myaambo. Tuli jisi kunji kwa ceeco eno.

Nekubaboobo, Nda syoma kuti Leza uli jisi mwaambo uutazizilwe. Nda syoma kuti Leza ulaambaula mu myaambo iitazizilwe, pele uta yaamini kuli eco. Paulo wakati, “Nekubakuti Nda amba a mwaambo wa bantu a Baangelo, elyo ka nditakwe Muuya Uusalala, Ta ndili cintu akwalo. Nekubakuti Nda konzya kuzyula malundu. . .”

²¹⁴ Bantu banji basola kwaamba kuti, “Oh, *oyu* muntu mupati wa Leza. Mweelede kubona maleele mapati.” Baa, badyabulosi bala ponya. . .

Badyabulosi balaunka ku masena a kucita zintu mbuli ezyo. Ndi lizi balozi abo baunka ku masena, a zintu mbuli eco, kalyaangide kasila mbuli *obo*. Bala bikka mali mukati. Ula nonkola masusu kuzwa ku makosi aakwe, ulazinga mu bulowa a kwasowela mukati. Elyo balo bantu mbantu basyomeka, bala syoma. Tali muntu oyo. Mbabo kabasyoma kuti baswena kuli Leza, kwiinda mu mulozi.

²¹⁵ Sa Jesu ta kaamba, “Banji bayo boola kuli Ndime mu buzuba obo, a kwaamba, ‘Nda kajisi miswaangano mipati yakuponya?’? Eco tacili citondezyo. Ncitondezyo cakuti tuli ku mamano. Sa Jesu ta kaamba, muli Matayo capita 24, kutandila kampango ka 24, akalo, 24:24? Elyo Wa kati, “Basinsimi babeji bayo buka mu mazuba aku mamano a kutondezya zitondezyo zipati cakuti inga bayo cenga mbabonya Basale ikuti nokwali kukonzeka.” Pele Basale baimvwi aa Ijwi. Ba lizyi citondezyo ca bwini mbocibede.

²¹⁶ Mbobuti muntu mbwakonzya, oyo uucita zintu ezyo, kakaka Lusyomo lwa Leza, kaamba kuti musinsimi uuzwa ku Mwami? Mbobuti mu nyika muntu mbwakonzya?

Inga kanooli musinsimi, mbuli baabo ku musanza kuya mu ziindi zya Ahabu a Josefati, cindi Mikaya nakaima. Pele bakali jisi omwe ku musanza kuya oyo wakaima aa Ijwi, Eliya. I Ijwi lya Mwami lyakali lembedwe, kuti Ahabu uyo sika mu magolelo aakwe, nkabela cilengaano ca Eliya cakali aceeco.

²¹⁷ Elyo kufumbwa muntu, kufumbwa muntu oyo uliita mwini kuba simuuya na musinsimi, ulazumina kuti Ijwi lyoonse lya *Eci* mbwini. Mbobuti mbwa konzya kuba muna trinitaria? Mbobuti mbwa konzya ku bapatizigwa mu zina lya “Taata, Mwana, a Muuya Uusalala,” a kwaamba kuti ulinanikidwe a Muuya? Mbobuti mbwanga wayiisya bantu bulubizi obo, nkabela ko cinanikidwe a Muuya? Ta cikonzyi kucitwa. Nciimo citakonzeki.

²¹⁸ Ndi lamwisya kuti eco tacili campuwo. Pele tatu yandi ku ba basimpuwo. Mu yanda kuba basyomeka.

Lino, Zezebele a ba Ahabu. Iiyi, munene.

²¹⁹ Nkaambonzi, nkaambonzi nco bacicita? Nkaambonzi balo banakazi ncobacita, masusu abo kaageledwe, a kulipenta, akuunka ku masena a kusama tubbudula cindi baalumi

nobali mukwiinda mpawo, a zintu mbuli eco, baalumi babo bala cicita? Nkaambo taba jisi musinsimi wakasimpe mu cikambaukilo cabo, ku baambila Bwini. Bala baambila, “Ee, taakwe lwandaano. Eco cili kabotu. Nywebo ta mweelede kucita eco.” Nywebo!

220 Ndi Ijwi lya Mwami. I Bbaibbele yakati, “Kufumbwa mwanakazi uyo uyoosama cikobela ca mwaalumi ncisesemyo ku busyu bwa Leza.” Leza tacinci. Mbobuti Mbwa konzya kucinca kacili Leza? Walo tagoli.

221 Ba yandika musinsimi wakasimpe oyo uubambila kuti eco ncitondezyo ca mamanino. I Bbaibbele lyakati inga bayo cicita. Isaya, capita 5, kati banakazi bayo cita eco mu mazuba aa mamanino. Mbombubo. Aboobo, mbaabo we.

222 Pele baamba kuti bajisi musinsimi mu cikambaukilo, uyoowa Ijwi lya Leza. Kutali. . . Uyoowa mbunga.

Atu kombe kuli Leza kuti atutumine Mumuni wa ncaalizi, yalo Mimuni yaku mangolezya, kutu tumina umwi oyo Ngwa kasyomezya kucita, ku Mbungano yaka salwa, oyo uyo baambila eco cili Bwini, kwiima aa Ijwi lya Leza. Kulekela ba Jezebele a ba Ahabu, mpawo bayo bandaanya. Obo mbombubo.

223 Amuyeeye cindi banakazi batalika kulilemeka mbuli obo. Lino amu jokele ntaamo niini, cindi niba katalika kugela masusu abo a kulilemeka mbuli obo. Cindi banakazi batalika kulilemeka obo, nku ciindi eco a cindiceelede kuti Eliya mu mazuba aa mamanino uleelede kulibonya aa cilawo kajisi citondezyo caku ciindi ca mamanino, kajisi citondezyo caku ciindi ca mamanino mbuli mbo cakabede mu mazuba akwa Lota. Mwabona? I citondezyo ca ciindi camamanino; cindi banakazi batalika kulilemeka mbuli obo. Bala lilemeka mbuli obo eno. Nku ciindi eco kuti Elisha uleelede kulibonya a cilawo, kulibambila a kwiita, kutapatila a kumwaila ansi, ncibotu, a citondezyo ca Leza kunze lyakwe, ka zumanana kweenda. Ta kainki kwiita nkamu mpati eno. I Bbaibbele lyakati, “Utayoowi, o katanga kaniini, nduyando lubotu lwa Taata wako ku mupa Bwami.” Mbo mbo. Eco cili luleme ncobeni.

224 Ule elede kukakwa kuli boonse cita katanga kaniini, nkambo uli mbuli Eliya a bakwe bali zyuulu zili ciloba, a Johane a katanga kakwe kaniini. Iyi.

225 Mwabona awo mpo twiimvwi sunu? Tweelede kujoka ku Pentekoste ntaanzi. Tweelede kujoka ku zintu zya Leza. Tweelede kujoka. Mukwesu, mucizi, uta cengwi mu luzibo lwako. Tuli—tuli mukulindila oora eelyo.

226 Muta bwezi buyo, “Nda—Nda syoma oobo. Nda syoma, ku lusyomo Nda Ci tambula.” Muta citi eco. Amu swaangane Leza, ku busyu a busyu, nkabela muzuzigwa a Muuya, elyo mpawo amu langilile eco cicitika. Elyo ikuti muuya oyo uuli muli ndinywe uliimpene ku Ijwi eeli, mpawo amuusiye muuya oyo

ulikke. Amu jane . . . Amukombe kuli Leza kuti amupe Muuya, mpawo.

227 Cindi Muuya ooyu wabuka mu buzuba bwa mamanino, Uyo ba lucenjezyo kuli mbabo, balo abo babeji. Mwabona? Nkaambo, Johane wakati, “Muta yeeyi a kwaamba muli lwanu kuti swebo, kuti muli ‘jisi Abrahamu kuba taata wesu.’” Tu li jisi . . . Tuli . . .

“Swebo, ba matata besu bakali ba Methodisti, Baptisti, Presbyteria, na Pentekoste.” Muta yeeyi kwaamba, nywebo, “Leza,” alimwi muli bana kuli Abrahamu, nkambo Leza ulakonzya kubusya mabwe aya kuba bana ba Abrahamu. Muta yeeyi nkaambo muli ba Pentekoste, kuti muyo lekwa. Kwiina nokuceya. Leza ulakonzya kubusya mabwe aya kuba bana ba Abrahamu. Eco cili luleme ncobeni. Iiyi, munene.

228 Koamba buyo Ijwi lya Leza, ciimo cabwini bwa buzuba bwa mamanino, cisinsimi cakwe mbocibede.

229 Ikuti na . . . mwandilekela buyo kucebuka awa kwa kaindi buyo kaniini, andi mutondezyo buyo nzila mbo tukonzya kuziba. Ndi jisi Magwalo manji aalembedwe aapepa awa. Ndali kwaamba buyo kuli ngawo. Ndi yanda kubala amwi kuli ndinywe. Kuzwa, atu, lutaanzi, atu bweze . . . Atu bweze Deuteronomo, capita 18, elyo tuyo ziba, kwakaindi kaniini buyo. Kutegwa buyo, katutana kujala awa, kuteeti Ndi konzye kubala Lugwalo olu kuli ndinywe. Mu Deuteronomo, capita 18, ncibotu, elyo atu bone. I kampango ka 20 ika capita 18, Deoturomono, 20.

Pele musinsimi, oyu uyoamba ijwi mubuyo mu zina lyangu, oyo ngo Nda talailila ku kanana, na oyo uyoamba mu zina lya tuleza tumbi (tunji), kwalo oyo musinsimi uyoofwa.

Mbo mbubo. Kunyonyooka cakumuuya. Ncibotu. “I buntu obo bubisya, buyo fwa.” Tu jisi Leza omwe, kutali “Baleza.”

Elyo ikuti na mwaamba mu moyo wanu, Mbobuti mbo tuyo ziba ijwi eelyo MWAMI ndya . . . indya tamba?

“Mbobuti mbo tuyoziba? Kuyooba banji loko babo, mbobuti mbo tuyooziba? Oyu umwi waamba *eco*, aumbi waamba *eci*; umwi waamba *eci*, alimwi umbi umwi waamba *eco*, azimwi zimbi.” Lino amulangilile. Tu lizi.

Cindi musinsimi aamba mu zina lya MWAMI, ikuti na cintu tacitobeli, na kutacitika, eco nce cintu MWAMI nca taamba, pele musinsimi waamba cakulisumpula buyo: nywebo mu taka muyoowi.

230 Ikuti na Leza ta kacaamba, nkokuti muta ciyoowi. Ci, cili kabotu, kamu zumanana a kuluba makani aco. Mwabona?

231 Lino amulange kuli eco ncotumvwa sunu. Kansiyansiya ka Baapostolo, kansiyansiya ka Methodisti, kansiyansiya ka Baptisti, kansiyansiya ka Pentekoste, kansiyansiya, kansiyansiya, kansiyansiya. Ino kansiyansiya ninzi? Ino tuka

jana kuli? Nda zundikizya muntu uuli oonse ku nditondezya Kansiyansiya ka Baapostolo mu Bbaibbele. Nda syoma taakwe cintu cili boobo.

Ikuti na baapostolo baka jisi kansiyansiya kali koonse ako nkeba kasola kujatilila, nkaaka mbokabede: “Amusanduke umwi aumwi wanu, a kubapatizigwa mu Zina Iya Jesu Kristo kuti mujatilwe zibi zyanu, elyo muyo tambula cipego ca Muuya Uusalala. Nkambo cisyomezyo cili kuli ndinywe.”

Sena tamu boni awo mpo tubede, beenzuma? Tuli mu ciimo cibyaabi. Ino ncinzi? I citondezyo ca kasimpe eco citamvwugwi.

²³² Lino, nywebo muli baalumi a banakazi, bunji bwanu, alimwi muli bana ba Leza. Muta kakilwi kucimvwisya. Amuyeeye tweelede kuba a zintu eezi. Zyeedele kucitika mu buzuba bunu, mu oora eelyo ndyo tupona mo. Eli ndi oora, kakutanaba buyo Kuboola kwa Mesiya, kuno kweelede kuba kwaambilizya kwa kuboola kuzwa kuli Leza.

Andi mubalile eco. Atu joke kuli Malaki. Ndyama manino a Cizuminano Cakale, nkabela amuswiilile eco Nca amba awa muli Malaki. Mpawo tuli... Amuswiilile kuli eci kwakaindi kaniini.

Lino, ikuti na mwabona, Malaki 3, kayaamba kuti Jesu wakaamba kuboola kwa Johane.

Amubone, Njo tuma mutumwa wangu, elyo uyobamba nzila kumbele lyangu: alimwi Mwami, oyo ngo muyandaula, uyo yutulila ku tempele lyakwe, walo mutumwa wa cizuminano, oyo no mubotelwa mo: amubone, uyo boola, mbwaamba MWAMI wa makamu.

²³³ Oyo wakali Johane, kaambilizya kuboola kwa Jesu. Elyo Wa kaboola ku tempele, mbubonya obo Mbwa kaamba, Mutumwa wa cizuminano, Angelo wa kali aa... mu nkanda aa i-mu nkanda aa i—aa basikwiiya, na aa ba Israyeli. Sena mula syoma kuti Wa kali Mutumwa oyo? [Mbunga yaamba, “Ameni.”—Mul.] “Ee,” Wa kati, “Nda kazwa kwa Leza, alimwi Ndi yakuli Leza.”

²³⁴ Lino, nkaambonzi Paulo nca kapegwa bulwazi? Kuti amu zwidilizye mu mulimo.

Nakamana kufwa Jesu, a ku zikwa, a kubuka alubo; kwiinde ciindi cilamfu, Paulo waka Mu swaana, busyu ku busyu, mu mugwagwa kuya ku Damasko. (Wa kati, “Nda kazwa kwa Leza, alimwi Njo kela kuli Leza.”) Paulo waka lungumana. Kwakali Mumuni mupati kuya, oyo nguonya Musumpululu wa Mulilo. Sena mulizi eco nce Ndili mukwaambaula? [Mbunga yaamba, “Ameni.”—Mul.] I nguonya Musumpululu wa Mulilo. Nkabela Paulo wa kaambaula kuli Nguwe, elyo Wa kavwiila Paulo. I bantu tii baka Mu mvwa. Tii baka Mu mvwa. Pele Paulo waka Mu mvwa. Wa kati, “Saulo, Saulo, nkaambonzi nco Ndi penzya?”

Wa kati, “Nduweni Yebo, Mwami?”

235 Wa kati, “Ndime Jesu. Lino kobuka a kuya mu kagwagwa kategwa Uusuumene. Kuyo kwaambila kuzwa awo. Ndi jisi musinsimi uboola kutala kuzo kwaambila eco cakucita, nywebo mwabona. Elyo mbobuti ku . . .”

236 Paulo wakeenda kunselelo, waka bapatizigwa, a kwiita ku Mwami, katambula Muuya Uusalala.

Elyo Paulo wakati, “Ndi jisi cisongozyo mu mubili wangu, eco caka pegwa kuli ndime, dyabulosi, mutumwa wa dyabulosi, oyu wakandi *dinkaula*,” mbuli obo, “luumo a luumo.” Wa kali kunga waba kabotu, alimwi mpawo camujata, muuma alimwi. Kati, “Nda kabuzya Mwami ziindi zyotatwe, kuti acigwisye kuli ndime, pele Mwami wakati, ‘Paulo, Luzyalo lwangu lulazulila.’” Mpawo wakati, “Kutegwa Ndi tali sumpuli ku makani aa kuvula kwa ciyubunuzyo.”

Wa kajisi kunji, ku ciyubunuzyo, kwiinda Petro, Jakobo, Johane, na kufumbwa wabo. Wa ka Mu bona nakamana Ku unka kwa myaka yobile, na kwiinda, kaimvwi mu Musumpululu wa Mulilo, kaambaula kuli nguwe. Nkunji maningi buti sunu, myaka iili zyuulu zyobile, alimwi Uci pona! Ameni.

237 Kati, “Kwa kapegwa kuli ndime, kutegwa ndi tali sumpuli aatala, kwaamba, ‘Lino, mukwesu, Nda mwiinda nyoonse. Mwabona? Nda—Nda ka Mu bona naka Ma na kubuka kuzwa ku bafu, elyo Nda kaambaula kuli Nguwe. Ndi . . .’ Kutegwa Ndi tali sumpuli aatala kuya, kwa kapegwa cintu cimwi kuli ndime, ku ndibamba kulibombya.” Inzya.

238 Wa kali umwi waka baambila kuti babapatizigwe alimwi, alubo, mu Zina lya Jesu. Kati, “Ikuti na Angelo kuzwa ku Julu . . .”

239 Wa kati, “Tii ndakainka ku zikolo zyabo, kufumbwa ku masena nkoba kabede.” Kati “Tii ndakainka kutala ku Jerusalema ndyoonya buyo, alimwi kwali a myaka iili kkumi ayone.” Kati, “Nda kainka ku musanza mu Egepita, ku musanza mu Asia ku musanza kuya.” Nkabela wa kabuzya Mwami, wakali ku musanza kuya kutandila myaka yotatwe, kaiya Cizuminano Cakale, kubona kuti coonse cili kozyenye. Cindi na kajoka, mu myaka iili kkumi ayone yakacilila, kaswaana Petro a bamwi, nkabela bakajisi Makani mabotu aakozyenye, kaba bapatizya nzila njiyonya, a kucita cintu nciconya. Ameni. Wa kali cizyi kuti cakali luzi. Iiyi, munene.

240 Amuswiilile kuli Malaki eno, okuno, Malaki 3. Lino, ikuti mwa konzya, andi salazye buyo eci kuli ndinywe, Nda syoma. Atu jule mu butete ncobeni eno kuli Matayo capita 11. A kubona na Ndi . . . Ndi cijisi eci cilubide antela. Ndi yeeya kuti Nda cijana. Antela inga ndalanga lutaanzi ku cibona. Matayo 11. Atu bone. Kotalikila aa:

Elyo caka citika, cindi Jesu naka mana ku lailila kwakwe kuli basikwiya bakwe, wa kazwa kuyo yiisia a ku kambauka mu miinzi yabo.

Elyo . . . Lino cindi Johane . . . kamvwa kuti wa kali . . . mu ntolongo milimo ya Kristo, wa . . . ntolongo milimo ya Kristo, wa katuma bobile basikwiya bakwe,

Elyo wakati kuli nguwe, Sa yebo ndo nduwe weelede kuboola, naka tucilangila umbi?

Meso aa sikwaze a Johane akaba aagubilili, kunselelo kuya mu ntolongo. Mwabona?

Jesu wakavwa a kwaamba kuli nguwe, Koya . . . katondezye Johane alimwi zintu eezi yebo nzo . . . mvwa a kubona:

“Johane wakali musimsimi. Elyo ikuti na uyo—uyo mvwa eci, eco cili mukucitika, uyoziba kuti Ndime Ni.” Mwabona? Wa kati:

I boofu bala tambula kubona kwabo, . . . balema baleenda, bazinsenda bala salazigwa, . . . basinkematwi bala mvwa, a bafu bala busigwa, . . .

“Elyo toonse tubungwe tuli antoomwe”? Ta lyambi mbuli obo, mbolyamba na? [Mbunga yaamba, “Peepe.”—Mul.] Peepe. Ta lyaambi. Lya kati:

. . . balema baleenda, bazinsenda bala salazigwa, . . . basinkematwi bala mvwa, a bafu bala busigwa, a bacete bali jisi makani mabotu ku kambauka kuli mbabo.

Nceeco citondezyo. Amulangilile. “Elyo mbo bakazwa buyo . . .”

Elyo ula coolwe oyo, i walo uuta . . . lebwi muli ndime.

Lino amulangilile. “Ula coolwe oyo i walo uuta lebwi muli Ndime,” mu majwi aambi, na “kufwabweeme’ kuli Ndime. Ula coolwe oyo walo uuta kafwabweeme kuli Ndime.” Mwabona?

. . . mbo bakazwa buyo, Jesu wakatalika kwaambila nkamu kujatikizya Johane, Ino mwakainkila kubona nzi mu nkanda?

Amulangilile musinsimi oyu eno.

. . . Ino mwakainkila kubona nzi imu nkanda? I tete kali pekema ku muuwo na?

Kutali Johane. Oh, peepe. “Nywebo no bana banzoka mu bwizu,” wa kati ku tubungwe twalo, “nguni wa mucenjezya kucija kuzwa ku bukali buboola? Muta taliki kwaamba, “Tu zulilwa kuli eyi a eyo, nkaambo Leza ulakonzya kubusya mabwe aya kuba bana.” Oh, mukwesu, tee lyakali tete kali pekema ku muuwo, a nguwe.

. . . I tete kali pekema ku muuwo?

Na ino mwakainkila kubona nzi? I muntu kasamide mu zikobela ziteteete? (Wa kacita kucinca zisani zyakwe ziindi zyobile na zyoatatwe kuciindi na kambauka?) amubone, balo abo basama zikobela ziteteete, zisani zili mu maanda aa mwaami.

Mbakutausi abo bainka ku masena a kumyonta tuvwanda, nywebo mulizi, alimwi—alimwi kukwatya bakubusyi, alimwi—alimwi baunka ku cikolo a kubamba mibandi ya bupampu, alimwi, nywebo mulizi, zintu ezi zyoonse zikompeme. Mwabona? Mwabona? Taakwe naka zumbaanya panga lijatwa aa maanza obile a busena awa ku munyinza wa mpi. “Ino mwakainkila kubona nzi, mulombwana umwi mbuli oyo?” Ee, Uli muku babuzya.

Pele ino nywebo mwakainkila...ku bona nzi? I musinsimi? (Amuswiilile.) inzya, alimwi Nda mwaambula, a kwiindilila musinsimi.

Iiyi, munene. Ino wakali nzi? “Kaamba ngu ‘kwiindilila musinsimi?’” Wa kali musinsimi, a kwiindilila. Wa kali mutumwa wa bukkalo obo.

. . . ino mwakainkala kubona nzi kutala? I musinsimi? inzya, Nda mwaambila, a kwiindilila musinsimi.

Nkambo oyu ngo nguwe, . . . walo uulembedwe, Amubone, Nda tuma mutumwa wangu kumbele lya busyu bwangu, . . . ku bamba i nzila kumbele lyangu.

Amulange awa muli Malaki 3. “Amubone, Nda tuma mutumwa Wangu kumbele lya busyu Bwangu.”

²⁴¹ Amulangilile. Lino, Malaki 4, andi bale eci. Uyo boola alimwi.

. . . amubone, buzuba bula boola, obo buyoopya mbuli ceengelo; alimwi boonse balisumpula, inzya, . . .

²⁴² Eelyo ndi sunu. Ndi leenda kunselelo lya kagwagwa a kubona bantu aba. Inga wa kanana kuli mbabo, nkabela bala kuseka, ku kufubaazya. Ndi yeeya kuti, ino ncinzi? I buzuba bumwi, Nda kali kweenda ambali, kunselelo, kumbali lyankamu ya mayake azungulikidwe tugwagwa tone kunselelo awa. Nda kali kwaambaula ku bantu bamwi, nkabela ba kaamba buyo “oh,” kazumanana kweenda.

Cintu cimwi cakaamba buyo kuli ndime, “Nzi sanizyo zya atomiki, calino kuba itwe limwaikide aansi. Ko baleka balikke. Wa kaamba luumuno lwako. Ko libambila a kuzwa awa.” Aleluya! Nda keelede kutaamba eco, Nda yeeyela. “Ko limbambila. Kolyaanga lutambo mu cikungu cako. Nda kwiita.” Ako nke kaambo nce Ndili ndila.

Nkambo, amubone, buzuba bula boola, obo buyoopya mbuli ceengelo; inzya, boonse balisumpula, . . . a boonse abo bacita bubyabi, bayooba mbuli makuba: . . .

Obo mbombubo mbo kuyooba. Ino ncinzi cicitika ciindi cipati...nywebo no bamwi balimi; cindi mulilo wanguzu wauma muunda wa whiiti, cindi nuuba buyo makuba? Ulaba buyo uukkede kauli nkwaalale, a twe kunze. Eco nce ciyo cita, cindi eco, cindi wa uma.

...*buzuba* bula boola obo *buyo baumpa, mbwaamba MWAMI wa makamu, nkabela tabu kasiyi muyanda naa mutabi.*

Taakwe cintu ciyo syaala ca mbabo.

Pele kuli abo bayoowa zina lyangu Zuba lya bululami liyo pasuka a kponya mu mababa aalyo;...nywebo muyo unka, a kukumena mbuli boombe mu cimpatu. (Eyo ngu Mileniamu.)

Elyo nywebo muyo lyataula babi; nkambo ba yooba itwe kungsi lya mauulu aa matende aanu mu buzuba obo mbo Ndi yo cita eci, mbwaamba MWAMI wa makamu.

Kuzwa, mu Mileniamu. "I itwe lya babi."

Amuyeeye...mulao wa Musa mulanda wangu, oyo ngo Nda kalailila...walo mu Horebu waba Israyeli boonse, mbuli i mulazyo a mbeta.

Lino, amuswiilile kabotu eno.

Amubone, Nzo tuma kuli ndinywe Eliya musinsimi kakutanaba kuboola kwa obo buzuba bupati a buyoosya bwa MWAMI:

²⁴³ Lino, oyo inga nata kaba Johane. Inga na takaba, nkaambo inyika niya kanyonyoonwa kale ku ciindi eco. Pele awa Wa Kati, muli Matayo 3, Ula tuma mutumwa kumbele Lyakwe. Elyo Jesu wakati, "Oyo wakali Eliya wa keelede kusika, kubamba nzila kumbele Lyangu."

"Pele atomiki bboomu eyi mpati kaitana uma, Njo mu tumina Eliya musinsimi."

Elyo uyo sandula myoyo ya matata kuya ku bana, alimwi myoyo ya bana i kuya ku matata, kuti Nta siki a kuzoumya nyika lutuko.

²⁴⁴ Cisinsimi, mu buzuba bunu.

Pele eno yebo waamba, "Oh, oyo Eliya, oyo wakali Johane." I mutumwa wa cizuminino wa kali Johane, cancobeni. Obo mbwini ncobeni. Jesu waamba obo, a kucitondezya mpoonya awa, "Oyo ngo umwi ngo Nda kaamba." Pele, nywebo mwabona, takakonzya kuba Eliya wa keelede kuboola. Mwabona? Inga na takaba. Nkambo, nywebo mwabona, ikuti nakaba, mpawo cisinsimi ni cakali kunga cili lubide; i nyika tii yaka nyonyoonwa kaindi kuya. Mwabona? "Pele kakutanaba buzuba bupati a buyoosya bwa Mwami kuboola, Njo mutumina Eliya. Elyo uyo boozeyya," amulange kuboola Kwakwe kutaanzi, "myoyo

ya matata kuya ku bana.” Eco ncecico Nca kacita, lutaanzi, kaleta mulumbe wa bubanze bupya, kuboola kwa Kristo eno, kugwisya matata aakaindi aa orthodoxisi kuzwa ku lusyomo olo lwa orthodoxisi, ku njila mu lusyomo lupya olo lwakazwaa kuzyalwa.

Mpawo cindi A boola ciindi cabili, “Elyo myoyo ya bana kujoka ku matata aa pentekoste, Mulumbe mutaanzi.”

²⁴⁵ Lino amusike awa ku Ciyubunuzyo 3, elyo muyo cibona mpoonya awo alimwi. Aboobo, cakasinsimwa. Tuli ku ciindi caku mamanino, mukwesu wangu. Mbo mbubo.

²⁴⁶ Mbuli basinsimi bali myaanda yone kabazundana a Mikaya, ba kati tuli. . . Tuli mu buzuba obo bwa mamanino, tu lizi. Musinsimi wa bubeji, yotondezya zitondezyo zya bubeji, kunjila tubungwe. Ba lati, “Koboola a kusangana. Atu belekele antoomwe. Koboola a kusangana mbungano yesu. Koleta bumembala bwako. Tuli libambilide cifumo cino kuli nduwe kulonzya bumembala bwako kuzwa ku mbungano *eyo* kuya kuli imwi *eyi*.” Oh, bufubafuba. Ino mbubotu nzi bumembala bwako neo bucitila? Ikuti na tojisi lukono ku Julu, koluba makani ancico. Basinsimi babeji bayo tondezya zitondezyo.

²⁴⁷ Pele, amulange, basinsimi ba kasimpe, bayo kkala a Ijwi lya Leza. Zitondezyo zya kasimpe ziyo leta Ijwi lya kasimpe ilya Leza ku Mbungano ya kasimpe, elyo Mbungano ya kasimpe iyo tambula Ijwi a ku Li tangalila. Cindi katanga kaniini, ako kayo pegwa mu mazuba aa mamanino, kanooli ka syaalizi ba Bamasi, bayo zumanana mu ciimo cimbi.

²⁴⁸ Cindi Jesu nakasika, tee kwakali—kwakali pele basyoonto loko kuya abo bakasyoma. Inkamu niini ya Johane yakali imwi eyo ya kasyoma. Jesu waka babweza kuzwa awo kuyabuya, kabamba basikwiya kuzwa kuli mbabo a kuunka kuzumanana. Cindi Eliya. . .

²⁴⁹ Cindi lunyonyooko no lwakasika, cindi ca Nowa no cakasika, wa kali citondezyo, elyo wa kanjizya bantu mu bwaato. Cindi Eliya nakasika, wa kagwisya bantu kuzwa ku lupyopyongano mo bakabede. Cindi Johane nakasika. . . Boonse basinsimi bakali citondezyo, citondezyo, zitondezyo, citondezyo.

Elyo Wa katu syomezya citondezyo mu buzuba bwa mamanino. Mu mazuba aa mamamnino kuyooba citondezyo. Ncitondezyo citamvwugwi. Bantu taba konzyi ku cibona. Bala kakilwa buyo kucimvwisya, a kucilekela kuunka. Mukwesu, mucizi, utabi cizo ca mbungano. Andaambe eci, mu kujala eco.

²⁵⁰ Ikuti na ujisi luzibo lwa kunyanyamukwa kumwi, kulimvwa kumwi, uta yaamini kuli eco. Uta cicipi pe, ku bantu bako. Uli. . . Nda ambaula ku bantu. Nda bamvwa kaba tyanka teepu rekorda kusule kuya, ndyoonya buyo. Nda ambaula ku Mbungano eno. Mwabona? Amuswilile. Mu ta.

²⁵¹ Ndi laamba zintu zinji loko ziindi zimwi, mbuli ezyo, kutegwa bantu ku masena mu cisi kuya, bakkale aa Leza. Amulangilile citondezyo canu ca kasimpe. Muyo cibona. Cino muzungulukide koonse, pele bali mamilioni bayoenda moonya mumsi lyaco nkabela taba ciboni.

Cindi Jesu nakasika, tii baka Mu ziba.

Tii baka muziba Eliya. Sena mulizi nco bakaamba cindi Eliya naka kwempwa? Tii ba kasyoma bufubafuba obo. Ba kati, “Mbu fubafuba.” I bana moonya muya muli eco, muunzi wakwe wini mwaakali kukkala. Nkwakali kukkala, kali kukambaukila, kacita zitondezyo a zigambyo moonya muya mu cisi eco. Cindi ni kwa kaboola kucenjezya ku busena, “Tatu mubwene Eliya; Mwami waka mutola kujulu mu kambizi,” ba kaseka cintu cili boobo.

²⁵² Mpaawa kwa kaboola Eliya, Elisha, a zitondezyo nzizyonya aali nguwe, cikozyano ca Kristo a Mbungano Yakwe. Mpaawa kwa kaboola Eliya, mbubonya; Elisha, zitondezyo nzizyonya Eliya nzya kajisi, kuseluka ncobeni, kucita eco. Abalo bana babo baniini baka mutobela ku busena, kati, “Mutwe wakaindi walubala, nkaambonzi notainka kujulu mbuli Eliya?” Mwabona eco cakacitika ku bana abo batakwe bulemu?

Sunu bala seka a kufubaazya. Uta pengi, mukwesu, lubeta lula lengelela mu milengalenga ndyoonya eno. Kuli lembedwe ku busyu bwa bana America koonse. Mbo mbubo. Lubeta lula lengelela mu milengalenga, bukali boonse bwa Leza Singuzuyonse.

²⁵³ [Kabeela katakwecintu aa teepu—Mul.] “Basikusampaula ba baabo babotu; bajisi ciwa ca bukombi, pele bala kazya nguzu zya mbubo: koba futatila bali boobu.”

²⁵⁴ Muta bwezi kulimvwa. Muta bwezi kunyanyamukwa. Muta bwezi cintu cili coonse kusikila muswaane Leza, busyu ku busyu, a kulekela Muuya wa Leza kunjila muli ndinywe. Uyo zuzya moyo wanu a buntu aa nguzu, a luyando, a kuyandisya.

²⁵⁵ Leza, ko ndigwasya ku jana busena bwangu kutala, ku busena bumwi mu mazuba masyoonto aacilila, kuya kukkalila mane Ndi kabone ali kweenda kwangu kucilila mpo kubede.

²⁵⁶ Twa lindila kwa ciindi cilamfu. Nda lindila kwa ciindi cilamfu. Nda yeeya kandimwa bwizu mu lubuwa lwangu kaindi kuya. Cindi ni Nda kayaka ng’anda eyi kutala awa, Mwami wa kandiita. Mukaintu wangu wakalila kaambo takali kuyanda kusiya banyina. Kati, “Ndiza taka cebukwi.”

Nda kati, “Ndi jisi baama bacembeede, ambebo.”

²⁵⁷ Nda kali kkede a cuuno kuya, buzuba bumwi, kandimwa bwizu. Nda kakkala a cuuno. Kabotu buyo, Jwi lyakasika, kati, “Ko lyandaanya, mpawo Njo kuleleka.”

Nda kati, “Mwami Leza, kondi kkomanya awa. Uli bwene eco ncendi libambila ku lwana.”

258 Zintu ezyo zyoonse zili manide eno. Baama Broy bali mu Bulemu; Baama Branham, abalo.

“Ulaali mulimo wangu, Mwami?”

259 Lubeta luyo uma cisi eci, bumwi bwa mazuba aya. Kuli masi amwi ayo aatana mvwa Makani mabotu. Kuli masena.

260 Kufumbwa zintu nzomucita, muta lubi majwi aangu. Muta citi. Amulekele eci cijate. Leza kobweza cilembyo ca butale a ku cilemba mu moyo wanu, kutegwa muta kacilubi. Muta cilubi. MBUBOUBU MBWAAMBWA I MWAMI. Amujoke kuli Leza, a myoyo yanu yoonse. Amu joke. Muta soli ku yaamina ku kunyanyamukwa, kulimvwa, na kufumbwa cintu. Amu yandaule Leza a koonse oko kuli muli ndinywe, kusikila cintu cimwi cicitike kuli ndinywe, kuti muyanda ku lulamika, muyanda kuba banaleza, ka muyoowa Leza, mu—mu yanda kupona buluzi. Amucite eco. Muta cilubi, nkaambo tuli ku ciindi caku mamanino. Lino, amuyeeye, tuli ku ciindi caku mamanino.

261 Elyo amuyeeye eci, mbuli mbo Ndi jala, ku komba, mu kaindi kaniini. Muta lubi. Kondi swiilila, o cikombelo. Ikuti na teepu eyi icuunka, kondi swiilila, o nyika, ku busena nko yoounka. Kuyo buka citondezyo, citondezyo ca kasimpe. Ndiza cibukide kale nkabela tacimvwugwi, citondezyo ca kasimpe eco Leza ncapa lyoonse, eco citamvwugwi.

Atu kombe.

262 Jesu waku Nazareta, mbuli Jwi eelyo pati lya kaamba kutala buzuba obo, mvwiki zisyoonto zyainda, kandiimvwi muni, mbuli mbo Nda kali kusotoka citanda, kuzunguluka musamu, elyo oyo Muuya wa kaseluka aansu kwiinda mu mpela zya masamu a kuti, “Jesu wa Cizuminano Cipywa ngu Jehova wa Cakale.” O Leza, aa Mwaala oyu Nda ima. Masena oonse aambi misenga iibbila. Masena oonse aambi musenga uubbila.

263 Nkambo kwa myaka ikubwene iili makumi otatwe, Mwami, Nda ompolola, kwiinda ku kkuti eli kuno. Oyo Mulumbe, Ta ndina sunzuka kabeela komwe kuzwa kuli Nguwo, kuzwa oko nko Nda katalikila, nguonya buyo Mulumbe, cintu nciconya; kwiita bantu kuti bajoke, kutali ku kulimvwa, pele ku luzibo lwaku swaana Leza a kuba bazyalwa ku Muuya Wakwe. Oh, ncinzi ciyo syaala cita lubeta? Balo abo bakaka Mulumbe oyo, Mwami, kwiina cintu cisyeede.

264 Wa lizulizya loko Ijwi Lyako, ku tondezya zitondezyo zya buzuba bwa mamanino, a kutondezya kuti talikakilwi, kuti Yebo uli Leza, alimwi tuli aano. Akwalo no tumvwa bavangeli bapati mu masi sunu, boonse ka boompolola. Elyo dolopo lyesu pati lya cisi, alimwi cipangano ca zisi zimbi zili, alimwi—alimwi cakuwa kwa buyoofu. Elyo cindi no tumvwa bantu aba bapati, kulaale

mu France, kabaamba kuti kuyooba bbomba taanzi liyoowida mu Louisville, Kentucky, kwa mamaile aali myaanda ayo fumpa cisi. O Leza, bakali jisi ciindi ceelede ca kumvwa, pele tee bakazumina.

²⁶⁵ Mitende, zintu zya zikombelo, zipekupeku, maradio, a cibweza. Kwiina ntamizyo pe. Mpawo, Mwami, Yebo wakati, “Boonse abo Taata mba Ndi pa bayo boola, nkabela kwiina muntu uukonzya kuboola cita Taata wamukwela kusaanguna.”

²⁶⁶ Lino, Taata, Nda komba nkombo eyi kuli lwangu. Mpaawa mpendi, kuyabuya kuba mudaala eno, alimwi ta Ndi zyi na mazuba ongaye nge twa caazy, Mwami. Ndiza inga kattuta jisi kwasunu. Pele kufumbwa a caala, Mwami, ayo asyeede mu buumi bwangu, O Leza, cilakonzeka kuti inga Wa cibweza a kucita cintu cimwi a ncico, ku bulemu Bwako?

²⁶⁷ Nda saanguna kuli kombela, Mwami, kuti Uyo ndipa luyando Lwako. Koleka luyando Lwako lucitwe, Mwami, kufumbwa mbo cinga caba. Ndi yanda kuti ci kaambwe ku buzuba obo cindi Nda Ku kuswaana, “Ca kacitwa kabotu.” Ikuti na ncipati, na ikuti na nciniini, kufumbwa cili mu moyo Wako mupati nkambo ka buumi bwangu, Mwami, mpaawa Mpe ndi.

²⁶⁸ Kotuma Angelo uujiisi kkala lya mulilo a ku salazya milomo yesu a kutusalazya, Mwami, nkambo ka cintu cimwi ca mamano cili aafwi kuuma nyika. Atube jwi lyoompolola mu nkanda ya cibi, “Amulibambile kuswaana Leza.”

²⁶⁹ Eyi mbungano niini, bantu aba ba boola, buzuba a buzuba, a kweenzya mamaile aali myaanda. O Utamani a siluyando, a utalubi milimo; Leza wa Abrahamu, Izaka, a wa Jakobo; Oyo wakabusya Jesu kuzwa bafu, elyo eno Uli kkede ku janza lya lulyo lya Sibwami boonse uuli Kujulu; Leza wakaba mu cilawo cabuntu: koleleka bantu aba abo mbe Nda leleka mu Zina Lyako. Akube kuti bayeeya lyoonse a kuziba kuti kuli citondezyo, citondezyo ca mamano. Nda komba kuti Uyo bapa, a kubabamba kuba basikuleta ba bamwi: ku milimo yabo, kufumbwa nkobanga baba, mu tunyoneno twa tugwagwa, kubikkilwa mingwimba, na kufumbwa mbocinga caba, kupa bumboni mu zintoolo, kuli basimikupa. Kufumbwa mbocinga caba, Mwami, ikuti na cintu cimwi cacenjezya ku moyo wabo, akube kuti babe bakamboni. Akube kuti bapone maumi a bunaleza akasalazigwa boobu kusikila bakabe magwalo aalembedwe aabalwa aa bantu boonse.

²⁷⁰ Leza, koleleka banakazi besu. O Leza, Nda lombwa kuti Uyo balekela kusanzya masyu aabo, abo bata, nani i . . . eyo misila ya Jezebele yabo. Ko balekela babe acamba ca Bunakristo, a Muuya wa Leza aali mbabo, weelede, kuziba kuti tabeelede kusama zisani ezyo zitasalali ezyo nzo basama. Balekele masusu abo kulampa cakuyandilila, mbuli balindu. Nkambo kuli lembedwe mu Bbaibbele, “Nkubotu mu meso aa Mwami kuli oyo mutabi

muniini uuyoloboka ku zintu ezi zyoonse ziboola mu buzuba bwa mamanino. Ci yooba cabulemu mu meso aa Leza,” mbuli musinsimi mbwa kacisinsima. Leza, kopa eco.

²⁷¹ Takucikwe cimbi nce Ndi konzya kucita. Nda kwiila a jwi lyangu, kwa mwaka a mwaka, Mwami. Elyo cita Wa beleka eno, kwiina nce Ndi konzya kucita. Nda lombwa kuti, Uyo cita. Elyo Ndi lizi Uyo cita, nkaambo Wa kaci syomezya mu Ijwi Lyako. Elyo mpaawo mpe Ndi imvwi. Ndi konzya buyo kupa bumboni, Mwami. Elyo taakwe muntu ukonzya kuboola cita Wa mukwela; alimwi boonse abo Taata mba kandipa bayo boola. Ndi jisi kaanzambwene, kuti Ijwi Lyako liyo mamelwa. Ko tuleleka, Mwami.

²⁷² Elyo ikuti na kuli baabo ano bayaamina buyo ku kulimvwa, ndiza ba koongolola. Ndiza bali jisi Muuya Uusalala. Na, ta tweelede kubala eco, Mwami, nkaambo twa kabona bantu mu misobano ya mabbola, kabaongolola. Twa kabona bantu ku kulibotezya kwa zyanyika, kaba ongolola. Twa kabona abo kaba kkomana loko kusikila balila, kubusena bwa cibuye, kabazanya, a zintu ezyo zyoonse. Ezyo tazili Nduwe, Leza.

²⁷³ Pele ku Ku swaana a kwaambaula a Nduwe, alimwi Yebo wa vwiila, eco nco tuyanda, Mwami. Oh, Nda Ku lombwa, Leza, a ciindi eci nciconya, kuti Uyo tuma Muuya Uusalala oyo mu buyake, obu busena, muniini bubombe. Kwiina busena bweelede bwa Nguwe kuti aboole. Pele Nda lombwa, Leza, kuti, mu nzila Yako mwini, kuti Uyo Mu tuma ndyoonya eno mu buyake. Kolamya bantu.

²⁷⁴ Mbuli mbo Nda amba kaindi kainda, Mwami, ndiza Wa bikka cilebyo mu nzila ya muntu umwi, kujatikizya lwiito lwaku cipaililo, kukombelela a kulamya bantu kuunka kutala. Elyo cindi twa joka mwaka uucilila, tu bajana kuba bana ba bubili loko iba gehena kwiinda mbo bakabede ku matalikilo. Mbobuti mbo bakonzya kuboola cita Yebo wa balamya a kupa kaambo, Muuya Uusalala mupati?

²⁷⁵ Elyo Nda Ku lombwa, Mwami Leza, ikuti na oyo sizibi mwaalumi na mwanakazi, mulombe na musimbi, uuli mu buyake cifumo eci, kuti Muuya Uusalala uyo boola anguzu zya kulamya loko mane misozi kaimbulumuka ku masya abo a kusweka mu buntu bwabo, Mwami, kuti kuzwa kungsi kwa moyo wabo bayo syoma a kutambula Kristo. Ko cipa, Mwami. Taba kayandiki cipaililo. I buntu bwabo buyooba cipaililo cabo. Ko cipa, Mwami. Mpawo bayo boola camoyo uuzwide kuli Nduwe, a kwaamba, “Ndi yanda ku bapatizigwa eno mu Zina lya Jesu Kristo ku kujatilwa kwa zibi zyangu ezyo Nzi ndeempwa.” Ko cipa, Mwami. Ko bazuzya a Muuya Uusalala.

²⁷⁶ Ko tupa bavangeli mu nyika sunu, kutali abo boongelezya a ku kwela, a kubamba bana batubungwe. Leza, ko libusizya Omwini bana. Kobamba bantu, Mwami, kuti bakombe. Ndi

yeeya ng'anda ya Koneliyo. Taakwe nocaka citikide kuli Simasi, pele bakali kuliimya kulya a kukomba. Elyo cindi muntu wa Leza, oyo musinsimi, nakaima awo, "Elyo kuciindi nakali kwaamba majwi aya, Muuya Uusalala wakabawida abo bakamvwa Ijwi." Leza, kopa musyobo oyo wa muswaangano. "Kuciindi Petro nakaamba majwi." O Leza, bakali libambilide. Bakali kuliimya kulya. Bakali kulindila. Bakali sinizizye. Tee bakali buyo ba "lindila," ba kali "kulindila kusikila."

²⁷⁷ Abo baapostolo bakalindila kusikila Leza wakaseluka aakati kabo, elyo bakali kukonzya ku Mu bona a kwaambaula kuli Nguwe. Ba kazwa a myoyo eyo yakatenta nyika kuba kapapa keebeka. Ba kali acamba, nkabela bakaima aakati ka masena awo antela mpo cakaamba ku gonkwa mitwe yabo. Ba kati, "Sena cili luleme kuli ndiswe ku muswiilila, na tubunga twanu, na bantu batubungwe? Na, tweelede ku swiilila Leza na? Amu libonene." Elyo mpoonya buyo, mbo baka balekela buyo kuunka, bakaunka ku masena nkoonya a ku kambauka Zina lya Jesu Kristo alimwi. O Leza, ko tupa—ko tupa eco, Mwami.

²⁷⁸ Kobusya umwi oyu Walo ngo kanana mu Magwalo, kuli ndiswe. Ko munanika, Mwami. Nda mwiita. Ko mutuma, Mwami. O Leza, myoyo yesu ya nzala iili mukulila. Ko mutuma, Mwami, kuti uyo josya bantu ku Lusyomo lwa matata alimwi, oyo uyobagwisya kuzwa ku bantu aba beendelezegwa aa tubungwe, kunjila mu luzibo lwini a Leza, mbuli mbo bakacita ku Pentekoste, mbungano iini alimwi, kaisuka, a Mulumbe nguonya, Lusyomo ndulonya, Njiisyo njiyona, Bbaibbele ndilyonya, Leza nguonya a citondezyo nciconya. Kotu busizya musinsimi, Mwami.

²⁷⁹ Koponya balwazi aakati kesu sunu, Mwami. Kuli baabo kuno babulide. Nda bakombela, Taata. Nda lindila kwa ciindi cilamfu, kulindila cifumo cino, alimwi kuli baabo bakkede awa.

Busiku bumwi, kuciindi muapostolo Paulo nakali kukambauka busiku boonse, mwaalumi mukubusyi wakawa kuzwa ku buyake a kuli jaya mwini. Wa koono. Ta kali kuyanda obo, pele wa—wa koono. Elyo wa kawa, nkabela buumi bwakwe bwakamana. Elyo muapostolo wa kakomba, nkabela buumi bwa kajoka muli nguwe alimwi.

²⁸⁰ O Mwami Leza, kuli banji kuno abo bawa mu malwazi. Elyo kuciindi notwa lindila kulamfu kwiindilila ciindi ca kumwaisya mbunga, kuli baabo baciswa. O Leza, lekela nguzu ezyo, oyo—oyo Muuya Uusalala oyo uuboola cigaminina mu Musumpululu wa Mulilo, Oyo uulitondezya Mwini a kulizibya Mwini kuba mbuli Mbwa bedo Walo, elyo tula Mu syoma, ko Mu lekela azunguluke bantu boonse kumaninina mukati muno sunu. Koponya baciswa. Kozuzya a Muuya. Kopa lwaanguluko mu ziyanza zyoonse, Mwami, oko nko tubulide. Kozuzya myoyo yesu a lusyomo, Leza, a lusyomo lutafwiki, a lusyomo luta limvwanyi

kuti tu jisi MBUBOBU MBWAAMBA I MWAMI. Ko cipa, Mwami.

²⁸¹ Mbantu Bako, Mulumbe Wako, Ijwi Lyako, batwanga Bako. Nkabela dyabulosi tajisi bweendelezi kuli ndiswe. Ta konzyi akwalo kutu nyonyoona cindi cilawo eci ca nyonyoonwa. “Nkambo ikuti na cilawo eci canyika canyonyoonwa, tuli jisi comwe cilindila.” Ta konzyi ku tunyonganya, nkambo zintu zyoonse ezyo zili ngu sinkondo kuli ndiswe ngu sinkondo Wako, nkambo tuli Bako. Twa kaulwa a muulo, wa Bulowa buyandisi bwa Jesu.

Aboobo, nywebo no badyabulosi no mwaanga bantu aba a bulwazi, Nda mulailila, mu Zina Iya Jesu Kristo, kuti muzwe mu bantu boonse babo. Mbuli muzike wa Leza, kutaminina Ijwi eeli kuba Bwini, ko basiya. To jisi nguzu. Zintu zyoonse ezyo nzyo kasola kutaminina kuba azyo, zya kamwaigwa ku Kalivari. Nkabela to konzyi kuti kociba jisi.

²⁸² Lino, Leza, kopa mwaalumi a mwanakazi, mulombe na musimbi muno, lusyomo lwa kusyoma eco. I Ijwi Iyaambwa. “Ikuti na mwaamba ku dundu eeli, ‘Ko zyuka,’ a kuta zumbauzya mu moyo wanu.” “I kukomba kwa lusyomo kula vuna balwazi.” “Muyo tambula eco nco mwalomba.” Tu lizi eco. Tu lijisi kaanzambwene ako muli Leza. Ikuti na tuli jisi lusyomo luli loonse noluceya, ikuti na Leza ulapona muli ndiswe, tula syoma eco. Elyo Ndi lizi kuti cili boobo, Mwami. Aboobo, ko cipa, sunu, ku bulwazi a lufutuko. Na, ni Nda amba, no ndeedede kwaamba, lufutuko kusaanguna elyo mpawo bulwazi. Ko cipa, Mwami, nkambo buntu bulayandika loko kwiinda mubili.

²⁸³ Pele abo balo, ziindi zimwi, buntu bwabo bula futulwa, nkabela mubili oyu wakaindi ucili wa Saatani, nkabela ulizi kuti uyo ubweza ku ciindi ca mamanino. Uyo upwayaula a ku josya. I buuka bwa nyika buyo sobelela kunjila muli nguwo a kuulya oonse. Pele ta kakonzyi kuguma buntu obo, nkambo ndukono luyandisi ilwa Leza. Elyo kwiinda mu buumi obo, mbuli kuzwa ku tuvu, ila bweeda kuli Leza Oyo wakalipa; uyo sonsa ku ciindi cicilila, a mubili mupya oyo Saatani ngwa takonzyi kuguma. Akwalo kukomena na kufumbwa cintu cimbi tacikonzyi kusola kuuguma. Uyooba mubili wabulemu. Tu langila eco, Mwami. Kolongezya bantu Bako eno. Mbi Bako. Nkabela Nda batuula mu janza Lyako. Nda lomba eci mu Zina Iya Jesu.

[Mukwesu Neville wasinsima—Mul.] Bulemu. . .
Kulumbwe. . . [Mukwesu uumbi wasinsima.]

²⁸⁴ Eelyo talili ijwi lyangu. Eelyo ndi Ijwi Lyakwe. Oh, ino nco tu yanda, oora eli, eeli ora ndyo tupona mo! Sena tamu mvwisyi, beenzuma, kuti Leza tabooli mu zintu zipati zya mpuwo? Walo ukkala aakati ka babombe, zintu, ziniini zibombe. Nywebo ndiza tamumvwisyi eco cili mukucitika ndyoonya eno, eco ceenda mu buyake obu, eco ceenda aakati ka bantu ndyoonya eno.

285 Nkaambonzi Muuya ncoamba kuti, kufwaambana, “Ka Ndi tana kubamba cintu cili coonse,” nekuba Mukwesu Higginbotham? “Amulange Mulumbe oyu, nkambo Nda Uleta,” cintu cimwi cimbi mbuli eco, “ku mucenjezya cintu eci ciboola.” Amulange eco cakacitika.

286 Zintu zimwi, Magwalo nge Nda lembede akapepa awa, tii Nda aguma akwalo, nkabela ndazwa kulaale kuli ngawo. Nda sololelwa kuzwa kuya kwiinda ku Muuya Uusalala. Mwabona? Amwi Magwalo, tii Nda aguma akwalo. Nda asiya kuya ku cintu cimbi, antoomwe. Zindi zinji, kumvwa cintu cimwi ka ciboola, ku cebuka akuyandaula awo mpo cibede. Muuya kuwambaula mu nzila zyoone eno.

287 Oh, no bantu, amu syomeke, amu sinizye. Muta soli kuyaama ku . . . Mwabona, mula—mula ngila cintu cimwi cipya cipati a ceebeka.

Kakuli, basinsimi boonse, awalo Davida wakati, “Ku Kuboola kwa Mwami, kuti, malundu oonse inga ayooba aa cesegwa, alimwi i—alimwi masena alaansi ayo sumpulwa.” Kati, “I malundu ayo sotauka mbuli bajembwe bambelele baniini, alimwi matu oonse ayo kamba maanza awo.” Ee, ino bantu baka yeeya nzi cinga ciyooba, cindi Jesu nakusika?

Ino caka sanduka kuba nzi? I mukambausi mubombe wakaindi, waka tajisi lwiyo. Ku myaka iili fuka yakukomena, wakainka mu nkanda, kutali kuyo yiisigwa aa muntu, pele ku ba—ba uyiisigwa aa Leza. Wakayutuka, a kwiima kasamide kabeele ka kakutu kambelele, a boya ku busyu bwakwe boonse, iboya koonse, a masusu kalengelela ku nsingo yakwe. Kapona kubusena bwa mu nkanda, kuponena ku nsabaandwa, ezyo mpaso, nsabaandwa zya musokwe a buci, cindi nakapona mu nkanda. Elyo wakasika, kaima mu ntimba ya nkomwe, a kwaambilizya kuboola kwa Mesiya. Elyo Mesiya waka selemuka ncobeni, Muntu uuzizilwe aakati ka bantu, alimwi waka bapatizigwa. Elyo basinsimi boonse baka citondezya kuti cakali cintu cimwi cipati loko eco cakasola kucitika, nkabela mbo cakabede. Mwabona?

288 Ba lalangila cintu cimwi cipati, cintu cimwi cipya ceebeka, ku citika. Mwabona? I Muuya Uusalala taubalami. Ula yaka. Kubalama nkwa nyika. Kuyaka kwa Leza.

Koyaka aali ndime, Mwami, ngo mupailo wangu. Kondipa kulibombya. Ndi bweze, ndibumbe a ku ndibamba. Muuya wa Leza muumi, koenda cabupya aali ndime. Ndibumbe, ndi bambe. Ndibamba kuba Wako Mwini, Mwami. Kondi bweza biyo.

289 Ndi lizi akwalo kuti Muuya wa Kristo uleenda kuzunguluka buyake obu awa cifumo eci. I Leza oyo uyo beteka nyika uli waano eno, masimpe buyo mbuli mbo Ndi imvwi mu cikambaukilo eci. Kwali kusimpikizigwa komwe, kwabili, kwatatu kwa ncico, kwa Ijwi, mbubonya buyo Bbaibbele mbo

lyakaamba. Sena mwaka cimvwa kacijala ku ciindi eco, kumane eco? Komwe, kwabili, kwatatu, zintu zyoonse mu ncililano ya kumuuya, zintu zyoonse mu ncililano ya Magwalo. Oh, amujule myoyo yanu akumvwisya. Oh, ino nciindi, eco cikonzya kucitika ku ciindi eci!

²⁹⁰ Ba kali mu ng'anda ya mujulu, a kuzuminana komwe, kabalindila. "Nkambo abo balindila ku Mwami bayo kubulusya nguzu zyabo. Bayo tanta amababa mbuli sikwaze."

²⁹¹ Muta unki buyo kutala kuya a kwaamba, "Mwami, Nda usa, zibi zyangu. Lino Nda tambula kwiinda ku lusyomo kuteeti Ndi jisi Muuya Uusalala," a kweenda kuzwa.

Abo balindila ku Mwami, imvwiki, mazuba, kufumbwa mbo cibede, bayo kubulusya nguzu zyabo. Bayo tanta a mababa aa sikwaze. Bayo zuza a kuta katala. Ikuti na beenda, taba kawizuki. "Ko ndiyiisya, Mwami. Ko ndiyiisya, Mwami, kulindila." Kulindila ku Mwami.

²⁹² Buzuba a masiku, caku taleka, Ann wakali mu tempele, caku taleka kakomba, buzuba a masiku. Cindi noba kaleta Jesu mukati. Waa kanjila, moofu, ku buyake, keenda koonse. I mwanakazi moofu wakabikka maanza aali Nguwe a kulongezya Leza. Nkaambo, mu boofu bwakwe bwakunyama, mu muuya wakwe, waa keenzegwa a Muuya, kutala oko Nkwa kaimvwi.

²⁹³ Mpaawo, Simeoni, ka Mu lindila, kusule mu kampetu ka mipailo kaindi kuya, kalizi kuti wakajisi cisyomezyo, kwiinda ku Muuya Uusalala, kuti takafwi; mwaalumi mudaala, makumi aali ciloba aili ciloba, kutandila myaka iili makumi ali fuka yakukomena. Elyo wa kali...kaambila bantu cantangalala, "Nse kaboni lufu mane Ndi kabone Mesiya." Elyo ku ciindi nciconya, Muvwanda muniini wakakomena...

Ino wakali Nzi? Kutali cintu campuwo, balindizi boonse kabaimvwi njii cindi noba kamuleta mukati Mesiya, kavungaidwe kabotu ncobeni a bweelede, a kweebeka a kubikkwa zibotezya, a kubikwa pemfyumu mbuli bavwanda baniini abo baboola ku kutuulwa. Pele mutumbu muniini oyo waka sampaulwa, kati, "Waa kajisi Muvwanda, kutali kuzwa ku lukwatano lusalala." Kali vungaidwe mu zisila, jokwe, izisila zya jokwe lya musune Ka vungaidwe, keenda kumbele kwiinda mu buyake, alimwi bantu boonse kaba tantamuka kuli Nguwe.

Pele mpaawa kwa kaboola nkamu eyo niini, eyo inkamu niini. Anna, kwa umwi. Simeoni, uumbi, kaselemuka kwiinda mu mundando, muku taziba cindi na keelede kulanga aali Nguwe. Alimwi wakanyamuna maanza aakwe a kwaamba, "Mwami, kolekela muzike Wako ainke mu luumuno eno, mbuli ku Ijwi Lyako, nkambo meso aangu abona lufutuko Lwako." Kung'ung'una. Mwabona? Taakwe cintu cipati, ceebeka. I kuyaka; alimwi nekubakuti ca sampaulwa, cakali citondezyo.

294 Elyo, sunu, citondezyo cila sampaulwa. Ta cikwe ba cigwasya. Ci—Ci. . . Ci la sampaulwa, a kwitwa zintu zyoonse. Pele walo ncitondezyo eco citamvwugwi, citondezyo eco cisampaulwa. I Bbaibbele Iya kaamba obo, “I citondezyo, cisampaulwa.”

295 Atu yeeye eci mbuli mbo tuunka ku miinzi yesu. Muta kasoli kulekela Mulumbe oyu kuzimaana mu myoyo yanu. Kufumbwa nzo mucita, muta ciciti. Amu yeeye aali Eci, isikati a masiku. Elyo amukombe, isikati a masiku, kuti Leza uyo busya kamboni Wakwe eno. Twali bambila, nkambo Nda syoma, inoino, cindi tacikabi limbi. Tula boola.

296 “Mbobuti, cindi no ciyooba, Mukwesu Branham?” Ta ndizyi. Ndiza sunu. Inga kwaba juunza. Ikuti na talili sunu, Ndi no cilangila juunza. Alimwi ndiza inga caba mu mwaka uuno, mwaka uboola, myaka iili kkumi. Ndiza myaka iili makumi otatwe, Ta ndizyi cindi noci yooba. Pele Nda mba, kuzwa cindi cino, amube bali bambilide ziindi zyoonse.

297 Elyo muta bwezi cintu cimwi munzila iizizilwe. Muta citi eco. Muta leki, isikati a masiku, kusikila mwaambaule kuli Leza. Amuli tantamune ku ciimo cakwiindilizya. Muta pangi cimwi mu kulimvwa. Muta citi eco. Eco nce cileta kunji maningi kwa zintu zya nguzuuzu nkabela cibamba bantu ku ciyoowa, mwabona, ngu kaambo ka ciimo cakwiindilizya mu nguzuuzu. Muta tambuli eco; nokuceya. Amu kkale mpoonya awo kusikila mwaambaule kuli Leza. Kwalo, mbuntu bwanu, alimwi nde ndinywe muyo pona Butamani kuya kutala. Elyo amube masimpe kuti mutasukane buyo maanza a kwaamba kansiyansiya, na—na kutambula cintu cimwi ku lusyomo. Muta citi eco. Amwaambaule kuli Leza. Amulekele Leza kwaambaula kuli ndinywe, nkabela mulange eco cimwi citikila. Mulange makanze aanu a ceeco cicitika, mpawo muyo ziba naa mwa kwaambaula kuli Leza na pe.

298 Kuli ndinywe nomwa syoma aali Nguwe cifumo cino. Kuli ndinywe, alimwi Nda—Nda amba kujatikizya lwiito lwaku cipaililo. Sena mulizi mbo baka cicita mu Bbaibbele? “Boonse baka syoma ku Mwami, boonse baka syoma ku Mwami baka bapatizigwa mu Zina Iya Jesu Kristo kuti bajatilwe zibi zyabo.” Ikuti na tamuna. . . Tii twa kajisi lwiito lwaku cipaililo. Kwiina noba kabamba bantu kuboola. Elyo wacita eco, ula jana zintu zyoonse. Ngooyu mulombwana waboola ku cipaililo, kaboneka kuba sikamikami, nkabela wafugama, nkaambo muntu umwi wasola kukwiita. Ula—ula—ula ba buyumu kobile kusola ku mwiita alimwi. Mwabona? Elyo ncinzi ncocita? Uula njizya zintu zyoonse kuli neico. Elyo Jesu wakati, “Boonse Taata mba Ndi pa bayo boola kuli Ndime.” Amukkale a Ijwi eelyo. Leza uyo cita zicaala zyaco. Mbo mbubo. Mbo mbubo. Leza uyo cita zicaala zyaco.

²⁹⁹ Leza amu longezye. Ndi langila ku mubona alimwi sunu masiku, langila, umwi aumwi wanu oyo uukonzya. Ndi lizyi bunji bwanu mweelede kuunka ku masena, aali kule. Njo ba kunselelo sunu masiku, ku mvwa mukwesu wangu, ikuti na nduyando lwa Leza. Ta ndiyandi kubweza milumbe yakwe yobile.

³⁰⁰ Elyo—elyo Mukwesu Neville muntu wa Leza mubotu. Elyo Ndi lizyi, Ndi lizyi oyo. . . Cindi Nda mumvwa ka kambauka, Ndi lizyi ciboola kuzwa kwini ku moyo wakwe. Ndi lizyi eco. Elyo Mukwesu Neville, mbuli mbwa kaamba busiku bumwi, mubandi oyo, kati Nda bamba bwaambe. “Buzuba bumwi Njo mubapatizya mu Zina Iya Jesu.” Nda kacita. Nkaambonzi? Nda kabona kusinizya a kusyomeka muli nguwe. Nda kalizyi ikuti wa. . . konzya kusolwa kupegwa kuli nguwe, alimwi kubona wa. . . alimwi wa—wa konzya ncobeni ku Ci bona, meso aakwe kuti inga ajuka, inga wa Ci syoma. Nda kalindila, a kwaambila Mbungano, “Muta pengi pe, oyo mukambausi wa Methodisti uyo boola kuba kabotu.” Elyo ngooyu mpali sunu, mweembeli wa cikombelo, cakuyuma buyo mu mulimo mbuli mbwa konzya kuba, mu Mulumbe. Ula syoma Leza. Elyo Ndi lizyi, cindi Nda mvwa cintu cimwi kuzwa ku Mukwesu Neville, Ndi lizyi cili kasimpe, kuboola kuzwa kwa Leza, nkaambo musyobo oyo wa muntu.

³⁰¹ Nda bikka maanza aangu aa tusila twanu awa oto twa kombelwa. Mukusyoma, umwi aumwi wanu watambula cilongezyo kuzwa kwa Leza. Amusyome Leza kuti uli ku moyo wanu.

³⁰² Ta tu—ta tu booli kuno ku—ku jana cilongezyo kwa Leza, kunji loko, mbuli mbo tu boola kuno. Mazuba oonse tula yoya muuwo, tula jana cilongezyo kwa Leza. Eco nco tu boolela kuno kucita, nku lulamikwa, nku kosola, ku palula myoyo yesu, a kusika kumbele Iya Leza, a kusyoma Leza a myoyo yesu yoonse.

³⁰³ Amuyeeye Ijwi Iya Mwami. A kuta luba, akuta kakilwa, kulanga ku citondezyo ca kasimpe cizwa kwa Leza.

Elyo mpawo Ndi yolekela kuswaangana ku Mukwesu Neville, aku mulekela kwaamba kufumbwa nca yanda kwaamba.

[Mukwesu Branham wazwa ku cikambaukilo, elyo Mukwesu Neville waamba, “Ndili masimpe, ma, Nda mwaambila, Nda kaziba kuti Leza watondezya eco nco twali kulangila mu kuswaangana kutaanzi. Mbuli mbo Nda langa koonse ku mweelwe wa masyu, cifumo cino, Ndi lizyi cali kabotu kuti mwali kokuno. Elyo cali cibotu kuti Nda li kokuno. Alimwi Nda elede kuba kokuno, alimwi mwali eeledede kuba kokuno. Makanze azulizigwa ca kululama kuti na mwa ciyeeyela kuba obo. Eco nco mujisi cifumo cino, mu leeledede kuba aco nkaambo mwa citambula nca Leza. Nkabela ndyoonya buyo tu jisi

mulimo wa lubapatizyo, kutobela eci. Elyo Mukwesu Willard Collins uleendelezwa mu mulimo wa lubapatizyo, alimwi tujisi basikubbila bobile na botatwe. Nkabela tu yanda kubona basikubbila bali mwaanda kuya ku lubapatizyo mu Zina Iya Jesu Kristo, cifumo cino.”—Mul.] Ameni! [“Kokanza ku tondezwa lusyomo lwako mu cianza cakuyubuluka. Lusyomo taluli mulimo. Lusyomo, lu kanaanwa, ta lugwasyi. Pele lusyomo, lwatondezegwa, ngu malalile aa Bbaibbele.”] Ameni! Mbo mbubo. [“Kwiinda mu kuswiilila, lusyomo inga lwatondezegwa. Akube kuti Leza ape ku muntu oonse, cifumo cino, abo bali kuno, abo balimvwa kusololelwa kucita boobo, inga mwa boola. Ikuti na eci ni. . . Ikuti na eci ciniini tacili mbuli eco nco kanzide, na ndiza wajisi cipangano ndyoonya cakubamba, na cintu cimwi, ikuti na wakonzwa kumusya eco, a kumanizwa kweelede mu mulimo oyu wa kuswiilila; Nda syoma mbuli munyoko mubombe muli Kristo, a mbuli sikubeleka antoomwe a musinsimi wa Leza, Nda syoma inga caba—inga caba ku kusala kwako kubotu maningi, kuti ubambe muzeezo eno.”] Leza ko cipa. . . ? . . . [“Alimwi kupa kuti uyo boola, a kubweza busena bwako aakati kabamwi abo beelede ku bapatizigwa, kuti inga waba mu mweelwe oyu, kubamba katanga kaniini. Oh, ncibotu loko, embo na, kuba umwi Wakwe, akuba mbuli Ijwi Lyakwe? Atwieme toonse antoomwe, mbuli mbo tulibambila kumwaika. Munsono iicilila, Mukwesu Branham uno jokede kuba a ndiswe alimwi. Atu yeeye kwambilizya oko. Wa amba kuti unooli kunselelo kuno sunu masiku, pele taamba kuti uyo kambauka. Nekubabobo, kuyandisya kwangu nkuti, lyoonse, kuti inga wacita. Elyo taelede kuyoowa kujatikizya awo mpe Ndi imvwi aali eco. Kuyandisya kwangu kuli masimpe loko, mukuziba kuti Mulumbe alimwi i—i kwiitwa, mulimo ngwa jisi, nkubula kupati kwa buzuba obu bupati. Nda pa busena, kufumbwa ciindi. Njo amba eci mu busyu bwa bantu a nguwe. Mebo, ndapa busena cakukkumana, kufumbwa ciindi, mu kuswaangana kuli koonse, ku Mulumbe oyu mupati oyo ngo Ndi syoma. Nkaambo, Leza wakanana kwiinda muli ndiswe tobile, cifumo cino, kutondezwa citondezwo eci. Alimwi Ndili boteledwe kuba aa coolwe ca kukonzwa kuba buyo umwi ukonzwa kupa busena kuli nguwe. Nkabela inga ndacita, sunu masiku, kuti inga Nda kkomana kucita, ikuti na mukwesu wesu, alimwi muzike wa Leza a musinsimi, wali libambilide maningi kucita obo, Nda pa cakukkumana loko kuli nguwe. Buyo ku ijwi lyakwe, kufumbwa mbwa limvwa. Pele, wa kanana, alimwi tuyo lazika buyo kumanininzwa kwa cintu coonse mu maanza a Leza Singuzuzyonse.” Mukwesu Branham wabweeda ku cikambaukilo—Mul.]

³⁰⁴ Sa inga walomba cintu cimwi cibotu loko, inga wacita, kuzwa ku munyoko wini? I kaambo ako Ndi. . . Bona, beenzuma, Ndi—Ndi lizyi mula ndiyanda. Mula muyanda Mukwesu Neville. Mula yanda bantu ba Leza boonse. Tula yandana. Ikuti na kwali

cindi eco nco tweelede ku yandana, ndi sunu. Tu leelede ku swenana loko antomwe, mukwesu, kuti buyo twa . . . Inga twaba kwiinda babunyina a bacizi ncobeni ku bulowa. Olo ndo luyando lweelede kuba mu myoyo yesu kuli umwi aumwi, bulemu a kulemeka, atala loko. Elyo Nda cibotelwa eco. Nda botelwa eco cintu cini.

³⁰⁵ Elyo awa, Mukwesu Neville, a Mukwesu Higginbotham. Mukwesu, Nda syoma kuti wakali Mukwesu Funk. Ta mvwika akwalo mbuli nguwe, oyo wapa mulumbe oyo kusule kuya, oyo waboola. Izwa kwa Leza, yalo milumbe, beenzuma. Nko yazwa ncobeni. Kufumbwa muntu uujiisi kutweluka kwa kumuuya ulizi eco.

³⁰⁶ Pele mboobu mbo cibede. Mu kuboala, Nda—Nda botelwa Mukwesu Neville kunji loko mane Ndi yeeya boobu, nywebo mwabona. Tii—Tii nda yanda kwaamba cintu citakuti Ndi jisi ncobeni cintu cimwi kuzwa kwa Leza caku mwaambila. Mwabona? Alimwi Nda jisi eci—eci caka boola ku moyo wangu, kutandila mazuba obile na otatwe yainda, alimwi tee Nda ka cilanga kunji kusikila busiku bwaında, kubungika Magwalo masyoonto. Ako nke kaambo nce Nda bolela ku cikambauka. Ca zwa ku maanza angu eno. Nywebo mwabona na? Kufumbwa cintu ncomu cita ancico, eco cili, eco inga caba kuli ndinywe, nywebo mwabona. Pele ca zwa ku maanza angu.

³⁰⁷ Pele, Mukwesu Neville a Ndime, tuli buyo nzila eyo. Ikuti na Nda boola kunselelo kuno, buyo ku—buyo ku kanana ciindi cimwi, a cintu cimwi mbuli eco, nkabela Mukwesu Neville ujisi mulumbe kuzwa kuli Leza, inga Nda kkala acuuno ncobeni. Iiyi, nincobeni. Inga ndapa busena ku mulumbe wa Leza, lyoonse. Mwabona? Eyo nje nzila njo tu citilana. Aako nke kaambo Nda amba Njo. . . Ikuti na—ikuti na Leza tandipi cintu cili coonse, nkokuti, ndiza, ku kanana buyo. Elyo ikuti na Leza wapa Mukwesu Neville kufumbwa cintu, nkabela Ndili awa mpoonya a cikambaukilo, Munsondo kuseeni, Munsondo masiku, kufumbwa cindi mbo cinobede, Mukwesu Neville inga buyo. . . Inga waba mukwesu uukwene. Inga waboola kuli ndime, kwaamba, “Mukwesu Branham, Nda kusyoma kuba mulanda wa Leza, pesi Mwami wazwaa kundipa mulumbe.” Yebo inga wacita eco, sa inga tocita? [Mukwesu Neville waamba, “Ameni.”—Mul.] Iiyi, munene.

³⁰⁸ Inga ndacita mbubonya kuli nguwe, ikuti na weelede ku kanana. Inga ndaamba, “Mukwesu Neville, sa inga wandijatila? Leza wa ndipa Mulumbe. Nde elede kuu wamba ku bantu, ndyoonya eno.” Elyo walo, Mukwesu Neville, inga wazwa ncobeni munzila; naa umwi wesu, kuli umwi aumwi. Mwabona? Eyo nje nzila mbo tucita. Alimwi mpawo ikuti swebo, ikuti na ta Ndi jisi cintu cimwi cili coonse, mpawo Ndi. . .

³⁰⁹ Nda botelwa buyo kumumvwa ku kambauka. Nda kamumvwa. Mbangaye ba kamumvwa, Munsondo yainda masiku? Ino mulumbe mubotu, Nda mwaambila. Ce endelana kabotu, eco caambwa kuseeni.

Elyo, no bantu, Nda mwaambila, muli jisi Ijwi lya Leza lyeelede kuti mweelele kupona kabotu ncobeni a ku lulama.

Leza aku longezeye eno, Mukwesu Neville.



I CITONDEZYO CA KASIMPE ECO CITAMVWUGWI TNG61-1112
(A True Sign That's Overlooked)

Oyu Mulumbe aa Mukwesu William Marrion Branham wakakambaukwa lutaanzi mu Chikuwa Munsondo kuseeni, Vumbipati 12, 1961, ku Branham Tabernacle, mu Jeffersonville, Indiana, U.S.A, wakagusigwa kuzwa ku rekordi ya magnetiki teepu a kulembwa cakutagwisyacintu mu Chikuwa. Obu busanduluzi bwamu Chitonga bwa kalembwa a kumwisigwa aa Voice Of God Recordings.

CHITONGA

©2018 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu ciyanza cakujokolosya, kusandululwa mu misyobo iimbi, na kubelesegeka kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org